

Hethadenee waunauyaunee vadan Luke Vanenāna

Arapaho Luke

This Bible is in the Public Domain and is produced at cost by the Digital Bible Society (dbs.org). It was first published in 1903 by the American Bible Society. The translation was done by Michael White Hawk and John Roberts. This Bible, and many others, are available for free download in a variety of digital formats at dbs.org/bibles.

Language:
Country:
Publisher:
Copyright: Public Domain
Last Updated: 2023-10-20
ID: e5473f7c-70d5-4c4a-8653-201c5095ae15
ISO: arp
ISBN:



Luke

¹ Hanau waunauthathee hadnedanuu hejadenenau hadjenanuu hauthase vavese hauthedau hena hayauhuhau nanāe hājavaānethauwuthajauthaunin, ² Hasevenānauau nanaa hehethee jasesee vasesā hāenuu nau nejaanuu hanadedaunau; ³ Hasethajaunau hethadee heee nananenau jea, vavesethaugudenau vahee hayauhuhau hehetheejasesee hadnewauthaunauwunathane nedānee, javaānethadee Theauthenus, ⁴ Hadeaenauwu hethauwuu hena hayauhuhau nesechauhauthehane. ⁵ Hena hese Herod, naja Judea, jasia vevethahehe Zacharias haseede, hadauchunanede Abia: nau henene hedaunāhene Arauneau, nau hene-seedaunin Elisabeth. ⁶ Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade. ⁷ Nau hehauwunesaunenauau, hanau henee hehauwunesaune Elisabeth; nau wauwu haenesauu vaehahenenauau. ⁸ Nau hethauwuu, henee daunausuvadanedade hathaāhenith Hejavaneauthu hāenauauchade, ⁹ Nesedaunethe vevethahehehau, nesedaude hadnejaāde yehauthe hevadannauauwunene Vahadāhenith. ¹⁰ Nau haunauude henanedanede haevethahedaune jathee nauaichuu jaa. ¹¹ Nau haenauhauva hautheaune Vahadāde haetheaugune hejave jaanaa. ¹² Nau hāenauhauwaude Zacharias, haejanethajau, nau nāthajau haeedasaa. ¹³ Hau nuu hautheaune, jevanāthajau hathāhuk, Zacharias: havevethahede nanedauwuhuu; nau hadasea Elisabeth hadjanesewaude hāau, nau Jaun hadeseau. ¹⁴ Nau nananin hadaunauwuthajau nau hadeneethajau; nau hadnewauthathee neethajauthee hāejanesee. ¹⁵ Hanau haudvasāthaa hathaāhenith Vahadāhenith, nau haudne-hauwuvane daudause dadajevenenaje, wauāthe neauthunaje; nau haudnechauchaunadede Hevadanauwauthauwunene Hejavaneauthu, haa hehethee hāejanesee. ¹⁶ Nau haudnewauthaa dāeyaunenede Israel hadjaechuwauyāaunaude hese Vahadāhenith Henesaunaunenau. ¹⁷ Nau haudnedauwaunaude nauguu Vadanauwauthauwu nau neesenaudāhenith Elias hadjaechuwauyāauau vadauhau henesaunaunenau hese dāeyaunauau nau nejenedauvathee gaugauuthajaudenau hadauethadee; hadnesaanudedede henanedanede hesanaa hese Vahadāhenith. ¹⁸ Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheaune. ¹⁹ Nau hautheaune hanaāauchuhananadethāde, Nananenau Gabriel henee theaugudaunauau hathaāhede Hejavaneauthu; nau janeautheavānuu haudnāedauwunathana, nau hadnauhauthehathana nuu neethajau waunauyauau. ²⁰ Nau, naune, nananin haudnejanadene nau haudnehauwunedanade, haunaude hese nuu hayauhuhau nauauchaugu hethauwuu, hanau nananin daujethauwaudauwu nadanadede, nuu hadnethauwunauaichuu nauauchaugaune. ²¹ Nau henanedanede haedauyauhauvanauau Zacharias, nau haegauguanadauwu henee dauguthetheaugude vadannauauwuu. ²² Nau hāejenuāhede, haejenuadetha: nau haeenauwu daunauhauthāde vadannauauwuu: haevathasauwuna nau haejanade. ²³ Nau hethauwuu, henee, chauchaunu hese hāesevadanedaude haeyehau hese nehayau hedauauwuu. ²⁴ Nau heee hena hese henene Elisabeth hanaāenesaunenith, nau haegauduse nehayau hayauthaunenethe hesese heee, hanaāenehede, ²⁵ Hesa Vahadāde naesehānuu hese hāedaugauhauvānuu hadgudanauwunānuu nāedayāhede henanedaa. ²⁶ Nau nanedaudauchauwaude hese hautheaun Gabriel haejeauthewau hehethee Hejavaneauthu hese hedan Gananee haseenau Nazareth, ²⁷ Hese hāhedāeyaun haenenehauwaune henanin Joseph haenaneeseenith, hehethee hedauauwuu David; nau hese hāhedāeyaun Mare haenaaseede. ²⁸ Nau hautheaun haeedasaa, nau hanaāenehethāde, Haunauwuthajau, nananin vechauthane, Vahadāde hanedaunaunāne: hauwunaunane hesānaa. ²⁹ Nau hāenauhauwaude, haejanethajau hedanadedanin, nau haegauguanade daun hadnesenaunenechuhude nuu hadnesauau. ³⁰ Nau hautheaun, Jevanāthajau, hathāhuk, Mare: hanau nananin vechauthāne Hejavaneauthu. ³¹ Nau, naune, nananin hadnesaunin, nau hadneahene, nau JESUS hadeseau. ³² Hadvasāthaa, nau Vāā Hejavaa hadethauva: nau Vahadāde Hejavaneauthu hadvenaude naja theaugudau henesaunaune David: ³³ Nau hadnajawaudauu hededanin Jacob jethauujenee; nau henajanede hadnehauwuthauvadauaune. ³⁴ Hanaāenehethaude Mare nuu hautheaune, Haddusenesau nuu hanau nāhauwāenaunau henane? ³⁵ Nau hautheaun hanaāauchuhananadethāde, Hejavaneauthu Hevadanauwauthauwu hadnedasāne: nau naunauthauu Hejavaa haddugauyāaunāne; henaheee jea henee Naunaudāde hadnesaunewaude Heau Hejavaneauthu hadnethade. ³⁶ Nau, naune, have Elisabeth, jea wauwu henesaunede hadneahede wauwu dauvadavehahenede: nau nuu nanedaudauchunethe hesese wauwu hehauwunesaune neethade. ³⁷ Hanau Hejavaneauthu vahee

neneedede hayauhuhau. ³⁸ Nau naune, Vahadāde daununānau hahagu Mare, hadnaasauau nuu hasenehene, nau hautheau hanaēnauthāde. ³⁹ Nau Mare hanaēthauwauthede hena hese, nau hanaēhaude jauaudane-nauauwu nauhauhaunee hese hedan Juda; ⁴⁰ Nau hanaējedāde hedauauwunene Zacharias, nau hae-naunenechautha Elisabeth. ⁴¹ Nau hethauwu, henee, Elisabeth hāenedauwauthaude daunaunenechuhunith Mare, dāeyaunaa haenauauwuja hethauwaudauau; nau Elisabeth haechauchaunade Vadanauwauthauwu: ⁴² Nau haevasanade, nau hanaēnehede, Hauwunaunane hesānaa, nau hauwunaunade dāeyaunaa hethauwaudauau. ⁴³ Nau naudauhuthedasaa nuu, henee henaune Navahadāhewaunāde hadnedasānau? ⁴⁴ Hanau, naune, chauchaunu hanadedaunau haunaunenechauhude hāenedauwaudauwau naunaudaunuu, dāeyaunaa naunauuwujahede naunaudauau hee haunauwuthajau. ⁴⁵ Nau hauwunaunade hesā henee hethauwuthajau: hanau hena hayauhuhau hadnethauwunaasauau neethāedauwunade hehethee Vahadāhenith. ⁴⁶ Nau Mare hanaēnehede, Navadathuwu hauwaunehāde Vahadāhenith, ⁴⁷ Nau navadathuwu neethajaudaunade Hejavaneauthu Nānayauhāde. ⁴⁸ Hanau nedaugauhauwaude hadavenuhuhau hedau-nunaunau: hanau, naune, hewaunehaa heejasesee vahee henaededaunau hauwunaunade hadnethanau. ⁴⁹ Hanau hena Naunaudāde vanasaunee hayauhuhau hasehānau; nau vadaunee heneede. ⁵⁰ Nau nauwu-naunade henee headaunādaunau henajāthee henaedede nau nausunee henaedede. ⁵¹ Nenuhauthethāde hedāhede hejadena; neneāsauaunade hesāethajauhuhau hedāhene. ⁵² Nejananaude naunaudāhenethe hehethee hethaugudaunene, nau nejejenanaude hadavenuhuhau. ⁵³ Negaudauhaude hasenahehau nauguu hethadenee; nau nethauyādahehehau negudanaude jessaa. ⁵⁴ Nenedahewaude heau Israel, nedauyewuwude hedauwuyau; ⁵⁵ Neesenehethaude havasevāene, Abraham nau hedāeyaunewau jethaujenee. ⁵⁶ Nau Mare haenedauguva hanāenethe hesese hee, nau hanaējaehaude nehayau hedauauwu. ⁵⁷ Wauhā Elisabeth hanaēvadaudaude hadneejanēsāde; nau hanaēehede. ⁵⁸ Nau henedaudevādaunau nau henethesaunau haenedauwautha hasauwunaunāde Vahadāhenith haenauhauthehaa vanasaunee hauwunaunadede, nau haenetheneethajauva. ⁵⁹ Nau hethauwu, henee hāenasaudaunese haejenauusanauau hadgaugusenith dāeyaunau; nau haeadethanauau Zacharias, thauguu heneeedaunin henesaunaune. ⁶⁰ Nau henaune hegau, hāheyaugaune, Jaun hadnethade, ⁶¹ Nau hathauhaugaunee hehauwuseenauau hādaunānau nuu neseede, ⁶² Nau haevathasauwunanauau henesaunaunin, haadeneseenethe. ⁶³ Nau haenaude dasewauthaunauha, nau haewauthaunauhā, Jaun haseede, hahagu. Nau haunauude haegaugauuthajaudene, ⁶⁴ Nau haegaunadenanauau, nau henethaune haegauchauunauaune, nau hanaānadede, nau haevaveenethedauna Hejavaneauthu. ⁶⁵ Nau nāthajau haeedasā haunauude henee hathāeuchaunauthee: nau vahee nuu nehedaunau haegaugauudedaune jedauwu hathāauau jauaudanenauauwu Judea. ⁶⁶ Nau yahee hathāenedauvade haejenanauwu hedahenauau, haudduthā naa dāeyaunaa, hahagaunee? Nau hejadenene Vahadānith haenedaunaunaa. ⁶⁷ Nau henesaunaune Zacharias haechauchaunadene Vadanauwauthauwu, nau haeayānautheda, ⁶⁸ Vaveenethedaunaa Vahadāde Hejavaneauthu Israel; hanau haenaujāda nau daujauaudaunau hedenanedanede, ⁶⁹ Nau thauwaudanaude henenese hadnenayauhānauau jedauwu hedauauwunene hedaununaune David; ⁷⁰ Dau nausunadede hedenaa Hevadanaeyāhewau neenaedenethe hāejeenaedenauau: ⁷¹ Henee hadnenanedanenauau hehethee haujauthavene, nau hehethee hejadena vahee hāthāasānavādaunene; ⁷² Hethauwu hauwunaunadede nesayānāedauwunade havasevāene, nau hadnedauyewuwude Hevadanenesedauwu; ⁷³ Deneauwuhude yesee havasevāene Abraham, ⁷⁴ Henee hadvenānauau, jenāthajau hehethee hejadenene haujauthavene hadnenayauhānauau hadnevevethedaunau-nauau. ⁷⁵ Nauguu vadaunee nau chuwu hathāhede, vahee hese hadenaededaunene. ⁷⁶ Nau nananin, dāeyaunaa, haeyāhe Hejavaa hadnethane: hanau nananin hadnedauwaudauwu Vahadāde hadnesaanudene hevaunaa; ⁷⁷ Hadvāde haeyaude hadnenanedanedaunee hededane hadjaegudanaunau hewauchaudenenenau, ⁷⁸ Hehethee havathee hauwunaunadede Hāsaunaunene; nanaa Naugusaje hehethee hejavaa hadnaujādaunānauau, ⁷⁹ Hadvenaude hese hathāetheaugunethe hadaueveyaunee nau hadaudugauyāsaa gaujauaudahede, hadnedauwaudauau hauauthene hese hadaudādauyaunee. ⁸⁰ Nau dāeyaunaa haeseau, nau hevadathuwu haedāeune, nau haenaadaude hadaunechaudanee haunau hese hadneenauhauthethāde Israel.

2 Nau hethauwu hena hese hauchuwude haeneāsanau hehethee Caesar Augustus henee vahee henanedanede hadnayāadee. ² (Nau nuu nayāadede haenedauwunese deachuwananenede Cyrenius Syria.) ³ Nau vahee haeauāchaudene hadnayāadee haunau hanesāde hese nehayau hededan. ⁴ Nau Joseph jea haeyehau hehethee Gananee, hehethee hedan Nazareth, jedauwu Judea, jedauwu hededan David Bethlehem neseee, (hanau naadahagu hedauauwunene nau nedānee David,) ⁵ Hadnethenayāade naguu Mareheau heauthewauthādaune hadnewaune wauwu haehāthane hee henesaune. ⁶ Nau hethauwu, henee hajesenaunanedauthee, hese haevadaunau hadneejanēsāde. ⁷ Nau hanaējanēsāde henedauwusaune heau, nau haeajetha, nau haesevana hewauchuhauchave nedau vethehenethe; hanau haeneau vethehedaunauwu. ⁸ Nau hena vavade vedauauwu hadnānauāhehauau haeadenauau, haeu-

naunehanaau haeanauyauhauvanauau hedajauanenau vegau. ⁹ Nau, wauhā, Vahadāde hedautheaune haedasā, nau havathee haeseenauasāunauau Vahadānith; nau haevasenāthajauau. ¹⁰ Nau hautheaun jevanāthajauau hathāhaugaunee: hanau, naune, nauuchaudaunathana hethadee waunauyauau havathee neethajau, nanaa hee vahee henanedanede. ¹¹ Hee nananena janesee nuu desenee hededan David Henayauthāhe, nananede Chris Vahadāde. ¹² Nau nuu hadneaenauwuna; Nananena hadveehauna dāeyaunaa hanajehede, saesee hewauchuhauchave nedauvethethee. ¹³ Nau nauhauhaunee hena haewauthanaau hejavaa hautheaunauau nauguu naa hautheau haevaveenethedaunanaau Hejavaneauthu, nau hasenehehaugaunee, ¹⁴ Havathee hauwaunede hese Hejavaneauthu hejavaa, nau dasee vedauuwuu nanethauaunee, hethadee hathanavana henanedanede. ¹⁵ Nau hethauwuu, hautheaunauau haejaenauthā hese hejavaa, Wauhā hadehaunau Bethlehem, hanathadagaunee nuu haudānajauāhehauau, nau nauhaudauwuu nuu hayewhu javeauau, nanaa Vahadāde hāedauwunādaunene. ¹⁶ Nau haenauchuhanausanauau, nau haeehanauau Mare nau Joseph, nau dāeyaunauau haesaeseene hewauchuhauchauwauwuu henee nedauvethethe hewauchuhauchāve. ¹⁷ Nau hāenauhauwauthee, haeneānauthedanauau nuu hathauthedaunāhethee hee dāeyaunauau. ¹⁸ Nau vahee hathāenedauvade haegauguanadauwu henee hayauhuhau nuu hathauthedaunāthee haudānajauāhehau. ¹⁹ Nau Mare haeanaunede vahee nuu hayauhuhau, nau haegauguanade hedahaa. ²⁰ Nau haudānajauāhehauau haejaesanauau, haevaveenethedaunanaau nau haevaveenethedaunanaau Hejavaneauthu hee vahee hanathadavathee nau hathauhauthāthee, neethāedauwunāhethee. ²¹ Nau hāenasaudaunese hadneegauguusede dāeyaunaa henesede Jesus, haseadagu nuu haseede haenaneeseāde hautheaunau haunauau deejethāsee. ²² Nau hese hāewaudeauchaude hasaunee hedauchuwude Moses hāevadaunee, haeyehauthanaau hese Dadaunedan hadjenanauwunauthee Vahadāhenith; ²³ (Hathauthanaunehene hauchuwudaunaa Vahadāde, Dajee haunauahee henee nedauwusau vadade hadnethade hese Vahadāhenith;) ²⁴ Nau hadnausāyauunee neesenehedaunee hauchuwudaunaa Vahadāde, Hanesethee vedāenauau, wauāthe hanesethee neauthuvēsaunauau. ²⁵ Nau, naune, hena henane haenedau Dādaunedan, Simeon haenaneeseede; nau naa henane haechuvā nau haethauwuthajau, haejauwuwude hadneneethajauthee Israel: nau Vadanauwauthauwu haethāsade. ²⁶ Nau haeeauthedaunaa Vadanauwauthauwu, henee hadjenauhaudauau gaujauaudahede, haunau hadnauhauwaude Vahadāhenith Chris. ²⁷ Nau haeyeheenaunaa Vadanauwauthauwu jedauwuu Vadannauwuu: nau hāene henehā Hejavaeneauthusau jedanāde hadnesehāde thauguu hasauau hauchuwude, ²⁸ Hanaāejavethenaunaa hejadena, nau haevaveenethedauna Hejavaneauthu nau hanaāenehede, ²⁹ Vahadāhene, hewaunehaa nanehāejenauau hauwauwaunave hadnaudauau nanethauaunee, hasauau hadanadede: ³⁰ Hee nasesā nau nauhauwauau havāde Henayauthāhe, ³¹ Naa nananin hadnesaanudene hathaāhedaunee vahee henanedanede; ³² Hese hadneesenee Hathāauau henanedanede, nau havathee hadnanedanede Israel. ³³ Nau Joseph nau henaune haegauguanadauwu hena hayauhuhau hanasenehethavathe. ³⁴ Nau Simeon haevethasa, nau haēedauwuna Mareheau henaune, Naune, Naa dāeyaunaa hanejenanade hadneaunauaudenenee nau hadneejaegauhadenenee hauwuhuu Israel; nau hanau nauhauthethau hadnevathavade; ³⁵ (Haa, gaugachu hadneegauchuguhune nehayau havadathuvaa jea;) henee gaugauuthajaudenau hauwuhuu vaduhau hadneauthasuu. ³⁶ Nau hena haenesā Anna, haeyāhe, hedaunau Phanuel, hanaadāde Aser: haewauthanenau hejajenewau, nau haenethenaedeva hechu nesaudachu jajene hehetheneesede; ³⁷ Nau haenevesāne hee nasaudausauau yānenee jajene, nananede haeejethauunaa vadannauwuu, nau haenesedauna Hejavaeneauthu nauguu naugaunee nau vevethahede dajāee nau hese. ³⁸ Nau haeejedā hee haevaveene jea Vahadāhenith, nau haeeauthedauna vahee nethāejauwuwudethee jauadaunauthadede jedauwuu Dādaunedan. ³⁹ Nau hāesedauthee vahee hayauhuhau hasauau hauchuwude Vahadāde, haejaesanauau hese Gananee, hadahethee hedan Nazareth. ⁴⁰ Nau dāeyaunaa haeseau, nau haedāeaune hevadathuwu, haechauchaunaa haeyaude: nau Hejavaneauthu vadaude haethāsade. ⁴¹ Nau wauhā henehā haeehaunenau hese Dādaunedan hadaachuvejanenee vasevadanese Hadavechauthadede. ⁴² Nau deneenenee hejajenewau, haeehaunauau hese Dādaunedan hanau nesedaunee vasevadanese. ⁴³ Nau hese hāevadaunee, hāejāesathee, dāeyaunaa Hejavaneauthusau haenasedaunaa Dādaunedan; nau Joseph nau henaune haejanauwu. ⁴⁴ Nau henanedaa haenehauvā hathanauwauhaugaunee, nau haejanaugudaunee; hanaāenaudehauthee henedauānene nau henedaehāhene. ⁴⁵ Nau hāejeveehauthee, haejaesanauau hese Dādaunedan, daunaudehauthee. ⁴⁶ Nau hethauwuu hāenasese hanaāeveehauthee jedauwuu vadannauwuu, haetheaugune nahethāe hauthedahehau, haejaatheha, nau haenaunaudedauna. ⁴⁷ Nau vahee hathāenedauwuthāthee haegauguanadauwu hedaeyaunene nau hedauchuhanehedaunene. ⁴⁸ Nau hāenauhauwauthee, haegauguanavanauau: nau henaune, Nā, naudu hanesehāane? hathāhuk, naune hāsaunau nau nananenau nenaudehane nejeneethajauunee. ⁴⁹ Nau hathauhuk, naudu haenaudehena? gauhajaene nachāe wauwu hanadaudauwau Nāsaunau henesethaude? ⁵⁰ Nau haejanauwu hasenehethāthee. ⁵¹ Nau hanaāenethaunaa, nau haenausanauau Nazareth, nau haethauwadaunā: nau henaune haeanaune-

dene vahee nuu nehedaunau hedahaa. ⁵² Nau Hejavaneathusau haeneenaneane hedaeyau nau hajedāde nau vechauthaude Hejavaneauthu nau henanedanede.

3 Wauhā yauthaunenee jajene wauwu neenajanede Tiberius Caesar, Pontius Pinade nausunajawaudauau Judea, nau Herod nanajawaudauau Gananee, nau henauhauwauau Theneb nanajawaudauau Iturea nau vedauauwu Trachonitis, nau Lysanias naja Abilene, ² Annas nau Caiaphas vevethajenanauau, Hejavaneauthu nanadede haeedasaa Jaun heau Zacharias nauaunee. ³ Nau haeedade vahee vedauauwu hanathaudanee Jordan, haeauthedaude dusaahede haudneagauthuu gaugauuthajaudenau hadneegudanee wauchudaude-nau; ⁴ Naathauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesaanuu hathaāhede Vahadāhede, nesedee hevau chwuwu. ⁵ Hadauchugauaudayauau hadnechauchanaa, nau hadauchāe hauane nau jauaudane hadjananee, nau jajāvāe hadchuvanee, nau hadauhauyauau bau † hadneyauthauau; ⁶ Nau vahee henanedanede hadnauhaudauau Hejavaneauthu hedenayauthaunene. ⁷ Hae-naānehethaude waunauthanee henanedanede henee hedaādaunau haddusaanaude, Hau hede-naededaunenau seseyānauau, hanaa hāedauwunādaunenau haddaugauhudauwuna nauthee hasenaunaude hadnauusanauau? ⁸ Hethadee nesedee hadeheaenaunee hadnauauthuu haugaugauuthajaudenenau jevaau-thenehee hadahenauau, hāsaunaunene Abraham: hanau nāedauwunathana, Hejavaneauthu neene nesehaude nuu hauunaugānau Abraham hedāeyaunewau. ⁹ Nau wauhā jea hauunauchu janenene hethājee hauhaudee: vahee hauhaudee jeneeauhuk vevenaundenau haddauwauhude, nau hadneewaudedaunaunee. ¹⁰ Nau henanedanau haenaudedanaa, hauddusedaune? hathāhuk. ¹¹ Hanaāāedauwunaude, Daun nane-sevechudaunade, jevena daun janevechudaunenith; nau daun hevethenede jenaasedaude, hahagu. ¹² Wauhā haenaāenuusathee hauyāhehauau haddusaahethee, Hechauauthethāhe hauddusedaune, hathāhuk, ¹³ Nau hathāhaugaunee, javaauthaunaudaunāthe henee nethautheavane. ¹⁴ Nau vanenanenau hanaasedaunethe, hanaasenehethāde, Nau haddusedaune, hathāhuk? Nau javaauthasenehaa henaneda, hathāhaugaunee, javaauthenanedauneevāa henaneda, nau hadnanethauaunahedava haunaudaunadenenau. ¹⁵ Nau henanedanau hathanāvāhuk, nau vahee henanedanede haegaugauanavaa hedāhenenau Jaun wauau Chris haenane, nau wauāthe hajee; ¹⁶ Jaun hanaāauchuhanehethaude, hathauhuk vahee, Hadneedusaanathana heee naje; hau hanesāde javaānaudāde javaāhenau jaunaude hewauhugu hewauaunaa nāhauwuneaugunavane, hadneedusaanāna heee Hejavaneauthu Vadanauwauthauwu heee heseda. ¹⁷ Henaunasāhau nanewau-nauau, nau hadgaunauhauau heyauthee nedauthauayāde, nau hadnauānauau wauchuunethauauhanau nedauthānauau jenayaunau; hau jenethauayaunau hadvadauchauauau hesedaa nedaujesaudaunahee. ¹⁸ Nau waunauthanee hanasejāesaunee hayauhuhau hanathauthedaunaude henanedanau. ¹⁹ Hau Herod naja haeau-naunewau heee Herodias henauhauwauau Thenebeau henenene, nau vahee hathāewausaunee hanasedaude Herod, ²⁰ Haewauhaunene nuu vahee henee dauaugauhude Jauneau duguhunauauwu. ²¹ Wauhā hāevahe-susaahedaunee henanedanede, hethauwu henee Hejavaneauthusau haenethedusaā, nau haevevetha, hejavaa hanaāegaunanenee, ²² Nau Hejavaneauthuvadanauwauthauwu haejejanauhusane hedanayaunaa hedanayau haenaasaunee waude vedāene nau hanadede haejenauusa hehethee hejavaa, hasenehehuk, Nananene vechauthauau Nāa, nananene vaveenethedaunathane. ²³ Nau Hejavaneauthusau nehayau wauwu wauau hanasauau jajeneva, hanane (hathanavade) heau Joseph, nananenith heau Heli, ²⁴ Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph, ²⁵ Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nagge, ²⁶ Nananenith heau Maath, nananenith heau Mattathias, nananenith heau Semei, nananenith heau Joseph, nananenith heau Juda, ²⁷ Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri, ²⁸ Nananenith heau Melchi, nananenith heau Addi, nananenith heau Cosam, nananenith heau Elmodam, nananenith heau Er, ²⁹ Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi, ³⁰ Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim, ³¹ Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David, ³² Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason, ³³ Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda, ³⁴ Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor, ³⁵ Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala, ³⁶ Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech, ³⁷ Nananenith heau Mathusala, nananenith heau Enoch, nananenith heau

† a “Bau” probably should be “vau” (meaning “way” or “road”), in line with the rest of the text, since the letter “b” appears nowhere else except in foreign names.

Jared, nananenith heau Maleleel, nananenith heau Cainan, ³⁸ Nananenith heau Enos, nananenith heau Seth, nananenith heau Adam, nananenith heau Hejavaneauthau.

4 Nau Hejavaneauthusau wauwu haechauchaunaude Vadanauwauthauwu haejeehedesa hehethee Jordan, nau haeyehauthaa Vadanauwauthauwu nauaunee, ² Yāyauau hese hananeedauchunese hae-nayāthethaa Haujaune, nau hena hese haeheejeveth: nau hāevathenesee, haenaāsenade waunee. ³ Nau Haujaune hathāhuk, hith nananene Haāthauwūāvaa Hejavaneauthau hāedauwunene naa hauunauga hadējauaujaunenede. ⁴ Nau Hejavaneauthusau haeauchuhanehe hathauhuk, Wauthaunauhuu henane hehauwu-naede jauaujaunau jasaa, nau hee haunauude hedanadedauunene Hejavaneauthu. ⁵ Nau Haujaune hae-nauauhuchauhaa hauanee hadaujauudanenee, nau haenauhauthehaa vahee najanede hathāauauvaa henanedanede chauchau. ⁶ Nau vahee nuu najawaude hadvenathane, nau hauwaunede, hathāhuk Haujaun: hanau hene nananenau devenanau; nau daun navadauvenau hadevenauau. ⁷ Hith nananene henahee hevevethedaunenagu, vahee hadnehanāhene. ⁸ Nau Hejavaneauthusaun hanaāauchuhananadethāde nau hathāhuk, Hedehau naugauvaa, Haujau haugau hathauthaunauhuu, Nananene hadevevethedaunaude Vahadāde Hāsaunau, nau hanesāde haudnevevethedaunaude. ⁹ Nau hanaāehauthāde Dādaunedan, nau haejenanaa naunauchuu vadannauauwuu, nau hith Haāthauwūāvaa Hejavaneauthau hauwujanauau hede hehethee, hathāhuk: ¹⁰ Haugau hathauthaunauhuu, Hadāedauwunaude hedauteaunau haddunānaune: ¹¹ Nau hejadenenau hadejedunānaune, havaaugugausene heaudaa dasee hauunaugāe. ¹² Nau Hejavaneauthusaun hanaāauchuhananadethāde nau hathāhuk, Hasenehee, Nananene jevanayāthethene Vahadāde Hāsaunau. ¹³ Nau hāevathenayāthedaude vahee, hanaāejathāde haujau najee, ¹⁴ Nau Hejavaneauthusau hanaāejaenaudāhede Vadanauwauthauwu haduu Gananee: nau hanaāauthedaunenede hanaāeneāsanaunee vahee hathāauau Gananee nauanee. ¹⁵ Nau haechauhautheha vevethahenauauwuu, nau vahee haevaveeneha. ¹⁶ Nau haenauusa Nazareth, needaunauuchauhade: nau dajauaunee nesedaude haeyehau vevethahenauauwuu vadanese, nau haetheaugu dasauhauwau wauthaunauha. ¹⁷ Nau haevanau hewauthaunahanene haeyāhew Esaias. Nau hāegaunanauau wauthaunauha, haeveede hadauwauthaunauhunee, ¹⁸ Vahadāde Hedauwauthauwu nanadeaunānau, hanau dehedsaanānau javeda hadnauthedaunu hethadenee waunauyaunee hadavenuhethete: hanejevāde haudnenayahu naudauwuthajauthee, hadnauthedanau haudjaejenanathete wauwaunauau, nau hadnejanauhauthāthete nanenauguthee, haud-jaejenanathete † hasenethaunauau, ¹⁹ Haudnauthedaudauwau hethadee jaunaunauau jaje Vahadāde. ²⁰ Nau haeauauvane wauthaunauha nau haejaevana vevethahew, nau hanaāejanaugude. Nau vasesā vahee hathānedauthete vevethahenauauwuu haenāauhauvanauau. ²¹ Nau hanaāejasesenehethaude, nuu desenee nuu hathauthaunauhuu hethauvaa haunaudaununenau. ²² Nau vahee haesegaugauudedauunene, nau haegaugauanadauwu hethadenee hedanadedauunene hethāenehethaunene. Nau gaunuu jee heau Joseph? hahagaunee, ²³ Nau hanaāenehethaude, Nananena hadethauwunehesena nuu heeejegausudede, Naudaunehāhe, nehane-nayauhade: hene nanāthadauwaunee nanāsedaunee Capernaum nanehasedaunee nechau hede nehayau havedauauwuvaa. ²⁴ Nau hathauhuk hethauwuu nehethathana, Hegau haeyāhe hehauwuechauthau nehayau hevedauauwuvaa. ²⁵ Hau hadauthedaunathava hethauwuu, waunauthathete henevesānauau neanedauthete Israel, hesee deanedaude Elias, hejavaa denausanaugauhuu nasau jajene nau nedaudachu hesese, devasauau hasenaude denanadesanauau vedauauwuu; ²⁶ Hau hehauwunesāhene hejevādaunene Elias, vavade Sarepta, hedan Sidon, hesā nananede henevesā. ²⁷ Nau newauthathete naugaugauwuhuhauau neanedauthete Israel deanedaude Eliseus haeyāhe; nau hehauwunesā henayuhade vavade Naaman Syrian. ²⁸ Nau vahee hathāethauguthee vevethahenauauwuu, hāenedauwauduu nuu hayauhau, haechauchaunaudenenanau hasenaunaude, ²⁹ Nau haegauhānauau, nau haenunanatheguthanauau hedan, nau haeauthanauau hauchauguu jauaudanee haduunee hededanenau needaunesehenee neaudnedauauwuguthauthete hauthedaunānee. ³⁰ Hau haejavechautha hehethee nahethāe, haejathāau, ³¹ Nau haenauusa Capernaum, hedan Gananee, nau haeauthedauna vadanesenenee, ³² Nau haegaugauanadauwunenau hasechauhauthehaude hedanadedauunau, hanau hedanadedauunau haenauthaunenau. ³³ Nau vevethahenauauwuu henane haenedau hevadathuwu haewauchāhene haujaun, nau haevasanade, ³⁴ Jenehāaa; hathāhuk, haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau. ³⁵ Nau Hejavaneauthusau haeneuva, dādaunauguu, hathauhuk, nau jenauchune. Nau haujau hāegausage-waude nahethāe hanaāejenauthaude nau haejaseneha. ³⁶ Nau vahee haegaugauanavaa, nau haenadethadenenau jee, nuu hayew hanadede; hathāhuk, hethauwuu nauguu haenauthenehetha haenesedauwauna wauchāhenethe haujaunau, nau hanaāejenauāhethete. ³⁷ Hanaāauthedaunenede nanadee jasesee gauānee vedauauwuu, ³⁸ Nau haegauhā haenauā vevethahenauauwuu, nau haejedā Simon hedauauwuu. Nau Simon henene henaunene haenadauwauvāhene; nau haeauthewaunauthasanauau. ³⁹ Nau haetheaugudauna, nau

† There is a midline hyphen in "haud-jaejenanathete" which doesn't appear in same word earlier in the verse. There are no other midline hyphens in this text at all, and this hyphen is probably without significance.

haeneude hasauwauvahede; nau haenauthaa: nau nauhauhaunee haegauhā nau haedauyauhauvanauau.
⁴⁰ Wauhā hesese hāenaesade vahee hathāenethenauthēe hasauwauvahehehau hanasejaechauwauvāhenethe haenauuchaudanau; nau haedajevasana nau haeenayauha. ⁴¹ Nau haujaunauau nauguu haevanauusanauau haewauthanauau, haeneānadenauau, nau haenehenauau, Nananene Chris Heau Hejavaneauthau. Nau haeneneuva haejechuwaanadeha: dauhaenauwunethe dau Chris denede. ⁴² Nau hāesenenee, hanaē-jathāude hesee hadaunechaudanee, nau henanedanau haenaudehaa, nau haedasaa, nau haedauduvaa, haudjenauthau. ⁴³ Nau hanaāēdauwunaude, haudnauthedaudauwau najanede Hejavaneauthau gauchuhunee hedanau nauguu: haugaunaasejejenananau. ⁴⁴ Nau haeautheda vevethahenauauwu Gananee.

5 Nau hethauwu, henanedanede haeneenavadaunedauwaudauwu hedanadedanene Hejavaneauthu, haetheaugu sasethauwu neajee Gennesaret, ² Nau haenauhaude hanesanenee thewaunau haetheaugunenau sasethauwu neajee: hau naunauyāhehauau haeyauhaudesanauau, nau haeanahesadenauau henauyaundenenau. ³ Nau haejedā jasaa hethewaunene, Simon, nau haenehetha hadwauauwuhudede vanehaa hehethee vachuwauauwu vedauauwu. Nau haejanaugu, nau haechauhautheha henanedanau hehethee thewaunaa. ⁴ Wauhā hāevadauthedade, hanaāenethethaude Simon, wauauwuhude hadaudavee, nau henaunau haunauyaude hadjathāne. ⁵ Nau Simon hanaāauchuhananadethaude, Hechauhauthethāhe, naunaugaunesethānauau, nau nāhauwuthauujathāva: hau hegaugaunauau hadnaenauwuaudenau nauyaude haugau hasenehene. ⁶ Nau hāesedauthēe nuu haewauthanenau hejathaunenau, nau haethauwunauaune henauyaundenenau. ⁷ Nau haedethanauau henedaehahenau danachaugunethe jasaa thewaunaa, haudjaunethe, nau haudnedāhevāthee. Nau haenauusanenau, nau haechauchaunaudenauau hanesanenee thewaunau hanaēnauwu. ⁸ Hāenauhaudauau Simon Peda, haechauāgujanaugu hejaedayānene Hejavaneauthusaun, nauchu, hathāhuk; haugauhauhauganenau, Hau Vahadāhene. ⁹ Haejenaunethajau, nau vahee hethāenethaunādaunau daunauanauthēe nauwu hejathaunenau. ¹⁰ Nau nauguu James, nau Jaun, heauhau Zebedee, henedaehauhu Simon. Nau Hejavaneauthusaun hanaāēdauwunaude Simon, Jevanāthajau, hewaunehaa hee nananene haudnesedanaude henanenauau. ¹¹ Nau hāenauuchaudethee hethewaunenau vedauauwu, hanaāenauduu vahee, nau hanaāenethauguhauthēe. ¹² Nau hethauwu, hānedaude jasaa hedan, naune henane haechauchau-naude naunaujaunee haugauwude; hāenauhauwaude Hejavaneauthusaun haeuāneseve, nau haeauthēava, Vahadāhene, vathehānenagu hadeneeyaudanene hathauhuk. ¹³ Nau haeyethauha, nau haevasana, vanathehānau: heyaudāhe, hathaukuk. Nau nauhauhaunee naunaujaunee haugauwude haenauthaa. ¹⁴ Nau hanesedauwaunā haudjāedauwunaunith henanedane: hau najesa hadnauhauthehau hadanayau vevethahevāhe, nau hadvā dauhenayauhane, Mosase neesedauvade, haudneāenuu. ¹⁵ Hau haeneenauthedaunene neānee: nau havathee haewautha henanedanede haeuānauuchaudene daujewaunejaathededaunee, nau haudneyauhāthee hedaunauwuhedaunenau. ¹⁶ Nau haejathāu hesee nauaunee, nau haevetha. ¹⁷ Nau hethauwu jasaa hesee, hajesechauhauthethāde, Nesethajauhuhauau nau hechauhaudauwuhuhauau nanavaavede haetheaugunauau hejava, haejeehedesanauau hadauchāe hauwauhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude. ¹⁸ Nau, naune, henanenauau haenauuchauhanauau henanene hee hedauwune haesevāhene nau haenayāthejedananauau, nau hadjenanauwunauthēe hathāājenith, ¹⁹ Nau hāejevedethee haudnethejedanauthēe hanau dauwauthaa henanedanede, hanaāenauuhsathee dasee hauauwu, nau haejanauhaujānanauau, hehethee dasee hejavaa hauauwu nauguu hedauwune nahethāe hathāājenith Hejavaneauthusaun. ²⁰ Nau hāenauhaudauwunith hedethauwuthajaudenenau, hanaāēdauwunaude, Henane, hauwauchudaude gaunudanauwunane. ²¹ Nau wauthaunauhāhehauau Nau Nesethajauhuhauau hanaāejasesegaugauuthajauthēe, Hanaa naa hananadede nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthu, naanesāde? ²² Hau hāenauwunith Hejavaneauthusaun hegaugauuthajaudenenau, Haudusethajauva hadahenauau? hathāhaugaunee, ²³ Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu? ²⁴ Hau hadaenauwu henee Heau henane naunaudāde dasee hathāauavadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedanau hauddau nau najesa nananene haudauauwu. ²⁵ Nau nauhauhaunee haethauwauthēe hathāājenethe nau haedane haugusenadenau nau hanaāejathāude hedauauwu haeveenethedauna Hejavaneauthu. ²⁶ Nau vahee haegaugauuthajaudene nau haevaveenethedaunanauau Hejavaneauthu, nau haechauchaunaudenauau nāthajau, Naunaudauhauthānauau nuu desene, hāheagu. ²⁷ Nau hāevathedaude haejathāu nau haenauhauva hauyāhe Levi hanaaseenith, haetheaugune nedaudanauau hauyāunau, nau jethauguhu hathauhuk. ²⁸ Nau haevanauthā, haegauhā, nau haethauguha. ²⁹ Nau Levi haevasevethēheha nehayau hedauauwu, nau haewauthanauau hauyāhehauau nau hauthauau haenedaugvā. ³⁰ Hau wauthaunauhāhehau nau Nesethajauhuhauau haeaunevā hethauguhādaunau, nau haenethevethēhewauna nau haenedaveyāwauna hauyāhehauau nau wauchudauhuhauau, hathāhaugaunee? ³¹ Nau Hejavaneauthusaun hanaāauchuhananadethāthee, hathāedāenaedethee hehauwuvathehā naudaune-

hāhew; hau hathāasauwauvahethee. ³² Nāhauwujenauusa haudnadethu hethahethee hau wauchu-dauhuhauau hadnaugaudanenee hegaugauuthajaudenenau. ³³ Nau hathāhuk naudu hethauguhādaunau Jaun denauaunenaugauyānethe, nau devevethahethee, nau naasedauthee hethauguhādaunenau Nesethajauhuhauau; hau hanethenaunauau havethehethethee nau havaveyāthee? ³⁴ Nau hathāhaugaunee, Gauhājenee-nesehauva dāeyaunauauau nedauenenedaunee hauauwuu naugauyaude hajesanedaundaunāthee waunenenehew? ³⁵ Hau hese haudnauauchu, haudneedanauwunana waunenenehe, nau heee hadnaāenaugauyāthee hena hese. ³⁶ Nau hanaānadethaude jea jegausauhānee; Henane hehauwu jenane waunauyaunee neauthayew hadaugauthāyaunee, hith hesedauhuk, nau hadauwayaunee needaudenauuu, nau jasaa needanee hadau wayaunee hehauwuneauchaua gauthāyaunee. ³⁷ Nau hegau henane hehauwujenane waunauyaunee vasevenenaje gauthānenevajaunaa; nau wauāthe wayaugu vasevenenaje haddaudeauau nevajaunau, nau hadgusenauauau, nau nevajaunau haddenanaunauuu. ³⁸ Hau waunauyauau vasevenenaje hadedaunee hadauwayauau nevajau, nau nanesauuthadee. ³⁹ Nau hegau henane hesevanaagu gauthānevasevenenaje nauhauhaunee haevathehaa waunauyaunee; hanau gauthāyauau hethadee, hathauhuk.

6 Nau hethauwuu naneseauwauau vadanese, haehedesa jenayaunaa; nau hethauguhādaunau haegaugauunauwu wauchunethauuhanau, nau haevethenauau, haegauneegudenauau hejadenenau. ² Nau hauthauauau Nesethajauhuhau, Naudu hanesedauna waujaa nanavanau nesedaude vadanesee hathauhau-gaunee? ³ Nau Hejavaneauthusau hanaāaachuhananadethaude, Gauhājethaunauhaude nuu hasauau David neesedaude, nehayau deasenade, nau neethāenethaunāde. ⁴ Neesejedāde Hejavaneauthu hedauauwunene, nau needanauau nau nevethee nauhauthethājauaujau, nau haevena heethāenethaunaunau; waujaa nanavanau veyāgu hau jasaa vevethahevahehauau? ⁵ Nau hanaāēdauwunāthee, Heau henane nanethadāde vadanese. ⁶ Nau hethauwuu jea jasaa vadanesee haejedā vevethahenauauwuu nau haeautheda: nau henane haenedau hejavese hejadenaa haesevane, ⁷ Nau wauthaunauhāhehau nau Nesethajauhuhau haeau-nauyauhauvaa, wauau haadenenayauthā vadanese; hadnejauaudaunauthee dauhanājauwauaunauthee. ⁸ Hau haeenaunu hegaugauuthajaudenenau nau hanaānadethaude henanene hesevenasanith, Gauhā nau yethaagu nahethāe. Nau haegauhā nau haeyethaagu. ⁹ Hejavaneauthusau hanaāēdauwunaude, haud-naudedaunathana nananena hanesadee; Gaujenanavanau vadanesee hethadāgu hasedaunee, nau wauāthe wauchudauneagu? henayauhāgu henaedede, nau wauāthe nanaunehāgu? ¹⁰ Nau hanaāenaunauānede vahee, hanaāēdauwunaude henanene, Segauha hajade. Nau hanaasedaude: nau hejade haenayauhune jasaa hasaunee. ¹¹ Nau haeechauchaunaudenauau hasenaunade: nau hanaāaunauchuwuhadethee daun haudne-sehauthee Hejavaneauthusaun. ¹² Hethauwuu hena hese, haehau hauanee haudnevevethahede, nau haunaude naugaunee haevevethedauna Hejavaneauthu. ¹³ Nau hāesenee, hanaāadethaude hethauguhādaunau; nau haedana vadadauchunesenee, hanaāeneseaude vadauhanauau. ¹⁴ Simoneau (jea haeaugauthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew, ¹⁵ Matthew, nau Taumis, James heau Atheas, nau Simon Zenautes haseadagu, ¹⁶ Nau Judas James henauhauwauau, nau Judas Iskariot, † hanane jea neheaudaunade Hejavaneauthusaun. ¹⁷ Nau haejenauunethauna nau haetheaugunauau hethauauwuu, nau hadauchunanenethe hethauguhādaunau, nau haevasenauthenanedau henanedanede hehethethee vahee Judea nau Dādaunedan, nau hehethethee sasethauwu hadajee Tyre nau Sidon hethāejenauu-jathehādaunau, nau haudnenayauhāthee hedaauwauvahedaunenau; ¹⁸ Nau hathāenaunauthauwauvahethee wauchāhenethe haujaunau: nau haenayauhaunauau, ¹⁹ Nau haunauude hadaucha haevadauvasanau hanau daunudesanaunee hevadaude nau haevahenayauha. ²⁰ Nau hanaāenāuhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk. ²¹ Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena. ²² Hauwunaunana nananena, henaneda hasānavānā, nau jaasauaunānā, nau naunaunauthevānā, nau hausāgudenauthe haneseedaunenau hadauwauaunee, haugau Henane Heāhene heee. ²³ Haunauwuthajauau henee hese heee, nau jajanauauau heee haunauwuthajauau: hanau, naune, hanavanasauau hadaugautheavadenenau hejavaa: hanau naneesedauyaugaune henesaunaunenau naneesehauhaugaunee haeyāhehau. ²⁴ Hau naunauthauau hadnauauchaudaune hathāevewaunauaune; haugau hanesedanauwuna hauwauthenaedede. ²⁵ Naunauthauau hadnauauchaudauna hathāegaudana; haudnasenana. Naunauthauau hadnauauchaudauna, daunhāene vahee henaneda hāethadenee hasenehethānā, hanau henesaunaunenau naneesehauyau-gaune jayaudauwaeyāhehau. ²⁷ Hau hadāedauwunathava nananena hathāenedauvana, Vechauthaa nananena haujauthavenau, heneehaa hasānavādaunenau, ²⁸ Hauwunaunaa hāwauwachuvādaunenau, nau hevevethasaa hāwauwachuhādaunenau nananena. ²⁹ Nau henee haudauauvāde hajāeaunaa nau naugautha

† "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

venene; nau hedanauaugu nananene hauddu jevaedanau jea naudauguvechude jevaethaa. ³⁰ Hevenaa daun henaneda hānedauwunādaunenau nananene; nau jeva jaenedauwunaa hedanauwunānagu daun hanetheyaunenau. ³¹ Daun hasevathehānaune henaneda hesehānenagu, nechau jenaasehaude. ³² Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevechauthaunthee hethāevechauthādaunenau. ³³ Nau hith nananena het-hadāgu hasehaunā daun hāneneehādaunenau, haddusevaveeneva nananena? hanau naneesedaugaunee wauwauchudauhuhauau. ³⁴ Nau hith nananena hehaunagu daun hāneejauaunaudaunādaunenau, haddusevaveeneva? hanau wauwauchudauhuhauau nechau neehauhaugaunee wauwauchudauhuhau, hadnejanasesedanuu. ³⁵ Hau vechauthaa nananena haujauthavenau, nau hethadeha hasedauna, nau hehānagu, jevajavathehāe; nau nananena haudaugautheavadenenau hadvasauau, nau nananena hadnaāedāeyaunenena Javaājauuthee: nau nenenehaude nethāejevaveenenethe nau hauhauganau. ³⁶ Hedauwuyaunee nananena, nananena Hāsaunaunenau jea hasedauwuyaunede. ³⁷ Jevaauchuwuu, nau nananene hadnaajauchuwuhane: nau jevaduguthāe nau nananena hadnehauwuduguhuva: hejaegudanauwuyāe nau hadnejaegudanauwunane nananene: ³⁸ Vāe, nau hadnevenana nananene, vavesethajauauthāe, dāayāe, nau dāesathāe, nau hau-nauwauauthāe, hauchauva, henane hadvenāna. Nechau hadnaasethajauaunāna hasethajauauthānā hadnanesethajauaunana. ³⁹ Nau hanaānadethaude haejejegausuhu, Gaunanenauguhu jenenauājetha nana-nauguhu? Gauhaudjenesauujanesenauau gauhanaa? ⁴⁰ Thauguthāhe hehauwujavaāhe hechauhauthehādaune: hau haunauude hanesāde daun haunauudaunāde hathāhenith hechauhauthehādaune. ⁴¹ Nau naudu hanauhaudauwu nananene hahavaa hejaheede hesesāe, hau haājevesehau havadauhaude hathāsewau hasesāe? ⁴² Wauāthe hauddusenehethau nananene hahavaa, Jāedaā, hadaugauhauwunathe hajeheede hasesāe, hau daujenauhauwaude havadauhaude hathāsewau nehayau hasesāe? Nananene jayaudauwunaedehe, nedauau haugauhune havadauhaude hathāsewau nehayau hasesāe, nau hadenaāeneauvane hadenaāeneau-gauhauwu jaheede hethāsathau hahavaa hesesāe. ⁴³ Hanau hauhaude hethahagu hehauwuseaude wausaunee vevenaundenau; nau wauāthe wauchahagu hauhaude hehauwuseaude hethadenee vevenaundenau. ⁴⁴ Hanau hadauchude hauhaude neaenaunede hanasaunee hevevenaundenau. Hanau hauchahevesee henane-nauau hehauwunaadauhauānuu hauyauuchuwunau nau dauchuwusee hehauwunaadauguunee dadajeve-nau. ⁴⁵ Henane hethāde hehethēe hethadenee heda nenauchaude hethadenee; hau wauchāhede henane wausaunee heda nenauchaude wausaunee: hanau waunauthaa hehethēe hedahaa hede nanadenaunee. ⁴⁶ Nau naudu, Vahadāhene, Vahadāhene, haesena, hau nejesedauna hayauhuhau hasenehethathana? ⁴⁷ Daun nādasāde nau nedaunānagu hasenehenaunauau, nau hesedauhuk, haudnauhauthehathana haudnethāde: ⁴⁸ Henanene henee nenesedenethe hauauwu naathāde, nau henee nejayauchauhuu, nau naneejenanauau hauauwu dasee hauunaugāe: nau nauunauuu naje neje naunauthuu jaathāsāe henee hauauwu, nau hehauwunauauvathāu: hanau daunāaudaa hauunaugāe. ⁴⁹ Hau jaathedehe, nau janenaasedauthe, naathāde henanenau henee nedasauauvānethe vedauauwu; nau neje jaathāsāe naunauthuu, nau nauhauhaunee naunenauau; nau thauwusāe henee hauauwu nevasauau.

7 Wauhā hāevathanadede vahee hanasenehede daujajaathehade henanedanede, haejedā Capernaum. ² Nau jasaa vanenenaja hewauwaune haevechautha haeaugauwune, nau haeyānajane. ³ Nau hānedauwauthaude Hejavaneauthusaun, haeauthēava vachaugananenau Jews, haeadetha hadjaunith nau hadnenayauhaunith hewauwaune. ⁴ Nau hāedauchauthēe Hejavaneauthusaun, haeauthēauwaunau-thasanauau haugaunaunee, hanau hethāde naa henane naa haudneenesedaude, hathauhaugaunee: ⁵ Hanau vechaudauau nadedanenau, nau nenesedaunānauau vevethahenauauwu. ⁶ Heee Hejavaneauthusaun hanaāe-jasesenethaunāde. Nau hāeauchauau hauauwu, vanenenaja haejajedauaunanenau henedaehauhau, Vahadāhene, jevawauchuthajau Nananene: haugau wauchāhenau hadjedāne naudaauwu, hathauhuk: ⁷ Nanaa nāejewauchanavadede dauudasathane: hau vavade nehedaun hanadede, nau naudauteau hadeenanedanede. ⁸ Hanau nananenau nanethenanenenau naunaudāhenau, nanethenu vanenanenauau, nau naāēdauwunauau hanesāde yehau nau naāejathāaude; nau jasaa, Nahāje, hathauau nau jaunaude; nau naudauteau, Nesede, hathauau, nau nanesedaude. ⁹ Hejavaneauthusaun hānedauwaudauau nuu hayauhuhau, haegaugauanava, nau haenauthegauthaagu, nau hanaāēdauwunaude henanedanau hethāethauguhādaunau, Hadāedauwunathava, Haunauau nāhauwuveehau vasee hethauwuthajuhu (naa hathāde henane), hegau, hehauwu haduu Israel. ¹⁰ Nau henee hathāuthēavathee, hāejaenuusathee hauauwu, haeveehanauau wauwaune haeenanedanene henee neasauauvāhenith. ¹¹ Nau hethauwu jasaa hesee, hanaāehaude hedan Nain haseenauyāgu; nau haewauthanenau hethauguhādaunau henethaunādaunau, nau hauwuhuu henanedanede. ¹² Wauhā hāyānausade hejavaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hehethēe hedan haenethaunaa. ¹³ Nau hāenauhauwaude Vahadāde haeauwunauna, Najenaudāve, hathauhuk. ¹⁴ Nau haedasa nau haevasane nauaunechauthau: nau hethāenauaunechauhādaunau haedādauyaunenenau. Haunaua,

hāedauwunathane, Thauwauthe, hathauhuk. ¹⁵ Nau henee nenajaa haethauwaudaugu, nau haenaējas-esanadede, nau hanaāevenaude henaunene. ¹⁶ Nau nāthajau de haedasā vahee: nau haevaveenethedau-nanauau Hejavaneauthu, Havathee haeyāhe hanejauaude hadedanene; nau, Hejavaneauthu haenauujādauna henesaunau, hahagaunee. ¹⁷ Nau nuu dauauthedaunenede haenanadesanaune vahee Judea, nau nanadee gauānee vedauauwu. ¹⁸ Nau hethauguhādaunau Jaun haeauthedaunaa vahee nuu hayauhuhau. ¹⁹ Nau Jaun haeadetha hanesenethe hethauguhādaunau haeyethautheava Hejavaneauthusaun, Gauhanane henee waudaudjaude? nau wauāthe gauhadnaudenauhauwau jasaa? ²⁰ Hāedauchauthee henanenauau, Jaun Dusaayāhe janādauthēvānauau Nananene, hathauhaugaunee, hanaāenedaunauthee, Gauhanane henee waudaudjaude? nau wauāthe gauhadnaudenauhauwau jasaa. ²¹ Nau vavade hāauchauau haeenayauha haewauthane-nau vavavāuhuhau nau havathee haugauwude, nau wauchāhenith haujaun; nau haewauthanenau nanenau-guhuhau haevena nauhauthau. ²² Hejavaneauthusaun hanaāēdauwunāthee, Najajathāauau, nau hadāedauwunauva Jaun hathāhaugaunee, hayewhu hanathauhauthāna nau hathadauvana; hasejaenuhauthāde nanenau-guhu, jeneejavesāhe daujavesade, naunaujaunee hedaugauwudaunenau dauyuaudahethee, hayājādāhe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade. ²³ Nau hauwunaunade daun najewauchuthajaudaunāde. ²⁴ Nau hāejathāaunethe Jaun hedautheaunau, hanaāejasesanadedauau henanedanede hasenaedenethe Jauneau, Hayew nananena haewaunenauhauthaunenau nauaunee? gaugauguyāse daunauuvasee? ²⁵ Hau hayew nananena hāewaunenauhauthaunenau? Gauhenane hedāchaunau hejajehaunenau hedāchaunau? Naune, nethāeneenuhuthee, nau neneenaedethee thanāsee nenauchuwunethe hedauauwunenenu. ²⁶ Hau hayew hāewaunenauhauthaunenau? Gauhaeyāhe? Haa, hadāedauwunathava nananena, nau javaāsee haeyāhehau. ²⁷ Naa nananene, wauthaunese, Naune, hadjejenanauau Naudautheau hathaaguna, hadnesedaunāna hauvaunenau sayānee Nananena. ²⁸ Hanau nāedauwunathana, hadedanenu nethāenesaunevāna hesānauau hehauwujavaāse haeyāhe hathāde Jaun Dusaayāhe: hau hena haugajehede hanedauhuk henajanedanene Hejavaneauthu javaāhehuk. ²⁹ Nau vahee henanedanede hathāenedaunāde, nau hauāyāhehauau, hanaāechuwauthethajaudaunauthee Hejavaneauthu, haenethedusaanā dusaayāhew Jauneau. ³⁰ Hau Nesethajauhuhauau nau nanavaavehehau yese nehayau haeausagudenauau hevathēhādaunene Hejavaneauthu, haejenethedusaanā (Jauneau). ³¹ Nau Vahadāde hahagu, Hayew naudneedajenehethau henanedanede nuu henaedede? nau haethahenauthe? ³² Waude dāeyaunauauau hathahethee theaugunauthe haudaunanauauwu, nau danadethadethee, nau nanāhethee, Nevadauhana, hau nananena nejevadana; naudauwuthajaudauwunana nananena, hau nejevewauhuna. ³³ Hanau denausade Jaun Dusaayāhe dejevethēe jauaujaunau nau dejevanaa vasevenenaje; nau nananena nanethenaude haujaun, nethauna. ³⁴ Heau henane daunausade dauvethede nau dauvanaa; Nauhauvaa naa henane naudaudāhe, nau vasevenenajevanehe, henedaehauhau hauāyāhehau nau wauwauchudauhuhau, nethauna. ³⁵ Hau haeyaude chaunuwuthajaudaunade vahee hedāeyaunewau. ³⁶ Nau hanesāde Nesethajuhu haeadetha haudjewaunenethevethēhevāde, nau haeyehau haejedā Nesethajuhu hedauauwunene, nau haejanaugu hadvethede. ³⁷ Nau, naune, hesā hedan, haeauhaugane, hāenaunaude Hejavaneauthusaun daujanaugunith hadvethēhenith Nesethajuhu hedauauwunene, haejāchaude jaāvasaa chauayau, ³⁸ Nau haetheaugu hegauwune heauthene haewewau, nau hanaāejasesahesadede heauthene hee hedejee nau haehaenauwu hee henethaanene, nau haenedane heauthene, nau haechauane hee chauayau. ³⁹ Wauhā Nesethajuhu hāadethaude hāenauhauwaude, haejaevenanadethade, Naa Henane, haeyāheyaugu, hanaenaunaude daunhadāhenith nau daunhathāhenith nuu hesāne hevasanādaune: hanau wauwauchuduhu, hahagu. ⁴⁰ Nau Hejavaneauthusau hanaāēdauwunaude, Simon, haudnāedauwunathane nananene. Nau hanaāenehethaude, Hechauhauthethāhe, nanehe. ⁴¹ Hena jasaa sayānedanauwuyau haenese-nenu hesayānedanauwunādaunau: hanesāhenith yauthaunevadadausauau vāejethā, nau jasaa yauthauyauau. ⁴² Nau hāeyauhuunee haunaudauhudaunene, haenathauaunegudanauwuna nesauuu Jeāedauwune, hanaane hevechauthādaune javaānee? ⁴³ Simon hanaāējaāedauwunaude, Nauchāe nananenith henehejjavaāgudanauwunaune. Nau hanaāēdauwunaude, Nananene neaenauwu. ⁴⁴ Nau hanaāeyethaagude hesāne, nau hanaāēdauwunaude Simoneau, Gauhaunauhauwau nananene naa hesā? Nananenu nejedānu haudauauwu, nananene hāehauwuvene naje hee nauaudau: hau nehaehesadede nauaudau hee hedejee, nau nehaenauau henethaa. ⁴⁵ Nananene hāehauwunedane hau naa hesā hāenausanaunauau hehauwuthaujenenedane nauaudau. ⁴⁶ Naudauguhua nauguu javeda nananene hajechauusānene hau naa hesā nechauanauau nauaudau hee chauayau. ⁴⁷ Naa hāedauwunathane nananene hewauchudaudenau wauthane gaunudanauwunade; hanau dauvechauthāde javaānee hau daun vanehaa gaunudanauwunade vavade hasevechauthāde vanehaa. ⁴⁸ Nau hanaāēdauwunaude hesāne, nananenu hauwauchudaudenau jaegudanauwunane. ⁴⁹ Nau hethāenedauguvādaunau dauvethēhethee hanaāejasesanadethee hegaugauuthajaudenenauau hanaa naa negudanauwau wauchudaudenau jea? ⁵⁰ Nau hanaāēdauwunaude hesāne, Nananenu hadethauwaudaude henayauhāne nananenu; najesa hadnauwauthenesane.

8 Nau hethauwuu waunee haejathāau nanadee hadauchanenee hedan nau hajaseehedan, dauaunau-thedade nau daunaunauhauthethāde neethajaude waunauyaunee hasaunee henajanedaunene Hejavaneauthu: nau vadadauchunesenee haenethaunaa, ² Nau jasaa hesānauau, haeenayauhau dewauchāhenethe haujaunau nau vavavāuhuhauau, Mare haseadagu Magdalene, naunudanavathe nesaudauchu wauchāhenethe haujaunau, ³ Nau Joanna henene Chuza Herod hadāhevāhe, nau Susanna, nau haewauthanauau hauthauauau, hevenādaunau hethāenetheyaunenenu. ⁴ Nau hāneenawauthaa henanedanede dauauāchaudenee, nau haeedasaa hehethee nanadee hedane, hanaāeanadede jegausauhānee: ⁵ Jenayāhe haewauneneāgude hejenayaunau: hauthauau haejajanesanau vaunaa; nau haeauguhudaunene, nau neahauhauau hejavaa haeaudauvanauau. ⁶ Nau hauthauau haedasegaugauusanau hauunagāe; nau chauchaunu hāeveseuu, haenadadanau, hanau daujenajenee. ⁷ Nau hauthauau haejajanesanau hegauau dauchuuwusee; nau dauchuuwuse haenauguveseaunau, nau haeajedaunanā. ⁸ Nau hauthauau haegaugauusanau dasee hadauuthadee vedauauwuu, nau haeveseaunau, nau haeneeaunau vadadausauau jenayaude. Nau hāenehedauau nuu hayauhuhau, haevasenehe, Daun henaudaununede, nanehanedauvade. ⁹ Nau hethauguhādaunau haenaudedanaa, duthanau nuu jegausudede, hathāhuk? ¹⁰ Nau hahagu, Nananena vanenana haudnaenauwuna jaeyaunau henajanede Hejavaneauthau: hau hauthauauau janegausauhuthee; hadnenuhauthāthee havajenauhaudauwu, nedauvahehauau havajaenauwu. ¹¹ Wauhā, heyew hasauau jegausudede: Jenayaunau hedenehede Hejavaneauthau. ¹² Henee vaunaa nanathee nenedauvathee; hanaāenuusade haujau, nau nedanauwunāthee hanadede hadahenauau, naseduhuu hethauwuthajauau, nau hadenanedanena. ¹³ Henee hauunaugāe nanathee, nenedauvanauthe nesedanuu hanadedaunau nau guu haunauwuthajau; nau nuu hehauwuthājenenauau, vanehaa nethauwauduu, nau nauauchaudaunauthe vasehadede naneenaunegauhuthee. ¹⁴ Nau henee nejajanesāe thauhauthauchauyauau dauchuuwusee nanathee, hanesenedauvanauthe, naneejathāuthee, nau neenadejethathee hee haunaunethaude nau nethauyādahede nau haunauwudaude, hee nuu henaedede, nau hehauwunauuchaudenauau venaundenau hadauyauthaunee. ¹⁵ Hau henee hadauuthadenee vedauauwuu nanathee, hethauvahethee nau hethadenee hadahenau nenedauwauduu hanadedaunau, naunaunedethee, nau nenuuchaudethee venaundenau hee jenuawauaunee. ¹⁶ Hegau henane, hāesedeauchauuu nauauuthayau, hehauwaugau hee vasaunau, nau wauāthe hehauwujenane thānee hauvaa; hau nethānauau nauauuthayau neetheaugunee daun janedāde hadenauhaudauau nauauuthayāgu. ¹⁷ Hayewhu hehauwuyauthesa, haudjauthasenesee; wauāthe hayewhu hehauwuyau hadjaenaunee nau hadnejaunauau hauthasauau. ¹⁸ Haunauyauhaudauwuu hanathadaunanā: daun nanethenaude, nananede haudneevenade; nau daunjanenethenaude, nananede haudnedanauwunade daun henetheyaunau. ¹⁹ Hanaāedasāde henaune nau henethesaunau, nau haejenedasaa hee dauneethenedaunenee. ²⁰ Nau haeāedauwunaa jachau hathāhuk, Hānau nau hāthesaunauau theauguthee jathee, vanadaunauhauvānaune. ²¹ Nau hanaāauchuhananadede nau hanaāedauwunaude, Nānau nau nāthesaunauau nuu nanathee nenedauwauduu hedanadedanaunene Hejavaneauthu, nau naasedauthee. ²² Wauhā hethauwuu jasaa hese, haejedā thewaunaa nau guu hethauguhādaunau: nau hanaāedauwunaude, hadeyhaunau hauchaunau neajee: nau hanaāejathethauthee. ²³ Hau hajechuauthee haenaugau: nau hanaāenuusasaa neajee haenaudasaa; nau haechauchauwane naje, nau haeanedaudauwugaujauaudahede. ²⁴ Nau hanaāedauchauthee, nau haeauwaudananauau, Hechauhauthethāhe, Hechauhauthethāe, † gaujauaudāhenauau, hathauhaugaunee Hanaāethauwauthede, nau hanaāeneudauau hasāse nau dasenaunanaunee naje: nau hanaāedauunauuu, nau hanaāedāduyauau. ²⁵ Nau hanaāenehethaude, daude hadethauwaudadenenau? Nau haenāthajaunauau haejenaunethajaunauau, Dauhuthenane naa, hanathadagaunee; haachuwudede hasāse nau naje, nau hanaāethauwaudaunāde. ²⁶ Nau hanaāenuusathee vedauauwuu Gadarenes, hauchaunau Gananee. ²⁷ Nau hāeyehaude vedauauwuu, hena haenuchaunaa jathee hedan jachau henanene, haenethena haujaun dajechauau, nau haevedauauchauna, haejenaede hauauwuu, hau nedauthānavathe gaujauaudahehehau. ²⁸ Hāenauhauwaude Hejavaneauthusaun haevasanade, nau haechaagujanaugudauna, nau hanaāevasanadethaude, Hauddusehathe, Hejavaneauthusaun, Nananene Heau Hejavaneauthau javaājauuthee? Nenedauwunathane Nananene jvanaunauchauthehe. ²⁹ (Hanau haenesedauwauna wauchāhenith haujaun hadjenauhenith hehethee henanene. Hanau nauaunee dauhusedanāde: nau nauaunehade neduguhude hee vāejethāduguthaunau nau nesaunajethaunau; nau haegaugauchauagude heeduguhudaunau, nau haejathethasauaunaa haujaun hese nauaunee.) ³⁰ Nau Hejavaneauthusaun haenaudedanaa, Haudusee? hathāhuk, Nau hanaāedauwunaude, Waunauthade: hanau dewauthanethe haujaunau hethāchadaunādaunau. ³¹ Nau haenedauwunananauau hadjenesedauwaunathee hadjeyehauthee hethauvaa. ³² Nau hena haewauthanauau neauthuwauchu nevethethee hauanee: nau haenedauwunananauau hadjenanāthee wauhaunee. Nau haejenana. ³³ Hanaāenuahethee haujaunauau hehethee henanene, nau haewauhaunesanauau neauthuwauchuu: nau vahee neauthuwauchu haejathegauhunauau neenane janahuu yese neajee, nau haevanadeavenauau.

† Possible missing "h" in "Hechauhauthethā(h)e" ("Master").

³⁴ Hāene henee nauchauwauthee daunauhaudu hasedaudenenee, haedaugauhunauau, nau haejathāu-nauau nau haeauthedanauau hedan nau vedauuwuu. ³⁵ Hanaāeyehaudenee hadnauhauwuu daun hasedaudenee; nau haeedauchau Hejavaneauthusau, nau haeveehau henane, heneenauthāde haujaunau, haetheaugu heauthene Hejavaneauthusaun, haedāchaunene, nau haechuwuthajaune: nau haenāthajaudene. ³⁶ Henee nenauhauwauthee haeauthedanauau neesenayauhade nenethenaude haujaunau. ³⁷ Hadauchaa hathāuauvaa Gadarenes gauānee haejathethajenāhenauau; hanau dauusāhede: nau hanaāeyehaude nauauhuu jethee thewaunaa, nau hanaāejaesade. ³⁸ Wauhā henane nenauthāde haujaunau haenehethaa hadnenethaunāde: hau Hejavaneauthusau haejathethajenāhe, hathauhuk, ³⁹ Jaeyehau haudauuwuu, nau hadnauhauthethā hathāenavasauau hayewhu Hejavaneauthau hasehāne nananene. Nau hanaāejathāude, nau haeautheda nanadee hathāaunee hedan hathāenavasauunee hayewhu Hejavaneauthusaun hasehāde. ⁴⁰ Nau hethauwuu hāejaenuusade Hejavaneauthusau, henanedanede haeneethajaudaunaa: hanau hae-vadauyauhauwau. ⁴¹ Nau, naune, haejenauusa henane Jairus haseagu, nau hadāhevāhe vevethahenauuwuu: nau haeuāneseve Hejavaneauthusaun heauthene, nau haeadetha hadjewaunejedānith hedauuwuu: ⁴² Hanau haenesāhene hedaunau wauau hanesenee jajenevāhe, nau haeayānajane. Hau hajesesade henanedanede haevauhaunaa. ⁴³ Nau hesā haeevathaude nesenee jajene heee, haevathede haunauude hevāejethāwau heee naudaunehāhehau, hau haejenayauhau, ⁴⁴ Haeedasa hegawune, nau haevasane naunauchuu heduwune: nau chauchaunu haejenevathaude. ⁴⁵ Nau Hejavaneauthusau hanaa navasanāde hahagu? Hāevahethedauwaude-nee, Peda, nau hathāenethaunāde, Hechauhauthethāhe, henanedanede vauhaunane nau naneethenane, nau hanaa navasanāde, nesehene? hathauhaugaunee. ⁴⁶ Nau Hejavaneauthusau, hanaadee vasanānu, hahagu: haenauwau daujasesenauauau vadaude hehethēe nananenau, hahagu. ⁴⁷ Nau hāenauhaudauau naa hesā daujeyauthesee haejeyehau haeahenauau, nau hanaāechauāgujanauugudaunau, haeauthedauna hauthasee vahee henanedanede hathavasanaude, nau hasenayauhāde chauchaunu. ⁴⁸ Nau hanaāēdauwunaude, Naud-dau, nanehāuwauthenaedene: nananene hadethauwuthajau hēnauhāne nananene; najesa hau-nauwuthajau. ⁴⁹ Hajesanadede, hena haejau hanesāde hehethēe hadāhevahew vevethahenauuwuu, haeēdauwuna, Haudauna najaa; jevajenaunevene Hechauhauthethāhe. ⁵⁰ Hau hāenedaunāde Hejavaneau-thusau, haenaāēdauwunāde, jevanāthajau: hethauwuthajau vavade, nau hadnenayauhade, hathāhuk. ⁵¹ Nau hāejedāde hauuwuu, henanedane haejevadaujedāne, vavade Peda, nau James, nau Jaun, nau hene-saunaune nau henaune hesāhedāeyaune. ⁵² Nau vahee haevevauhudaune, nau haeaudauwuthajauhā: hau hanaāenehede, Jevavewauhuu; hehauwunaja, nauthe naugauhude. ⁵³ Nau haeauthedanauau haeauthedanau-nanauau, dauaenauauthēe daunajanethe. ⁵⁴ Nau haevanudana, nau hanaāedanaude hejadenene, nau hanaāanadethaude, Hesāhee, thauwauthe, hathauhuk. ⁵⁵ Nau hevadathuwu haejaedasaa, nau haethauwauthe chauchaunu nau hanaāenehede hadnauchauvathe. ⁵⁶ Nau henehā haegaudauwuthajauenau: hau haeēdauwuna hadjāedauvanethe henanedaa hasedaude.

9 Hanaāadethaude vadadauchu nesenee hethauguhādaunau hauānee, nau haejaanauwuna naudahede nau hadvaheneedauthee nanadee vahee haujaunaa, nau hadnenayaudethee haugauwude. ² Nau haeje-nana hadnauthedaudauwunethe henajanedauene Hejavaneauthu, nau hadnenayauhaunethe hasauwauva-hehehau. ³ Nau hanaāēdauwunaude, Jevadanauwuu hayewhu heee hajavechaudenenu, daudause haugau-dahunau, daudause newaugusajaānauthau, daudause jauaujau, daudause vāejethā; daudause jevanesaugu-vechudaunaa. ⁴ Nau daun hauuwuu hadaujedānā jenaadauna, nau jenaathejathāauna. ⁵ Nau daun ha-jethauhauvādaunenau, hāenauahenā hena hedane, hadegauyāējaheva naudauyāgu hadneenaunathee. ⁶ Nau hanaāejathāuthee, nau haeehedesanauau hauuwudan, haeauthedaudauwu hethadenee wau-nauyaunee, nau haevahenayauthānauau nanadee. ⁷ Wauhā Herod naja haenedauva vahee hanasedaudenenee heee: nau haejaene, hanau haenaasenedaunee gauuu, henee Jaun jaegauhāde hehethēe denajaa; ⁸ Nau gauuu, henee Elias naunauhauthethāde hedanayau: nau hauthauauau, hanesāde dajechauau haeyāhehauu jaegauhāde. ⁹ Nau Herod haenehe, Jaun nedavaāsauau: hau hanaa naa, nanedauwauthau? Nau haevadau-nauhauva. ¹⁰ Nau vadauhauau, hāejaenuusathee, haevahauthedaunaa hanasedaunethe. Nau hanaāedanaude, nau hanaāejathāuthee hevenanee hese hadaunehaudanee hathauau hedan Bethsaida haseāgu. ¹¹ Nau henanedanede hāenuu, hanaāethauguhauthee: nau haeesedana, nau haeauthedauna hasaunee henajanedauene Hejavaneauthu, nau haeenayauha hathāevadaunayauhathee. ¹² Nau hāyānae-sade, hanaāejenuusathee nesenee, nau hanaāenehethāde, Nanehāejathāaudenee henanedanede, hadehau-denee hauuwudan nau vedauuwuu nauanee, nau hadenethee, nau hadejasedauthee vethewau: daunehau-daa hadaunauau. ¹³ Hau, Venaa nananena hadevethedane, hathauhuk. Nau hanaāēdauwunauthee, Hau nanethenauwunauau hehauwujavaānee hayauthaunāe jauaujau nau hanesethee nauwu; hanāyehaunee nau haunaudaunauhuu vethewau heee vahee nuu henanedanede. ¹⁴ Hanau wauau haeyauthaune vase-vadadausauau henanenauau hanaadauchuthee. Nau hanaāēdauwunaude hethauguhādaunau, Janauguhaa yauyauthauyauaugunauha. ¹⁵ Nau hanaasedauthee, nau haevajanauguhanauau. ¹⁶ Hanaāedanauau hayau-

thaunanenee jauaujaunau nau hanesenethe nauwu, nau hanaāejenāauguaude hejavaa, haevevethasa, nau haenaāejeanauau, nau hanaāevenaude thauguthāhehau haudjenanauwunethe hathaājedaunenee henanedanede. ¹⁷ Nau haevethehedaune, nau haevahegaudaudene; nau haeauānenau jeyauwaunau hathāe-nathaudāe nesenee hanaadauchāe hanechauchaunāe nenethaudanee. ¹⁸ Nau hethauwuu, haenesenane, dau-vevethahede, Hethauguhādaunau haenethaunaa: nau hanaāenaudedauaude, Hanaa nenehede henaneda daunanenau? hathauhuk; ¹⁹ Hanaāauchuhanadethauthee, Dusaayā Jaun; hauhauthauauau nethee Elias; nau jasae nethee hanesāde dajechauau haeyāhehauau jaegauhāde. ²⁰ Hanaāenehethaude, hau hanaa nenehede nananena daunanenau? Peda hanaāauchuhanāedauwunaude, Chris Hejavaneauthau. ²¹ Nau haeneenadauduvā, nau haenesedauwaunā hadjāedauwunaunethe henanedanau henee; ²² Heau henane hadnasenede wauthanee heee hayewhu, nau hadnausāguthāde vachaugānanenau nau naja vevethahevahehauau nau wauthau-nauhāhehauau, nau hadnaade, nau hadjaegauhāsanade nasese, hanathauhuk. ²³ Nau hanaāevahāedauwunaude, Hith henaneda jethauguhānaugu nanehanaunauchauthehadede, nau jeedane henaugauchu hayauwusenenee, nau najeethauguhaa. ²⁴ Daun haunaugaunayaude hedenaedede hadnanadede: hau daun hanadede hedenaedede heee nadanayau, nananede hadnenayauhadede. ²⁵ Hauddusedau henane, vah-esedanauaugu hathāauavadenee, nau hanahadagu, nauwauāthe hausāguthadagu? ²⁶ Daun naudau-thedaunāde nau nadanadedauau, nananenith Heau Henane haudnaudauthedaunaunith, hāenausathe nehayau hadauvasāthanith, nau Henesaunaune hadauvasāthanith, nau vadanee hautheaunauau hadauvasāthanethe. ²⁷ Hau hadethauwauthedaunathava hauthauauau theauguthee hede, haudnehauwuvajadauwu gaujauaudahede, haunaude haudnauhauuu henajanedaunene Hejavaneauthu. ²⁸ Nau hethauwuu wauau hanasaudauche hāesenehede, Hanaāedanaude Peda nau Jauneau nau Jameseau, nau hanaāe-nauaushathee hauanee hadnevevethahethee. ²⁹ Nau hajesevevethahede haenauasāaune hedauchaveau haenathadene, nau hedāchaunau haenaujaunenau nau haenaunauaugausauaunenau. ³⁰ Nau naune haenadethaa hanesenethe henanenau, haenanenenau Mosaseau nau Eliaseau; ³¹ Daunauhauthethāde hedanayau haenausāaune, nau haeauthedaude haudgaujauaudāde hadvathechauchaunaude hehethee Dā-daunedan. ³² Hau Peda nau hethāenethaunādaunau haenauwaunanenau: nau hāauwaudauaunethe, haenauhauwunenau henausāaude, nau hanesenethe henanenau haenethauguvaa. ³³ Nau hethauwuu, hāenauthāde, Peda hanaāanadethaude Hejavaneauthusaun, Hechauhauthethāhe, hethadee hasanedaunee hede: nau hadenesedauna hasasāe nenaunau; hanesadee Nananene, nau hanesadenee Mosese, nau hanesadenee Elias; haejaene daunhasenehede. ³⁴ Hajesanadede, haejenauusanau henaunauade, nau haeduguaunā: nau haenāthajaunaunauau daujedāthee henaunauadee. ³⁵ Nau haejeanadedauaune hehethee henaunauadee, Naa nananede Navechauthau Nāa: nedaunaa, hāheagu. ³⁶ Nau hāesanadedaunee, Hejavaneauthusau haenesenane. Nau haeyaundenauau, nau haejāedauwunanauau henanedane hena hesee neanāthauhauuu. ³⁷ Nau hethauwuu, dauauthesenenee, hāejejanauhusathee hehethee jauaudanee, haegauāhenenau henanedanau hejajedauaunādaunenau. ³⁸ Nau, naune, henane hehethee henanedaa haevasanade, Hechauhauthethāhe, nenedauwunathane Nananene, daugauhauwune nāa: vavadenaanesāde nadāeyauneve, hathauhuk. ³⁹ Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunaude jeda, nau haeasenehaa haejechuwauthenauthaa. ⁴⁰ Nau nananenau neauthewu hāthauguhādaunauau hadnausāguthauthee; nau nejenedauthee. ⁴¹ Nau Hejavaneauthusau hanaāauchuhananadethaude, Hau hāhauwuthauwuthajau nau daujechuwauthenaedene, haudedauhujesenedauguvathe, nau haddauhujesenethauguvathe? Jāsene nananene hāa hede. ⁴² Nau hajesejaude, haujaun haeuneguthaa, nau haethauwuguthaa. Nau Hejavaneauthusau haeneneuva wauchāhenith haujaun, nau haenayauha dāeyau-nauau, nau haejaevana henesaunaunene. ⁴³ Nau haevagauguanadauwu hasevasenaudāhenith Hejavaneauthu, Hau hajesegauguanadauu haunauude vahee hayauhau Hejavaneauthusaun hanasedaunith, Haeāedauwuna hethauguhādaunau, ⁴⁴ Chuwauthee nuu hanadedauau jedānauha haunaudaununenau; hanau heau henane hadvenavathe hejadenene henanenau. ⁴⁵ Hau haejaenauwu nuu hasenehenith, nau haeyadaunaunauau, haejaenauwu: nau haeedaunaudedauanauau hasenehenith. ⁴⁶ Hanaāegaugau-udedaunee, hanaadee haudvasāthaa. ⁴⁷ Nau Hejavaneauthusaun, haeenauwu hanasethajauthee heda-henauau, haedana dāeyaunauau, nau haeauyjanauguna, ⁴⁸ Nau hanaāāedauwunaude daun hanesedanaude nuu dāeyaunauau naneseedaunaa hadnesedanānu: nau daun nāsedanāde haudnesedanaude nājejenanā-daune; daun javaānadavenuhuned haunauude nananena vahee nananede hadnaasevasāthaa. ⁴⁹ Nau Jaun hanaāauchuhanāedauwunaude, Hechauhauthethāhe, neenauhauwaunauau hanesāde nenuguthaude haujaun heee haneseede; nau needauduwaunauau, hanau dauhujenethaunānuau. ⁵⁰ Nau Hejavaneauthusaun hanaāedauwunāde, Jevadauduvaa hāhauwasānavāne nanesevānuau. ⁵¹ Nau hethauwuu, hāenauauchaunee hadneejejanauhudanāde, haechuwuyethāne hadnehaude Dādaunedan, ⁵² Nau haeautheva sayānee: nau hanaāejathāaunethe, nau hāejedāthee hajasee hauauwudan Samaritans, hadnesaanudaunāde. ⁵³ Nau haejesedanaa, hanau dauyethaāsade Dādaunedan. ⁵⁴ Nau hāene hethauguhādaunau James nau Jaun daunauhau-

dauwunethe nuu, hanaāenehenethe, Vahadāhene, gaujevadaunedauwaune heseda hadjejanauhusanauau hehethee hejavaa, nau hadnevadauchauuthee, neesedaude Elias? ⁵⁵ Hau hanaāeyethaādaususade, nau haeneneuva, Nananena hāhauwaenava daun vadathau nananena hadahena, hathauhuk. ⁵⁶ Hanau Heau henane hehauwuujau hadnenauaudede henanedanau hedenaededaunenenu, nau hadnenayauhaude. Nau hanaāeyehauthee jasaa hajasee hauauwudan. ⁵⁷ Nau hethauwu, hajesethaugudethee vau, jachau henanene hathāhuk, Vahadāhene, nananenau hadnethauguhathane nananene daun nananene hanasesanaune. ⁵⁸ Nau Hejavaneauthusau hathauhuk, Gauauwuauau neyāethee, nau neaheauau hejavaa nenauhuchauuthee; hau Heau henane heyahuunee nedausevaānede. ⁵⁹ Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau nāsaunau. ⁶⁰ Hejavaneauthusaun hanaāēdauwunāde, Nanehajenauthee gaujauaudahehehauau negaujauaudāhenethee: hau jathāu nananene nau haddauthedaude hena-janede Hejavaneauthau. ⁶¹ Nau jachau jee, hathāhuk, Vahadāhene, hadnethauguhathane nananene; hau jechuwauthehe nedauau nawaunenaunenechauthaunauau, hanedauthee nayāenau naudauuwuu. ⁶² Nau Hejavaneauthusaun hanaāēdauwunāde, Hegau henane, dunauaugu thauauuwujethau, nau jaaāyangu, hehauwunaathā henajanedauene Hejavaneauthu.

10 Nuu hee Vahadāde haeauthaava hauthauau nesaudausauau jee, nau haeyeyethaava hanene-senethe sayānee haunauude hedan nau vedauuwuu, haudnanādaunauusade. ² Henaheee hanaāenehethaude, Jenayaunau hethauwuwauthāe haneseuu, hau nesethāhehauau hajewauthathee: vevethahee nananena hee Vahadāde deseujenayaunau, hadejejenanaude nesethāhehau hejenayaunaa. ³ Jathāuau nananena hathaāsana; naune nananenau janenanathana neānee waude haudāsaunauau hejee hauchāhee. ⁴ Jevanewuunauuwuu nesevāejethāwaunau, newaugusajaānauthau, nau wauaunau: nau jevanaunenāthedaunaa henane hauvaunenau. ⁵ Nau daun hauauwu nananena hadaujēdānā, Dādauyauha nuu hauauwu, nedauau hadeva. ⁶ Nau hith heau dādaunee hanedauyugaune, nananena hadādaunahedaunenau hadnaadadauyānusaa: hau jene hadjaegauusedaunāna. ⁷ Nau vavade hauauwu hadanedauva, hadevetheva nau hadevanava daun hayauhuhau hauchauvadenenau: hanau nesethāhe naundaunade. Jevanejedāe hauauwu. ⁸ Nau daun hedan nananena hadaujēdānā, nau hesedanānagu, hadevetheva daun hayauhuhau hajanauwunādaunenau: ⁹ Nau hadenayauhauva hasauwauvahehe daun hanedaude, nau hesau jeenanethāedauwunauna, Henajanede Hejavaneauthau hayāedasāna. ¹⁰ Nau daun hedan nananena hadaujēdānā, nau jesedanānagu hadjajathāuauva hasesana hehethee hadaugauchaudāe hauauwudan, nau hesau jeenanesenehethauna, ¹¹ Daudause nauthejahathaugu nananena hadedanaunenau, heejahadāheagu, neyese-gaunuhudee nananena: hau nananena hadethauwaenava nuu, henajanede Hejavaneauthau hayāedasāna. ¹² Hau hadāedaunathava, hadjavaānethauayauau hena hesee hee Sodom, javaānee hee hena hedan. ¹³ Naunauthauau hadnauauchauna, Chorazin; naunauthauau hadnauauchauna, Bethsaida; hanau havathenayauthau heheenesedaudeneagu jedauwu Tyre nau Sidon, nuu hasehana nananena, dajechauau neaunaunevethajauduuhewauchudaunenenu, needanaugudaunee neachuwaudene naujuwau nau jaetha. ¹⁴ Hau hadjavaānethauayauau hee Tyre nau Sidon hāenaudedauadedaunee, javaānee nananena. ¹⁵ Nau nananena, Capernaum, hanejanana yesee hejavaa, hadjaejanauhane yesee hadauveeyauau. ¹⁶ Daun hajatthehādaunenau nananena hadjatthehānu; nau daun hauwauchānavādaunenau nananena haudwauchānavānu; nau daun nauwauchanavāde hadwauchanauwaude najejenanādaune. ¹⁷ Nau nesaudausauau haejaenauusanauau nauguu neethajaude, hanaāēdauwunauthee, Vahadāhene, daudause haujaunauau hanechauwauaunauau hee nananene haneseede. ¹⁸ Nau hanaāēdauwunāthee, Nenauhauwauau Haujau waude jahagude hasejanesaa hehethee hejavaa. ¹⁹ Naune, Nananenau vanenathana nananena naudahede hadnauguhudaunauna seseyānauau nau hauwauhaudathee, nau nanadee vahee henaudahede haujau: nau hegau hadneaseneva. ²⁰ Hau vahee nuu jevaneethajaudauwu, haujaunauau dauchauwauaunauna; hau henaunauthauneneethajauau hanau nananena haneseedaunenau dauwauthaunauhuu hejavaa. ²¹ Hena hāauchaunau Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauuwuu, hanau Nananene dauyadaunaude nuu hayauhuhau hehethee nadaunahehehauau nau hathauwunanenauau, nau hadnauhauthehauva dāeyanauauau: hethauwu, Nāsaunau; waude hethadee nananena hasesānenau. ²² Vahee hayauhuhau vanenānu Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa, nau nananede hanaadāne Heāwaune hadnenauhauthehāde. ²³ Nau hanaāējaedaugauhauwaude hethauguhādaunau, nau hanaāanadethaude hevenanee, Haunauwuthajaunauha hasesānenau dauhunauhau-dauwuna hayauhuhau hānauhauthaunenau: ²⁴ Hanau nananenau hāedaunathana, waunauthathee haeyāhehauau nau nenauchuwuthee nevadaunauhauuu hena hayauhuhau hānauhauthaunenau, hau hehauwuthaunauhauuu; nau devadaunedauwauuu hena hayauhuhau hānedauwauthaunenau, hau hehauwunedauwauuu. ²⁵ Nau, naune, jasaa nanavaavehe haetheaugu, nau haenaundayādauna, Hechauhauthethāhe, nauddusesedane jethauujenee henaedede? hathauhuk, ²⁶ Hanaāēdauwunāde, Hayew

wauthaunesaa nanavaavedaunaa? Hādusasauhaude nananene? ²⁷ Nau hanaāēdauwunaude, Nananene hadvechauthau Vahadāde nananene Hejavaneauthau nauguu vahee nananene hadahaa, nau nauguu vahee nananene hadathuvaa, nau nauguu vahee nananene hadāhedaunaa, nau nauguu vahee nananene haugau-gauuthajaudenaa; nau nananene hanedaudewau waude nehayau nananene. ²⁸ Nau hanaāēdauwunaude, Nananene hethauvāne: nanehasedaune, nau nananene hadnenaedene. ²⁹ Hau nananede, vanadauchuvanadede, hanaāenehethaude Hejavaneauthusaun, Nau hanaa nanedaudewau? hathauhuk, ³⁰ Nau Hejavaneauthusau hanaāauchuhanāedauwunaude, Jasaa henane haejathāau hehethee Dādaunedan hese Jericho, nau haeesedanaa havedehau, haethauwujedaunaa hedāchaunau, nau haeenesenehaa, nau haejathāaunenau, haenauthaa dauhayānaja. ³¹ Nau haejathedasaa jachau vevethahevahew hehethee: nau hāenauhauvāde, haejavechauthaa gauchuhunee. ³² Nau vavade Levite, hāedadauau hadaunith, haeeda sa † nau haenāuhauva, nau haejavechautha gauchuhunee. ³³ Nau jasaa Samaritan, daujādade, haeedasa hadaunith: nau hāenauhauwaude haeauwunauna, ³⁴ Nau haeyehau, nau haedugudauna hadaunenesenith, haeedaunauwuna javeda nau vasevenenaje, nau haedasana nehayau hedauneau, nau haenauuchauha vethehedaunauwuu, nau haeauunauneha. ³⁵ Nau daunauganenee hāejathāaude, haeadane hanesanenee hevāejethāwau, nau haevana hadāhevahew, nau hadaunaunehau, hathauhuk; nau daun hasegaujauauthedanānaune jee, hāejaenauusanaune nananenau hadaunaudaunathane nananene. ³⁶ Hayewnau nuu hanasāe, hadeanathaunau, henedaudevādaune henee neesedanāde havedehau? ³⁷ Nau hanaāēdauwunaude henee heauwunaunādaune. Hanaāenehethaude Hejavaneauthusau, nau jenaenesedaune nananene. ³⁸ Wauhā hethauwuu, daunausujavesathee, haenauusanauau jasaa hajaseehauauwudan: nau jasaa hesā haseagu Martha haejedana hedauauwunin. ³⁹ Nau haenenahavāe Mare haseyaugaune, jea haejanaugude Hejavaneauthusaun heauthene, nau haenedauwaude hedanadedauunene. ⁴⁰ Hau Martha haeedauwauchune dauwauthanee hasedaude, nau haejeedasa, nau hanaāenehethaude, Vahadāhene, gauhājegaudauvanade daujenauthānau nahavaa daunesenesethānau? hāedauwunene hadenedahēvānau. ⁴¹ Nau Hejavaneauthusau hanaāauchuhanehethaude, Martha, Martha, nananene haunaunāhene nau dejanethajaudauwu waunauthāe hayauhuhau: ⁴² Hau hanesadee hayewhu chaunauguauau: nau Mare hayāchauhauau henee hethadenee hadāde, hehauwuneejattechauhau nauthee.

11 Nau hethauwuu, henee, daunausuvevethahede haedaunanenee, hāejenedaude, hanesāhenith hethauguhādaune hathāhuk, Vahadāhene, jeechauhauthehāa hadnesevevethahee, waude Jaun jea neesechauhauthehaude hethauguhādaunau. ² Nau hanaāēdauwunaude, hāene nananena vanevethahenā jeenanesenehena, Hāsaunaunene Nananede hanedaude hejavaa, Vadanauha Nananene haneseede. Nananene hanajanede hanājaunauau. Nananene hathanavāane hadnaasedaunee hasauau hejavaa, nau jee nuu vedauauwuu. ³ Hejevenāa hadaachusenee hayauwusenee vethewau. ⁴ Nau jejaegudanauwunāa hewauchudaunedenadaunau hanau nechau jejaegudanauwunade haunauude hanesāde nethāesayānedanauwunāade. Nau jevaechauhāa nedauvasehadee; hau haugaunayauhāa hehethee hadau wausauau. ⁵ Nau hanaāēdauwunaude, hanaa nananena hadnenedahahede, nau hadneyehaude thaudajaa, nau hadethaude, Va, jeehe hanasāe jauaujaunau; ⁶ Hanau nādae daunauujādaunānau, nau nananenau haeyauhuunee nachauwaude? ⁷ Nau hehethee jedauwuu hadnauchuhanehede nau hadnenede, Jevajanethajuhu: dajanau wauwu haugauhude, nau nanesaunauau nanejauwu naudavua; †† nananenau nāhauwuneehauwauthe nau hajeneevenathane. ⁸ Nananenau hāedauwunathana, hadnehauwuthauwauthene nau hadvenāde hanau dauhunedaehāwaude, auhanau daunenāhede hadthauwauthenith nau hadvenāde daun hadauchuvathehāthe. ⁹ Nau nananenau hāedauwunathana, Henedauwauau, nau hadnevenana; henaudethāe, nau hadnevedena; hewaūdāhee (dajanau), nau hadnegaunedanauwunana. ¹⁰ Hanau haunauude hanesāde nethāenedauwaude nenaudauwaude; nau henee nenaudethāde neveenauau; nau henee newaudāhaude (dajanaune) hadgaunanauwunade. ¹¹ Hith hāahenau nedauwunānagu jauaujaunau jasaa nananena henesaunaune, gauhadvenaa hauunaugane? wauāthe nedauwunāhuk nauwu, gauhadvena hauchuhanee gauhadnanene nauwunenith seseyāne? ¹² Wauāthe nedauwunāhuk nauwu, gauhadvena hauwauhaudanethe? ¹³ Hith nananena, hauhauganenagu, hadaenava hadnesevenauna hethadenee venadedauunau nananena hadāeyaunenau: duthāee nananena hejavaa Hāsaunaunenau hadvenāva Vadanauwauthauwu nethāenedauwunauna? ¹⁴ Nau neausāguthaude haujaun, nau heehauwanadene. Nau hethauwuu hāejathāaude haujau, hanaāejaanadede; nau henanedanede haegaugauuthajaudene. ¹⁵ Hau jasaa hahagu, Nausāguthaude haujaunau heee Beelzehub najane haujaunaa. ¹⁶ Nau hauthauau, haenaudayādaunaa, haenehethaa hadnauhauthaudenenee hehethee hejavaa. ¹⁷ Hau haeaeene hedenethajaudenene, haeēdauwuna, Hadauchaa najanede nanayāse-nauaugu nehayau hadneyauhuu; nau hauauwuu hasānavadenaugu hauauwuu hadjanesaa. ¹⁸ Hith, Haujau jea

† Two words across a page (“haeeda” and “sa”) perhaps should have been hyphenated, giving “haeedasa” which, together with “haeedasaa”, occurs eleven times elsewhere in the text. There are no other occurrences of “sa” standing alone. †† Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.

hasānavadagu, hauddusethaugune henajanede? hanau nananena denehena nananenau deausāguthau-gaunee haujaunauau hehethee Beelzebub. ¹⁹ Nau hith nananenau hausāguthaugaunee hehethee Beelzebub haujaunauau, hanaa hāahenau hadnausāguthaude? hadedauchuwuna. ²⁰ Hau hith nananenau he-jadenethedaunaugu Hejavaneauthau hausāguthaugaunee haujaunauau, hethauwuu henajanede Hejavaneauthau hedaasāna. ²¹ Henane danāahethe hedauchuaunau haunaunedehuk hedauauwuu, hevathayaunau nedā-dauyaunee: ²² Hau hāejavaādāāhenethe javaāhehuk hedaasāhuk, nau veavehāhaugu, hadnedanauwunāde va-hee hedauchuaunau heaanadauwaundenau, nau hadjaanenee hesehauendenau. ²³ Daun najenethaunāde hasā-navānau: nau daun najenethauāyāvāde naneāsauauwaude. ²⁴ Hāenauthaunthe wauchāde haujau henanene, nehedesade hadaujenajenenee, denaudedede dauyānusenade; nau janeveedetthe, naneenehede, nananenau hadjaesanau naudauauwuu needaujenauahenau. ²⁵ Nau jaenauusathe, neveedede nesewaudeauhunee nau neyauthaunenee. ²⁶ Naeneejathāde, nau naneedanauwaude hanesauchaunethe hauthauau haujaunau javaānauhauganethe javaāhede; nau nanejedāthee, nau nanejanauguthee: nau waunee henee henane naeneejavaānauhauganede nedauaunejeethāde. ²⁷ Nau hethauwuu, hajeseanadede nuu hayauhuhau, jasaa hesā hehethee henanedaa haevasanade, nau hathauhuk, Hauwunaunade henesaunehe hājaneseauthāde Nananene, nau hethanau nedaunenane. ²⁸ Hau hahagu, Haa, nausunee, nauwunaunathee nethāejaathededuu hedanadedauene Hejavaneauthu, nau naunaunedethee. ²⁹ Nau henanedanede hāneenanau-thenanedauhuu, hanaāejasesenehede, Nuu nanaa wausauau henaedede: nevadaunauthāthee; nau hegau nauhauthaude hadvenaunauau, hau vavade nauhauthau nananede Jonas haeyāhe. ³⁰ Hanau Jonas neese-nauhauthaude Ninevites, nechau jea Heau henane hadnaathāde nuu henaedede. ³¹ Nenauchuwusā janauhuu hadjaegauhāde naudedaunadenese nauguu henanenau nuu henaedede, nau hadnauthauwuvāna: hanau dejewaunejaathehaude hehethee hāuauvadenee naunaudāhenith Solomon; nau naune, he-javaāhedaune Solomon hanedaunith. ³² Henanenauau hehethee Nineveh hadjaegauhāthee naudedaunadenese nauguu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith. ³³ Hegau henane, hāesedeauchauuu nauauuthayau, hehauwujenane yauthee, daudause hehauwugaudauyasenaunaa, hau dasee nauauuthayauneetheaugunee, nethāejedāthee hadnenauhauuu naunauasādane. ³⁴ Hanesenee vadanayannaa nanaa nevasesānee: nanaa hāenesadee hasesānenau nananena, nananene hadnaunauudauyauau hadanayau jea hanechauchau-naa hese; hau hāene nananene hasesā wausuu, hadanayau jea hadnechauchaunaudene vaneeyauau. ³⁵ Hau-nauyauhauwauwau hanau henee hesee hathāsadaude nananene jeva veeyauha. ³⁶ Hith nananene haunau-dauyau hadanayau hanau hadnechauchaunaudene hese, hadnehauwugauveeyau haunauude had-nechauchana hese, waude naunauasādāe nauauuthayau nevenāna hese. ³⁷ Nau hajesanadede, jachau Nesethajauhu haeadethaa hadnethevethehewaude: nau haewaunejedā, nau haejanaugu dauvethede. ³⁸ Nau hāene Nesethajauhu nauhauwuu, haegaudauvanava daujahesehunith nedauau hajesejevethenith. ³⁹ Nau Vahadāhenith hathāhuk, Hewaunehaa nananena Nesethajauhuhauau neyauthahenauwuna jathee vāe-naunau nau saenaunau; hau nananena hethauvaa hanechauchaunaudena vahedayaude nau hauhauganede. ⁴⁰ Nananena janethauvahena, gaujenane Hejavaneauthau nenesedede jathee gaujee henesede jedauwuu? ⁴¹ Hau hevāe hauwuyau daun hanethayaunenau; nau, naune, vahee hayauhuhau hadnesewaudeanauwunana? ⁴² Hau naunauthauau hadnedasāna nananena Nesethajauhuhauau, hanau nananena hadvāna vadadauchu wauhaunauau nau naneujaudevejechau nau vahee hathāejajāesuu vejechau, nau hadjavechaudauwuna vavesauchuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauau nejesehe. ⁴³ Naunauthauau hadnedasāna nananena Nesethajauhuhauau, hanau nananena de-vechaudauwuna najatheaugudaunau jedauwuu vevethahenauwuu, nau dejachauthana nedauaudaunau-vadee. ⁴⁴ Naunauthauau hadnedasāna nananena, wauthaunauhāhehauau nau Nesethajauhuhauau, nanadau-nahena, hanau nananena waude nedaugaudauyauhudaunee dejenauhauwuu, nau henanenauau nedase-javesathee hehauwaenaunā. ⁴⁵ Hanaāauchuhananadede hanesāde nanavaavehe, nau hathauhuk, Hechauhau-thethāhe, nuu dauhanadene nananene naunaunauthevāna jea. ⁴⁶ Nau hathāhuk naunauthauau hadnedasāna nananena jea, nananena nanavaavehehauau, hanau nananena henenauchuna henanenauau nauguu hene-nauchude hehayaudee javechauhunee, nau nananena nehayau jevasanauwuu henenauchudaunau hee hanesadee nananena hajadenenau. ⁴⁷ Naunauthauau hadnedasāna nananena, hanau nananena denesedauna gaujauaudahenauwuu haeyāhehauau, nau hāsaunaunenau denauuthee. ⁴⁸ Hethauwuu nananena haeyāna henee nananena wauhaunee nanāsedauthee hāsaunaunenau: hanau denauuthee, nau nananena nenesedena hegaujauaudahenauwunenu, ⁴⁹ Naasauau jea hahagu hedaeyaude Hejavaneauthau, Hadje-nanu haeyāhehauau nau vadahanauau, nau hauthauau hadnenaathee nau hadnenaunaunauthathethee: ⁵⁰ Henee hevaevenau vahee haeyāhehauau, hanedaunee hehethee davadeesehee vedauauwuu, had-neenaudedauwuhuu nuu henaedede; ⁵¹ Hehethee hevaevaa Abel nauu hevaevaa Zacharias henee nenajaa nahethāe jaanaa nau vadannauwuu: hethauwuu nananenau nehethathana nananena, had-

neenaudedauwuhuu nuu heee henaedede. ⁵² Naunauthauau hadnedasāna nananena nanavaavehehauau, hanau nananena dauhudanauwuna gaunaudauauha haeyaude: nananena hadnehauwujedāva nehayau, nau henee hathāejedāthee nananena najauaunauna. ⁵³ Nau daunenehedauau nuu hayauhuhau yesee, wauthau-nauhāhehau nau Nesethajauhuhauau hanaējaseseneenanaudedadaunāde, nau haeneenadaunanauau hadnau-thedaudauwunith hauwuhuu hayauhuhau; ⁵⁴ Haeaudenauthaa, nau hadnesedanauwunethe hayewhu hehethee hedenene, hadnāedauwauthausthee.

12 Gaunauwuu, hāene hena hauāchaudenee hauānee haejedaguu hadaucha henenedanede, dauwau-thaa haeanauguhudaunadenauau, hanaējasesēdauwunaude hethauguhādaunau nedauau vahee, Haunauyauhaudauwauau nananena gauhaujau Nesethajauhuhauau, nenadaunahethee. ² Hanau hehauwuyauthesa, hathāeyauthesa, daudause hehauwuyauthesa, nethāejaenaunee. ³ Hanau daun nananena hasanadenā veeyaugu hadnedauwuhuu hesenee; nau henee nananena hasenehenā waunaudaunuu jedauwuu hadnauchunana dasee hauauwuu. ⁴ Nau nananena hāedauwunathana Nādaehauhauau, Jevaesaa henee nenadethee henenedayāhau, nau heee hehauwauthesedaunauau. ⁵ Hau nananena hāedauwunathana daun nananena hāchaunenau: Hesaa Naa, heee hesenaānagu naunaudāde hadgauusevāna hadaugauhauchanee; haa, Nananenau hāedauwunathana nananena, Hesaa. ⁶ Hayauthaunethee hajaseaheauau gujeaudaunaune heee hanesāenee nevaāhenee, nau hanesāde hehauwunauneethedaunā Hejavaneauthu? ⁷ Hau daudausee hadauchāe hāthaanenau haudauguhuanenau vahenayāee. Jevanāthajauau henaheee: nananena javaā-nauwuhuaana hadauchtethee hajaseaheauau. ⁸ Jea Nananenau hāedauwunathana, Daun naujaudauthehāde hesee henenedaa, nananede Heāhene henenene jea hadnehauwaudauthehaa hesee hautheaunau Hejavaneauthuu. ⁹ Hau henee nauyauhāde hesee henenedaa hadneyauhade hathaāhenethe hautheaunau Hejavaneauthuu. ¹⁰ Nau daun hayādaunaude Heāhene henenene, hadjaegudanauwunade: hau nananede henee hauhauganedauau Vadanauwauthauwu hadnehauwujægudanauwunau. ¹¹ Nau hāejedanānā vevethahenauauwuu, nau hauchuwunanenauau, nau najanauau, jevagaugauanadauwuu wauāthe daunhayewhu nananena hadnesauchuhanehena, wauāthe daun nananena hadnesenehena: ¹² Hanau Vadanauwauthauwu hadnāedauwunāna nauauchaugu daun nananena hadnesenehena. ¹³ Nau hanesāde hehethee hananedaa hathauhuk, Hechauthethāhe, hanadesene nasaa, hadegaugauanauwauau vathayaunau. ¹⁴ Nau hathāhuk, Henane, hanaa nanesehāde hadnauchuwuhathane nau hadjaanauwunathane nananene? ¹⁵ Nau hasenehethauhuk, Haunauyauhaudauwauau, nau naseduhuu jevatathēhāe: hanau henane henaedede hehauwunedahevaa wauthayāgaune hevatheyaunau henetheyaunau. ¹⁶ Nau haeanaudetha haejegausudenadetha, Vedauauwuu jasaa nethauyāsenane haenauthauthā: ¹⁷ Nau hasethajauhuk nehayau, hewauau hauaudnesedaunaune, hanau hajenethenauwau jedauwuu hadnedauthānauwau navethenau, hahagu? ¹⁸ Nau hanaēnehede, nuu hadnaasedaunau: hadthauwunauwau nathāyānauauwuu, nau hadnesedenau hadjavaāvasauau; nau hadnaadauthānauwau vahee navethenau nau navatheyauau. ¹⁹ Nau hadnaēnehethehauau navadathuwu, Vadathau, nananene nanethenauwu waunauthāe hanetheyaunau janenane hadwauthāe jajene; hedanau nanethauaunenaedede, hevethēhe, hevaveyā, nau haunauwunaede. ²⁰ Hau Hejavaneauthu hathāhuk, Nananene Hauhauga, nuu dauveeyauau nananene havadathuwu hadnedauwunane: heee hanaa hadnethenauau hajenayaunau? ²¹ Nananede haenathaunau heveaunauaudenau, nau hehauwuveaunauau hesee Hejavaneauthu. ²² Nau hathauhuk hethauguhādaunau, Naa nehethathana, Jevagaugauanadauwuu hadenaededaunenau, daun hadnevethedaunenau; daudause heee hadanayaunenau, daun hadnāsaunenau. ²³ Henaedede javaāsa vethevaa, nau vadanayau javaāsa hāchaunaa. ²⁴ Gaugauanavaa huunauau: hanau dejejenayāthee nau dejegauausauhāthee; hehauwunethenauwu thāyānauauwuu nau vethewau nedauthāsaneene; nau Hejavaneauthu nachauwaude: gauhajavaāneenaedeva neahenaa? ²⁵ Nau hanaa nananena vanadaunāde heee neejahehe? ²⁶ Hith nananena wauhā jeneenesedaunagu henee haugajuhuu, naudu hajanethajaudauwuna hauthauau? ²⁷ Gaugauanadauwuu nenaugaānuu nejajaesaānuu neseveseeu: hehauwunesehānaunau, hehauwunethaudayānaunau; nau nausunee nāedauwunathana, henee Solomon vahee hevasāthade hehauwunaasenu hasaunee nuu. ²⁸ Hith wauhā Hejavaneauthu heneenudehuk wauchuunau, nuu desene nauau, nau naugaagu hadneewaudeadaunaunee; hāduthāejavaāvenāva hāchaunau, Hau nananena vanehaa hethauwuthajauna? ²⁹ Nau jevanaudedee nananena daun nananena hadnevethedaunenau, wauāthe daun hadnevaveyādaunenau, jevaaugaugauauthajauau. ³⁰ Hanau vahee nuu neauthudan hathāauauvaa nenaudethāthee: nau nananena Hāsaunaunenau haenauau henee nananena hāvathehādaunenau nuu hayauhuhau. ³¹ Hau henaudedee nananena henajanede Hejavaneauthu; nau vahee nuu hayauhuhau hadnethedaunanaunauwunana nananena. ³² Jevanāthajauau, hāhauwuwauthaheva; hanau nananena Hāsaunaunenau hayethanadaunādaunenau hadvenāna henajanede. ³³ Heaudanaa henee hanetheyaunenau, nau hauwunaunaa hadavenuhuhauau; jasedauau nesevāejethāwaunau henee nejethauuthauaachusāe, haenathaude haneduu hejavaa henee nejethauuyauhuu, nedaujavedadenee, hehauwujuudenauau nuvanauauau. ³⁴ Hanau haduu hadaenathaunenau, hena hadahenau jea hadnaaduuu. ³⁵ Duujehee, nau hau-

nauauuthayaunenau gauhauchanauha; ³⁶ Nau nanehathahena henanenauau henee nedauyauhauwauthee hanau Hadahethedaunādaunenau, hāejejaesathe hehethee gauwuhaude; henee hāejenuusathe nau had-waudāhaude, hadgaunanauwunade nauhauhaunee. ³⁷ Hauwunaunaa henee nesethāhehauau nananenethe, Vahadāde hāejenuusathe hadveenaude hadnaunauyauhauthānethe: hethauwāedaunwunathana, hadduujede nehayau, nau hadjanauguhaude hadvethehenethe, nau hadjeedauchaude nau hadnaunauchauwaude. ³⁸ Nau hith jenauusahek naneseauwaude haunauyauhauthāhe, wauāthe jenauusahek naneseauwaude haunauyauhauthāhe, nau hadveenaude hadnesaanunethe, hauwunaunaa henee nesethāhehauau. ³⁹ Nau nuu hāenauwuu, henee hith henane hedauauwuu haenauaugu daun hāauchaunee havedehew neenauusanith, haunaunauyauhauwaude, nau hanājechuwauthedaunenauhunee hedauauwuu. ⁴⁰ Nananena hadnaaesaaunaja, hanau Heau henane hadnauusade daun hāauchaunee hāejenuanauwaunā. ⁴¹ Peda hanaānadethaude, Vahadāhene, gauhanadethāa Nananene nuu heee jegausudede wauāthe vahee? ⁴² Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauuu vethewau nauauchaunee? ⁴³ Hauwunaunaa henee nesethāhe, nananenith hadāhewaunādaune hāedasāthe hadveehāde hadnaasehāde. ⁴⁴ Hethauvaa hathāedaunwunathana, henee hadnesehāde hadāhewaude vahee hethāenetheyaunau. ⁴⁵ Hau nau hith henee nesethāhe hesethajauhuk, Nadāhewaunāde jeguthenauusahek; nau henesegauhahek henanenau nesethāhehau nau hesānau, nau hevethehagaunee nau hevaveyāhau-gaunee, nau henaunauneseavagaunee; ⁴⁶ Hadāhevāhe henee nesethāhe hadnauusanith hajesesenenee hāeje-jauwuwauthethe, nau, neejaenauau, nau hadgudanāde nau hadjenanaude jethauwaudahehau. ⁴⁷ Nau henee nesethāhe haenauaugu hadāhewaunādaune hathanavāde, nau jesaanuhuk, daudaus dejesedaude hathanavāthe hadnenedesegauhude dejauaunee. ⁴⁸ Hau henee jaenauaugu, nau hesedauhuk nesenene-seguhedaunenee hanājauwaunenesegauhude, hanau daun hauwauhuvenāde nananede hadnauwaunedauwunade; nau nananede henane hauwauhauthade, nananede hadnauwaunedauwunade. ⁴⁹ Hadjejenanauwau heseda dasee vedauauwuu; nau hayew navathehāde wauwu gauhauchagu? ⁵⁰ Hau nanethenauwau dusaahede hadneedusaahedaunee; nau hanahauwaudauaunānu haunaude hesedaudeyāgu. ⁵¹ Haneējaude hadjenanauau dādaunee vedauauwuu haāthanaveva? hadāedaunwunathava, Hegau; hau wauāthe hanāgauanauwau: ⁵² Hanau hehethee heee yauthaunenanaedaunee hanesadee hauauwuu hadgauanee, hadnasaunauthethe hanesenethe, nau hadnesaunauthethe hanāenethe. ⁵³ Henesaunaun hadgauanathethe hadnasānauwaude heau, nau heau hadnasānavāde; hesā hadnasānauwaude hedaunau, nau hedaunau hadnasānavāde, hesā hesave hadnasānauwaude, nau hesave hadnasānavāde. ⁵⁴ Nau hanaānadedauau jea henanedanede, hāenauhaudauwunā henaunauade jevetchauchaugu hehethee nese-naesade, chauchaunu nananena, Hadnauchuhajauwauwau; nau naenesauau. ⁵⁵ Nau hāenauhaudauwunā jenuauhuu hanehedasāe, nananena, hadnasedaa; nau naenesauau. ⁵⁶ Nananena nanadaunahena, nananena naenauwuna hedauchaveau haunauau nau vedauauwuu; hau dusaudee haejaenauwuna nuu hewaunehaa? ⁵⁷ Haa, nau naudau daudause nananena haejaenauwuna hasethadee? ⁵⁸ Hāeyehauthānā hasānavādaunenau hauchuwunanenau, nausujavesanagu, nayātheneneevaa hadeenayauhāna; havaehauthāva najanauchuwunane, nau najanauchuwunane havavena duguthāhew, nau duguthāhe havathānāva duguthānauauwuu. ⁵⁹ Hāedaunwunathana havajeneenauthauva, haunaude vathanaudahunagu havāejethāvenau.

13 Hena hethaa heee jachau haeauthedaunaa Gananeans, hevaewu Pinade haewauhaunauwuaunenau nedauausāyāthee. ² Nau Hejavaneauthusaun haeauchuhanadethā, Nauchāe nananena henee nuu Gananeans heauhaugayaugaunee javaānee vahee Gananeans, hanau daujeneethajauduu hayauhuhau? ³ Nananenau nāedaunwunathana, Hegau: hau, vavade nananena jaaugauthethajaunagu, nananena hadnavahethahena gaujauaudahede. ⁴ Wauāthe hena nasaudaunee, dasee hayauauwuu jedauwuu Siloam de-thauwunauauau, nau haenanaā, gauguanadaunee henee gauhujavaānauhaunganenauau vahee henanedanede henee theaugude jedawuu Dādaunedan? ⁵ Nananenau nāedaunwunathana, Hegau, hau vavade nananena jeneethajauhadede, nananena hadnavahethahena gaujauaudahede. ⁶ Haeheanade jea nuu dajenehede; Jasaa henane haenethena hauyauhaunauhaudene haejenana jedauwuu dadajeneveve nethauchayaunaa; nau haejenauusa nau haenaunaude vevenaunau hanāvenee, hau haejeveede. ⁷ Hanaāenehethaude nesethāhew hadadajeneveveve nethauchayaunaa, Naune, nuu hanaāa jajene nananenau hanejaunau daujenaudedanau vevenaunau nuu hauyauhaunauhaudee, hau hajeveedenau: dauwauhune; hadevachunauthauyauau vedauauwuu? ⁸ Nau hanaāauchuhanadethāde, Vahadāhene, hauwaa nanehasene nuu heee jaje jea, nadeesenenesede, nau vehethe hadjenanauwau. ⁹ Nau hith hāvāgaune vevenaunau neee: nauhith jene, hadnaāedaunwuhade. ¹⁰ Nau haechauhauthethā jasaa vevethahenauauwuu vadanese. ¹¹ Nau, naune hena hesā haujaunehaeheaugauwu nasaudaunee jajenee, nau haevajanā hauānee, nau haejenechuwuwauthethe nehayau. ¹² Nau hāene Hajavaneauthusaun nauhauwaude, Haeadetha, nau hanaāedaunwunaude, Hesā, nananene haunaunane hehethee hadaugauwudaunaa. ¹³ Nau hanaāevasanaude: nau chauchaunu hanaāechuvāde, nau haevaveenethedauna Hejavaneauthu. ¹⁴ Nau

hauchuwunane vevethahenauauwu haeauchuhananade nauguu hasenaunaude, hanau henee Hejavaneauthusaun denayauthānith vadanese, nau haeautheda henaneda, Hena nanedauchaehē hese henane heene-sethādaunau hanānaneajauna nau hanānaneenayauhana, hau hegau vadanese. ¹⁵ Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanese haugunauva hauwaugajevenau wauāthe naugauchaudaheauau hehethee hewauchuhauchauwauwu, nau gāyethaājethauva devanauhauna? ¹⁶ Nau gaujenaasaunee naa hesā, hedaunau Ābrahim, † henee Haujau heduguthaune, naune, nuu nasaudauchunee jajene, hāaugunade hehethee nuu deduguhude vadanese? ¹⁷ Nau hānehedauau nuu hayauhuhau, vahee hejauthauwau haeaudaudāhenenau: nau vahee henanedanede haeneethaujudene hee vahee havathee hayauhuhau henee hese-ethaunau. ¹⁸ Hanaāenehede, dusaune henajanede Hejavaneauthau? nau hayew naudnenehethau? ¹⁹ Waude nejenanene mausdaude, henane nedanauau, nau neneāgudede hejenayaunaa; nau neveseaudede, nau hāhe haeavadauhadene; nau neahehauau hejavaa negausee hedāna. ²⁰ Nau jea hanaāenehede, Hayew naudneedajenehethau henajanede Hejavaneauthau? ²¹ Waude nesaunaachaa henee hesā nedanauau nau nejenanauau nasau dejenauhunee thauuhanau haunaude devahenesaunadāe. ²² Nau haehedesa hauwuhauwudane nau hajasedan, dechauhauthethāde, nau haejāda hese Dādaunedan. ²³ Hanaāanadethāde hanesāhenith, Vahadāhene, gaujewauthanauau henee henayauhathee? Nau hanaāāedauwunaude, ²⁴ Neaunedauwau hadejedāna hadaugaugunesāde dajanau: newauthana, Nananenau dāedauwunathana, hadnenaudedena hadnedaujedāna, hau hadnehauwuneda. ²⁵ Hāene hechauhauthethāhe hauwuu thauwauthehuk, nau haugauhahagu dajanaune, nau nananena hanānaāetheauguna jathee, nau hanānaāewaudāhauna dajanau, hanānaāenehethauna, Vahadāhene, Vahadāhene, jegaunanauwunāa, nau hanānaāauchuhanehethāna nau hanānaasenehethāna, Hāhauwaenaunathe daun hadesane: ²⁶ Hanānaāenehethauna, Nevethehenauau nau neveyānauau hathaāhene, hau nananene dauthedaunānehadaugauchadee. ²⁷ Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehauau wauwauchudaude. ²⁸ Hena hadnevewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwu henajanede Hejavaneauthau, hau nananena nehayau nenuguthadena. ²⁹ Nau hadjenauuchaudenee hehethee nejeethevesesanith, nau hehethee nesenaesanith, nau hehete nanavee, nau hehethee janauhuu, nau hadjanau-guduu henajanedanene Hejavaneauthu. ³⁰ Nau, naune, hena hedauade hadnedauvade, nau hena nanedaudevade hadnedauchude. ³¹ Hajesesenee hena haejenauusa jasaa Nesethajauhuhauau, hasenehethāhuk, Nauahe, nau jathāau, hanau Herod hadnaāne. ³² Nau hanaāāedauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayauthānau nuu desenee nau naugaagu, nau nanaseauwauau hese hadnaāesedaunau. ³³ Hau hadnenesanau nuu desenee, nau naugaagu, nau jea hathavenaugaagu: hanau hehauwunaasau henee haeyāhe denaade Dādaunedan. ³⁴ Hau Dādaunedan, Dādaunedan, nanathee nenauathee haeyāhehau, nau nenauchauwathathee hauunaugāe henee hejejenanauwunaudenenu; dauhudauchu naudnauāchauhaunauau nananena hadāeyaunewauau hauānee waude neauthunee dauānaude henesaunau hethauvaa hethaenaa, hau hāhauwuvatthehāva. ³⁵ Naune haudauwunenu, naunaudauwunana hadnadauyewu: nau hethauwuu nāedauwunathana, Nananena hadnehauwunauhauwuva haunaude nauauchaugu hadneenehena, Hauwunaunaa henee jaunaude hee henesedaunene Vahadāhenith.

14 Nau hethauwuu, daujedāde hedauauwunene hanesāhenith najane Nesethajauhuhau hadvethee jauaujau vadanese, henee haeauyauhauvaa. ² Nau, naune, hena jasaa henane hathaāhede haenenesaunenauau. ³ Nau Hejavaneauthusau haeauchuhananadetha nanavaavehau nau Nesethajauhuhau, gaujenanavanau henayauthaude vadanese? hāthauhuk. ⁴ Nau haedādaunaugunauau. Nau hanaāedanaunith nau haenayauha, nau haejenana; ⁵ Nau haeauchuhananadetha, Hanaa hedauneau naugauchaudahehau wauāth waugaje janesenayaugaune hadaunaudenee, nau gauchauchau nauhadnauuguthauva vadanese? hathauhuk. ⁶ Nau haeyauhuune nesenehethathee jea nuu hayauhuhau. ⁷ Nau haedadajenehetha henee hathāadethathee, hāenauhauwaude hasayāchauhauwunethe najatheaugudaunau; hanaāāedauwunaude, ⁸ Hāene nananena hadethaunā henanenauau gauwuhadeneagu, jevajanaugu najatheaugudaunaa; havajavaānethā henane havajavaāheva henee hadethade; ⁹ Nau henee hadethāde nau nananede hadjaude nau hadnethāne, Venene naa henane hadehedaugu; nau nananene haddayāhene janaugunenagu hesaudavaa. ¹⁰ Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechauthānaune henee hanethevethēvādaunauau. ¹¹ Hanau daun nanajathajaude nehayau hadnausādaude; nau henee nausādaude nehayau hadnananede. ¹² Hanaāenehethaude jea henee hadethādaune, Hāene nananene gauusevanenagu wauāthe hethun-

† "Abraham" is spelt thus once in this verse and spelt "Abraham" thirteen times elsewhere in the text. It is not known whether the spelling differences have any grammatical significance.

evethehevanenagu, jevaadesene hādaehauhauau, wauāthe hāthesaunauau, daudause hādaunauau, wauāthe nethauyādahagu hanedaudeuau; havaadetha jea, nau havaaunaudaunā. ¹³ Hau hāene nananene vethehevanenagu, hadadethaunauau hadavenuhuhauau, henesenehehauau, jeneejavesahehauau, nanenauguhuhauau; ¹⁴ Nau nananene hadnauwunaunane; hanau daujeneaunaudaunānaune: hanau nananene hadnaunaudaunane jaegauhadenagu hathāethadee. ¹⁵ Hāene hanesāde henee henethevethehevādaune daunedauwaudauwunith nuu hayauhuhau, Hauwunaunade henee hadvethee jauaujau henajanedauene Hejavaneauthu, hathāhuk. ¹⁶ Hanaāēdauwunaude, jasaa henane haeavathethunevetheheva, nau haeauwauhadedhānana; ¹⁷ Nau haejenana hewauwaune dauethunevethehedaunee hadnāedauwunaunith henee hadethavathe, Jenajesaa; vahee hayauhuhau wauwu hanesejenanee. ¹⁸ Nau vahee haenesadene hathauchuwuhadethee hadnudanathee. Nanedauwauaude hasenehethauhuk, Neaudaunaudauwau vedauauwuu, nau hadneyehaunau nau hadnauhauwau: Nehethathane hadnudanene. ¹⁹ Nau jasaa ahagu, Neaudaunauthu yauthauyauna hedauhuwaugaje, nau hadneyehaunau hadnayāduuhuu: nenehethathane hadnudanene. ²⁰ Nau jasaa hahagu, hedauwunenenu, nau naajeneejaunau. ²¹ Hanaāējenauusade henee wauwau, nau hanaāēnauhauthe haude hadāhewaunādaune nuu hayauhuhau. Wauhā hechauhauthethāhe hauauwuu hanaāāsenaunade hanaāēdauwunaude hewauwaune, Yegauhu nauhauhaunee hadaugauchaudāe nau hadaugauchauchanee hedane, nau hadjāthaunauau hede hathāadavenuhethēe, nau henesenehehauau, nau jeneejavesahehauau, nau nanenauguhuhauau. ²² Nau wauwau hasenehethauhuk, Vahadāhene, naasedaunau hasenehesene nau nausunauthauyauau, hathāhuk. ²³ Nau Vahadāhede haeēdauwuna wauwaune, Yehau hathenavaunaa nau nethauchayaunaa nau hadjādasauaunauau hadejejedāthee, henee naudauauwuu hadechauchanaa. ²⁴ Hanau nāedauwunathane, henee hegau hena henanenuau neadethathee hadnehauwuvajadauwu nade-thunevethehewau. ²⁵ Nau hena haenethaunau havathenedanede: nau hanaāējaaagude, nau hanaāēdauwunaude, ²⁶ Hith daun henane hedaunāngu, hau jasānauwuhuk henesaunane, nau henaune, nau henene, nau dāeyaunauau, nau henethesaunau, nau hedaunāwau, haa nau nehayau hedaunede jea, nāhauwuneethauguhaa. ²⁷ Nau daun janenevaa henaugachu, nau thaughānangu, nāhauwuneethauguhaa. ²⁸ Hanaa nananena vanadauneseededede hayauauwun gauhadjejanaugu nedauau hadnayādede hadaachuunee, wauau hanaadauchanenee hesehenee? ²⁹ Havaene hesejenanauhuk hauunauganau, nau hanājeneesededede, vahee henee hathāenauhauwau hadneevavavayaundenenee. ³⁰ Naa henane nenesededede, hau hajeneesededede, hanāthāde. ³¹ Wauāthe daun naja, vadauvauthauhuk jachau najane, hanājanaugude nedauau, nau hanāgau-gauanadauau wauau haneene nauuu vadadauchu vasevadadausauau hadnenuchaunade henee hejevenahedaunau nauuu nesauau vasevadadausauau? ³² Wauāthe, hajesenausujechaugunethe, hanāyethautheavede, nau hanānayāthenedauāwaunaude. ³³ Nau naasauau, daun nananena henee janenu-naudauau vahee henethayaunau, nāhauwuneethauguhaa. ³⁴ Nejaunauwuu hethadee: hau hith nejauauwuu jevanujaudāgu, hayew hadneenejaunauwujauau? ³⁵ Daudause hehauwuuthade vedauauwuu, wauāthe hee ve-hethe; hau henanenuau hanāneāgudede. Daun henaunauunede heenedauvahek jaathede ha.

15 Hanaāēauchaunāde vahee hauyāhehau nau wauwauchudauhuhau hee hadjaathēhāde. ² Nau Nese-thajauhuhau nau Wauthaunauhāhehau haeneneedenenu, Naa henane hanesedanaude wauwauchudauhuhau, nau nanethevethehewaude, hathāhuk. ³ Nau haeauthaunanadetha, hasenehethauhuk, ⁴ Hanaa henane nananena hedaunede vadadausauau jauaunawaudā, hith hanauhuhuk hanesahenith, gauhadnautha theaudausauau nau theaudauchunee nauaunee, nau gauhadnaudeha henee naunethaunith gauhau-naude hadveeha? ⁵ Nau hāveehauthe hadthāegauhaude hejaanaunaa, hadneneethajaude. ⁶ Nau hānauajegauhuthe, hadnadethaude hauānee henedaehauhau nau henedaudevādaunau, netheneethajaudauwunee hanau daujaveehauau naudauāve nenaunethaunade, hathauhuk. ⁷ Nananenau hāedauwunathana, nuu hadnaasauau neethajaude hayāene hāene hanesāde wauwauchuduhu haunaunevethajauhuk javaānee theaudausauau nau theaudauchunee hathauwunane janenethenauau haunevethajaude. ⁸ Daudause daun hesā nethenauaugu vadadauchu gauneevāejethā, hith hanadehuk hanesadenee gaunee, gauhadjedeachauau nauauuthayau, nau gauhadwaudeau hauauwuu, nau gauhadvavesenaunee haunauvee gauhadveede. ⁹ Nau daun hāveenuu hanadethaude henedaehauhau, nau henedaudevādaunau hauānee netheneethajauwuu, hanau daujaevenauwau hanesadee nāanathau, hanāthāde. ¹⁰ Naasauau, Nananenau nāedauwunathana, haneduu neethajaude hathaāhethēe hauthaunauau Hejavaneauthuu hanesāde wauwauchuduhu haunaunevethajauhuk. ¹¹ Nau hasenehuhuk, jasaa henane nesayaugaune heauhau: ¹² Nau hajauchaugade haenehetha henesaunane, Nāchau jevene gauuu vatheyau henee nāudnedadahedaunau. Nau hanaāgauvunaude hethāenethayaunau. ¹³ Nau haunauhaejewauthanenau hese hajauchaugade hāesauānauau vahee hauānee, nauhanaāejathāde hese vavāaune vedauauwuu, nau hena hanaāevadauthedede hethāenethayaunau hee hauhaugānenedede. ¹⁴ Nau hāevathedede vahee, hena haanaēnauauchaunau nauauthauau hasenaude hena vedauauwuu; nau hanaāadavenuhenede. ¹⁵ Nau hanaāeyehaude nau hanaāewauhaunesade nehayau hauwuhauwunanenau henee vedauauwuu; nau haejenana hethauauwuu hadnauchauwaude neau-

thuwauchu. ¹⁶ Nau hanāneanadauau hanāchauchaunaude henaude hee jeyauwaunau henee neau-thuwauchu hevethedaunenau: hau hegau henanene hevenaa. ¹⁷ Nau hāenaude hanaānehede, Wau-nauthanethe hedautheaunau nāsaunau nenethenauau jauaujaunau naenedauchanenee nau nejeesesanenee, hau hadnenadaugauyānu? ¹⁸ Hadgauhānu nau hadeyehaunau nāsaunau, nau hadnaasenehethauau, Nāchau, nananenau nanethenauwau wauchudaude hese hayāene, nau yese nananene, ¹⁹ Nau nananenau hegau hee hāhauwautheāve: jeneshe waude haudautheaunauau. ²⁰ Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune haenauhauvaa, nau haeauwunau-naa, nau haeyeseneegau, nau haenaethesaunaunagutha, nau haenedana. ²¹ Nau heau hathāhuk, Nāchau, nananenau nanethenauwau wauchudaude yese hayāene, nau nananene, nau nananenau hegau hāhauwautheneeāve. ²² Hau henesaunaune hathauyugaune hedautheaunene, jādee chaunauguuthadee hu, nau hauyauunaa; nau thānauwunaa nechaunathathau hejadena, nau jedauaunena: ²³ Nau hadjāthauva hede daun gauchujāde wauuu, nau hadnauauva; nau hadvethehenauau, nau hadeaunauwuthajaunauau: ²⁴ Hanau naa nā nēnā, nau jaenaedede; nēnauwuthauau, nau jaevenade; nau hanaāejasesaunauwuthajauthee: ²⁵ Wauhā vanachaganith heau haenedaune nauau: nau daunauwuthau nau hāyānauusade hedauauwunena, haenedauwaude haenevaudenene nau haevadaudenene. ²⁶ Nau haedetha hanesānith haunauaheau, nau haenaudeauna dusedaude hathauhuk. ²⁷ Nau haeāedauwunaa, Nananene hahavaa nauusade; nau nananene hāsaunau nauwuthau gauchujānith wauuu, hanau daujaesedanaude nanethauaune. ²⁸ Nau haeasenauna, nau haejedā: hanaāejenauahenith henesaunaune, nau haedadadasevaa. ²⁹ Nau haeauchuhanadetha henesaunaune, Naune, nuu hawauthāe jajenee hāenesedaunathadenau, daudause hāhauwujethauwaudaunathe hanāene hanathauchuwuhunaune: hau haunauau nananene hāhauwuthauu-vene haudāsau, henee hanānesedenau haunauwuthajau nauuu nādaehauhauau: ³⁰ Hau chauchaunu hase-nauusade naa hā, hāgaujauauthedaunādaunau hāheenaededaunau hee henesahehau hesānu, nananene hanadaunaude gauchujānith wauuu. ³¹ Nau hanaāēdauwunau, nā, nananene nanethenaedevēne, nau vā-hee henee nāthāenethyaunau nanēnāhene. ³² Dauudasadee henee haneenesee haunauwuthajau, nau hadneethajau: hee naa hahavaa denā, nau jaenaedede; nau denauwuthauau, nau jaevenade.

16 Nau hanaāēdauwunau jē hethauguhādaunau, hēna jāsā haenethauyādā henane, haenethēna hadāhevahew; nau haenanene haeauthauwuvā henee daunethauyādauchude hevatheyaunau. ² Nau haedetha, nau hanaāenaudeaunaude, Duthanee henee daunedaunathane nananene? nayāde hādāhevādenau hanau nananene hadnehauwuguthadāheva. ³ Hadāhevāhe, Hewauau hauaudnesedaunaune? hasethaujauhuk, hanau navahadāhewaunāde haedanauwunānu nadadāhewau: hajeneenauchauhānu; thau-nunedauwuhunenau. ⁴ Haenauwau hadnesedaunau, henee hāenudanānaune hadāhewaude hadjedanethee hedauauwunenau. ⁵ Hanaāedethaude haunauude hadāhewaunādaune hethāesayānedanauwunādaunene, nau hanaāēdauwunau nēdauwauaunith, Dauhudauchanau hasayānedanauwunaudenau nananene nadāhewaunāde? ⁶ Nau hāheyaugaune vadadausauau dejenauhuu javēda. Nau hanaāēdauwunau Hedanau hauwauthaunauha, nau janaugu nauhauhaune, nau hadwauthaunau yauthauyauau. ⁷ Hanaāēdauwunau jachau, nau dauhudauchanau hasayānedayaunau nananene? Nau hanaāēdauwunāde, Vadadausauau dejenauhūne thauauhanewauchuunau. Nau hanaāēdauwunau, Hedanau hauwauthaunauha, nau hadwauthaunau nasadausauau. ⁸ Nau vahadāde haevaveenethedauna janechuvāhenith hadāhevahew, hanau dauhaenauau hasēdaude: hanau dāeyaunauau nuu hathāauauvaa hēdenaēdēdaunenau hāenuu javānee hesenedāeyaunauau. ⁹ Nau nananenau hāedauwunathana nesēde nehayau hēnēdāhēvadēde hee nethauyādahēde hehauwuthade; henee hāejēnēnādenā hādeesēdanāna nedaujethauujēnēnāedēdaunēne. ¹⁰ Henane henee chaunuvāde hee haugajuhuyāgu haneechuvāde jē vasee: nau henane henee janechuvāde vanēhā hehauwuuchuvā jē vāsāne. ¹¹ Hith naaheene nananēna jechuvahēna hāhauwuuthāheva nethauyādahēde hāna hadvēnāde nananēna hadanethaude hethauwuū vāunauaude? ¹² Nau hith nananēna hejēchuvahēnāgu hee hēnēhāhēde jāsā henane hāna hadvēnāde nananēna henee hānēhāhēde. ¹³ Hegau nesethāhe hehauwunēnesēdauna hānesēnēthe hechauhau-thethāhehau: jachau hanāasānuwau hānesāhenith, nau hanāvēchauthaude jachau; wauāthe hanā-dūdevēde hānesānith, nau hanāthāchaunauhauwau jachau. Nananēna hāhauwunēnesēdaunauvā Hejavāneauthau nau nethauyādāhehēhauau. ¹⁴ Nau Nesethajauhuhauau jē, hāveēnauwū vāejēthā, haenedauwaudauwū vāhe nuu hayauhuhau: nau hāeāchaudanavanauau. ¹⁵ Nau hanaāēdauwunau nananēna nethadē hāsehādenā hāthāhēthē hēnanēnauau; hau Hejavāneauthau nēnauau hadāhenau: hanau henee nēchāguanavādethe hēnēnēdā nēwāchanavāthē hāthāhēnēthe Hejavāneauthu. ¹⁶ Nānāvāvedāunau nau hāyāhēhauau haunau nauuu Jānu: hee hēna hēnājēdē Hejavāneauthau dē-hēauthēdaunē, nau haunau hēnanēnau nēhēnēnēthēnēdēthē. ¹⁷ Nau hehauwunauthau hējavā nau vēdauwū hēyāhūgāne javānee hānesadē haugajuhū nanāvāvedē hadnēyāhū. ¹⁸ Daun hāsānaude hēnē, nau hēnyāgu gauchūnē, wauchudaudehāgauthēnēdē: nau daun hāsāyāne

nanewaude wauchudaude. ¹⁹ Hena jasia nethauyāsenane, haeneenu haevajayaunenau nau haegaugune-saunenau, nau haeneechauna hadaachuseneene: ²⁰ Nau hena jasia nedauwuhu Lazarus haseagu, haesaese hedajanaunaa haevahaseva, ²¹ Haevadauugaudaude heee jeyauwaunau nejanesanenee hehethee nethauyāsenanene hevethedaudanene: jea hathave haedasaa nau haenenesaudauwu hedaesawaunau. ²² Nau het-hauwuu, henee nedauwuhu haenaja, nau haenauaunechauhaa hautheaunau yese Abraham haenedauguva: nethauyāsenane jea haenaje, nau haeyenanau; ²³ Nau hadauveeyaunee haeyenāauguau, haeadauwuthajau, nau haenauhauva Abraham vavāaune, nau Lazarus haenedauguvane. ²⁴ Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadena najee, nau hadedauyauvanauau nāthaune; hanau nananenau hanavachuunau nuu hesedaa. ²⁵ Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hewaunehaa hauwauthenaedede, hau nananene naunauchauthenaedene. ²⁶ Nau jea vahee nuu, nahethāe nananee nau nananene haneduu vanasauau vanethaunauau janenene: hadnejenehedechaudenee hehethee hede hese nananene hehauwunee; daudause hehauwunee-jeauchusanauau hadaunee, henee nevadaujauthee hehethee hethaa. ²⁷ Hanaānehethaude, Vanevethedauthane hena heee, Nāchau, henee nananene hadejejenanaude nāsaunau hedauwuu: ²⁸ Hanau yaunauthaunethe nauhauwauau henee hadeāedauwunaude, jea havajayunenau nuu haduu naunauchauthauau. ²⁹ Abraham hanaāedauwunaude nanethenauthee Mosaseau nau haeyāhehau; jaatheaunauha. ³⁰ Nau, hegau, nāchau Abraham: hau hith hanesāde jaeyehauhuk hehethee degaujauaudāde, haunaunaunevethajauthee, hathāhuk. ³¹ Nau hanaāedauwunāde, Hith jenedaunauhaugaunee Mosaseau nau haeyāhehau, daudause hāhauwunee nadauwaunauau, daudause hanesāhenethe jaegauhāyugaune hehethee degaujauaudāhenith.

17 Hanaāedauwunaude hethauguhādaunau, Hāhauwunee hē hē henee dauusenadenau hadnauauchuu: hau naunauthauau hadnauauchaudaude daunjaunau. ² Hanāneene henee thauyānauunaugane henauānauyagu, nau seāguthadagu hadaje, hauhanāheejegaudavāhenethe henee haneedausenethe jachau nuu hajasedāeyaunauau. ³ Haunauyauhaudauwauau nehayau nananena: Hith hahavaenau havawauchuhāva, hadanadethauva; nau hith haunaunevethajauhuk, hadjaegudanauwunauva. ⁴ Nau hith wauwauchuhānagu nesaudauchu hajesesenee, nau nesaudauchu hajesesenee naujaeyethaagudaunānagu, haunaunaunevethajaunau, hethānagu: nananena hadjaegudanauwunauva. ⁵ Nau vadahanauau, Vahadāhene, hethedaunauwunāa hedethauwaudaudenede, hathauhaugaunee. ⁶ Nau Vahadāhenith hathāhaugaunee, Hith nananena hethauwaudauwunagu hethāee hethāuu mausdaude jenayaunau, nananena hanāa nuu segaumau hunauhaudene, Hanāgauchauhana hethājee, nau hanājenanauna hadajee; nau hanāthauwaudaunāa. ⁷ Hau hanaa nananena, hanāwauwaunavede hanāthauauuwujethānith wauāthe hananajauānith, hanāthauna waunee hāenauusathe hehethee nauau, Najese nau hadjanaugu nau hadvethe? ⁸ Hau hanājenaasenehethauna, Hese theva nayaudenee hadnevethenau, nau duujehe nehayau, nau hadjeenechaudaune haunau hesevethenau nau hesaveyānau; nau heuhauwune jenaevethene nau hadevaveyā? ⁹ Gauhadvaveene henee wauwau hanau dauhunaasedaude henee hanasenehethāthe? Haunauchāe hegau. ¹⁰ Naathahena, hāene nananena vahesedaunagu hena hayauhuhau hathauchuwuhana, Hāhauwuneejavaājasethānau wauwaunauau; vavade nanesedaunauau hadnesedaunuu, hadeva. ¹¹ Nau hethauwuu, dau-nausuyehaude Dādaunedan, haehedesa nahethāe Samaria nau Gananee. ¹² Nau hāewaudasade jasia hauauwudan, haenuchaunaa vadadauchu henanenau haenaujaune hedaugauwudaunenau, haetheaugunenau vavāaune: ¹³ Nau haeneduvanauau, nau hanaānehethauthee, Hejavaneauthusau, Hecauhauthethāhe, † jeauwunauāa. ¹⁴ Nau hāenauhauwaude hanaāedauwunaude, Waunenauhauthehaa hadanayaunenau vevethahevahehauau. Nau hethauwuu, henee dauausuyehauthee, haejegaudavāhenauau. ¹⁵ Nau hanesāde, hāenauhaudauau henee dauunayauhade, haejaaagu, nau haevasehe dauvaveenethedaunaude Hejavaneauthu, ¹⁶ Nau haevāneseve heauthene, haevaveenethedauna: nau haenaadāde Samaritan. ¹⁷ Nau Hejavaneauthusaun haechuhananadethā, gaujenayauhaunauau vadadauchu? hau daude theaudauchu? ¹⁸ Hajenauhauthathee haejayehauthee hadvaveenethedaunauthee Hejavaneauthu, vavade naa henewauhu. ¹⁹ Nau haēedauwuna, Gauhā, najesa: nananene hadethauwaudaude henayuhāne. ²⁰ Nau hāenaudedauwunāde Nesehajauhuhau, daun henajanedaunene Hejavaneauthu hadneenauauchaunee, Haeēedauwuna, Henajanede Hejavaneauthu hadnehauwunauauchaune nausujauwuwuhadagu: ²¹ Daudause hehedauneagu, Nauhau-dauwuu hede, wauāthe, nauhaudauwuu hena, hanau, naune, henajanede Hejavaneauthu thanāsadena, ²² Nau hanaāedauwunaude hethauguhādaunau, Hese hadnauauchuu, hāene nananena vadaunauhau-dauwunā jasae hese Heau henane, nau hadnehauwunauhaudava. ²³ Nau hadnanethāna, Nauhaudau hede; wauāthe nauhaudau hena; jevayehauau, wauāthe jevathauguhā, ²⁴ Waude hasauau jahagude, henee nau-nauasānauuu hehethee nauauthane nauhaugauwuu hejavāa neenauasādaa jasia nauauthane nau-

† Missing "h" in "Hec(h)auhauthethāhe" ("Master").

gauauwuu hejavaa; hadnaasauau jea Heau henane hadnaasaunee hedeseve. ²⁵ Hau nedauau hadnanas-enedauau wauthanee, nau hadnausāguthade nuu henaedede. ²⁶ Nau waudeneesaunee deenaedede Noe, hadnaasaunee jea hedeseve Heau henane. ²⁷ Neauwauthevethehedaune, neauwauthevaveyaudenee, neauwautthenenedaunee, neenenehathee, haunaude nauuu henee Noe dejedāde havathee thewaunaa, nau haenaē-nanadauwauau, nau haenauauhā vahee. ²⁸ Waudenaasauau jea deenaedede Lot; neauwauthevethehedaunee, neauwauthevaveyaudenee, neauwauthaunaunaudenee, neheaudaunaudenee hayauhuhau, neauwauthejenayaudenee, neauauvadenee; ²⁹ Hau hajeseseneenee henee Lot haunaude Sodom haeesedanausauade nau haegauhauchanauauhauunauganauau hehethēe hejavaa, nau haenauauhā vahee. ³⁰ Hadnaasauau hesee hāene Heau henane hāenauhauthethāthe. ³¹ Henee hesee, hānedauthe dasee hauauwuu, nau hevathēyaunau jedauwuu hauauwuu, nanehajejeauwusade hadejedanauau: nau henee hanedaude nauau, nanehajejejaejaude. ³² Dauyuuwuu Lot henene. ³³ Daun vanadauunayaude hedenaedede hadnanadede; nau daun hadnanadede hedenaedede hadnenayaude. ³⁴ Nananenau nāedauwunathana, henee veeyaugu hadnesethee henanenauau hanesadenee hauau; hanesāde hadnedanade, nau jasaa hadnathauaude, ³⁵ Hanesethee hesānauau hadthauayāthee wauhaunee; hanesāde hadnedanade, nau jasaa hadnathauaude. ³⁶ Hanesethee henanenauau hadnanedauthee nauau; hanesāde hadnedanade nau jasaa hadnathauaude. ³⁷ Nau haeauchuhananadethanauau, Daude, Vahadāhene? Nau haeāedauwunā haduu vadanayau, hanaadauhauāneauhuthee neahehauau hauānee.

18 Nau haeanaadetha hauthaunauhānee nuu heee, hena henane hāvachudajauaunevevetha, nau hājethau-ujesevenauau; ² Hahagu haeanedau hedan hauchuwunane, haejesa Hejavaneauthu, daudause hathauwunanenau: ³ Nau haeanedau henevesā hena hedan; nau haejeedasa, Jeaugaunayewhu naujauthavaa, hathauhuk. ⁴ Nau haejevadaunaasedau: hau waunee hasethajauhuk, hewauāthe nejechauau Hejavaneauthu, nau hathauwunanenau; ⁵ Hau nausunee hanau naa henevesā hajanauchuhānau, hadenayauhauau havaedajauaunejau navanadauchuhaa. ⁶ Nau Vahadāde hasenehēhuk, Jaathehaa hasenehede janechuvāhede hauchuwunane. ⁷ Nau gauhujavaneauthu gauhadnenayauha nehayau hanayāsanaunau, hauwauaudaunādaunau hesee nau dajāee, hau negudauchuhaude? ⁸ Nananenau nananena nāedauwunathana henee hadnauchuhanenayauhaude, Hau hāejauthe Heau henane, gauhadveede hethauwauaude nuu hathāuauvaa. ⁹ Nau haeauthaunanadetha jachau nethauwauadaunadenethe nehayau henee dauchuvahethee, nau newauchānauwauthee hauthauau: ¹⁰ Hanesethee henanenauau haeyehaunauau vevethahenauauwuu hadvevethahethee; hanesāde Nesethajuhu, nau jasaa hauāyāhe. ¹¹ Nesethajuhu haetheaugu nau haevevetha waude heee nehayau, Hejavaneauthu, nananenau vaveenethedaunathane, henee nāhauwunaathā hauthauau henanenauau hathahethee, hedanauwuyāhehauau, janechuvahethee, jatheaudauwuyāhehauau, daudause naa hathāde hauāyāhe. ¹² Nananenau nenaugauyānau nese hanesadee hauchauvadede, Nevānau vadadauchu vahee henee nāthāenetheyaunau. ¹³ Nau hauāyāhe haetheaugu vavāaune, daudause haejejenāauguau hejavaa, hau haeanaadesejāhede, Hejavaneauthu jeauwunaune wauchudaunau, hathauhuk. ¹⁴ Nananenau nāedauwunathana, naa henane haejaeyehau hedauauwuu haeauwunaunau haejavaāhe jachau: hanau dathājee hanesāde henee nevadaujavaānajanethee nehayau hadnauwujenanade; nau henee nenehanethaunadede hadnejanade. ¹⁵ Nau haejādaunanauau jea hajasedāeyaunauau, hadnevasanaude; hau hāenauhaudauwunethe hethauguhādaunau, haeneneuvanauau. ¹⁶ Hau Hejavaneauthusau haeadetha, nau hahagu, Nanehajauthee hajesedāeyaunauau, nau jevadauduvaa: naathāhenethe henehanahedaunau henajanede Hejavaneauthu. ¹⁷ Hethauwuu nāedauwunathana, Daun hadjesedanauau henajanedauene Hejavaneauthu hasenaedenethe hajesedāeyaunauau hadnehauwuneejedā. ¹⁸ Nau jachau hauchuwunanene haenaudedaunaa, Hethāhene Hechauhauthethāhe, nauddusedau hadnedanauwau jethauujenenaedede? hathauhuk. ¹⁹ Nau Hejavaneauthsaun † haeāedauwunaa, Naudu hethāde haesene? henaneda hehauwuthā, vavade hanesāde, nananede, Hejavaneauthu. ²⁰ Nananene haenauwu nanavaavedaunau, Jevawauchudauau heee haugauthenenede, Jevanaa, Jevaaveda, Jevajayaudauwāedauwauthadee, Vechauchune nananene hāsaunau nau hānau. ²¹ Nau hanaāenehede, Vahee nuu haunaunedenau heee daujeeseaunau. ²² Wauhā Hejavaneauthusau hāenedauwauwau nuu, Hanaāedauwunaude, Hanesadee hāhauwusenethene: Vaheaudauna henee hāthāenetheyaunau, nau hadjaanauwunaunauau hadavenuhuhauau, nau nananene hadnethenauwu haenathau hejavaa, nau hadejau hadjethaugu. ²³ Nau hāenedauwauwau nuu, haeaudauwuthajau: hanau deethauwunethauyā dāde. ²⁴ Nau Hejavaneauthausaun hāenauhaudauwunith henee dauaudauwuthajau, Duthāenanauthaune henee nanethenuu veaunauaude hadnesejedāthee henajanedauene Hejavaneauthu, hathauhuk. ²⁵ Hanau hehauwujajathaune heee camel hehedesahagaunee hajasevāhau nedaudaunaudenee, javaāneenauthaunee nethauyāsenane hadnesejedāde henajanedauene Hejavaneauthu. ²⁶ Nau hathāenedauwauwuu, Hanaa hadnenanedanede? hahagaunee. ²⁷ Nau hanaāenehenith, hayauhuhau hejethauuneethaunenau henanenauau neneedede Hejavaneau-

† Missing letter "u" in "Hejavaneauth(u)saun", which often appears (as does "Hejavaneauthusau") where we would find the name "Jesus" in the KJV.

thau. ²⁸ Hanaāenehede Peda, Naune, naunaudauwunauau vahee, nau thaunauguhane. ²⁹ Nau haeāedauwuna, Hethauwuu nāedauwunathana, hena haunauude henane henee hehauwunaude hedauauwuu, wauāthe henehā, wauāthe henuhauwauau, wauāthe henene wauāthe henesaunau, heee henajanedauene Hejavaneauthu hedenaededaunene, ³⁰ Nananede hadjavaānesedanauau nuu hewaunehaa, nau hathāauauvaa hadnauusanauau henaedede hadnejethauuvadauau. ³¹ Hanaāedanaude nesenee, nau hanaāēdauwunaude, Naune, hadneyehaunauau Dādaunedan, nau vahee hayauhuhau hathāewauthaunauhuu haeyāhehauau heee Heau henane hethauwunauauchauau. ³² Hanau hadvenavathe Neauthu, nau hadvavavanauchuhāde, nau hadnau-naunauchaudauchuhāde, nau hadneguthahayauthāde. ³³ Nau hadnensesegauhude, nau hadnaāde: nau nasese hadnaājeagauhāde. ³⁴ Nau haejaenauwu nuu: nau nuu hauthedau haeyaundaunauau, daudause haejaenauwu hathauthedaunāthee. ³⁵ Nau hethauwuu, hāyāedadauau Jericho, jasaa haenanenaugu henane haetheaugu nedechaudenenee dauhunedauwaude: ³⁶ Nau haenedauwaude henanedanede dadavechaudenenee, haenaudedauva haesedaunenenee. ³⁷ Nau haeāedauwunau, henee Jesus Nazareth hanehedesade. ³⁸ Nau hanaāevasanadede, Hejavaneauthusau, nananene Heau David, jeauwunaune, hathauhuk. ³⁹ Nau henee nanedauvathee haeneneuvanauau haddādaunaugunith: hau haevasanade haugauthe, Nananene Heau David, jeauwunaune. ⁴⁰ Nau Hejavaneauthusau haedauusa, nau haeautheave hadjādaunade: nau hāyājenauusanith, haenaudedauva, ⁴¹ Hauddusehathe henee hadenaasehathane? hathauhuk. Nau hanaāēdauwunaude, Vahadāhene, nanaa hadeesedanauwau nauhaudauwaude. ⁴² Nau Hejavaneauthusau haenehetha, hanesedanauwu nananene nauhaudauwaude: hadethauwaudaude henayauhāne. ⁴³ Nau chauchaunu haeesedane henuhauwaude, nau haethauguha, haevaveenethedauna Hejavaneauthu: nau vahee henanedanede, hāenuhauduu, haevaveenethedaunanauau Hejavaneauthu.

19 Nau Hejavaneauthusau haewaudasa nau haechaugusa Jericho. ² Nau, naune, haenedau henane Zacchaeus haseagu, haenajawauna hauyāhehau, nau haeveaunauau. ³ Nau haeneenavadaunauhauva Hejavaneauthusau haedāhenethe; nau haejeneene daunauthethenadedauunenene, heee daujaahede. ⁴ Nau hae-sayāgau, nau haenauahu sycomore hunauhaudee hadnauhauwaude: hanau hadnehedesanith. ⁵ Nau Hejavaneauthusau hājeedadauau, haejaāne, nau haenauhauva, nau hathauhuk, Zacchaeus, nauhauhuhu, nau jeauwusa, hanau nuu desenee hadnatedaunau haudauauwuu. ⁶ Nau haenauhuhu, nau haejeauwusa, nau haedasa nauguu neethajau. ⁷ Nau hāenuhauvāhede, vahee haeneānaune, Henee hadneejādavenethe henanene henee wauwauchudahu, hathāhuk. ⁸ Nau Zacchaeus haetheaugu, nau haeāedauwuna Vahadāhenith; Naune, Vahadāhene, vayaugauuu naudaununaunau vanenu hadavenuhuhanau; nau hith hedana-vanaugu hayewhu hehethēe daun henane hanājayaudauvāedauwauthauau, hanājavaāvenauau yāyaunanee. ⁹ Nau Hejavaneauthusau haeāedauwunaa, Nuu desenee henayauthāhe hedadauau nuu hauauwuu, hanau nechau haneāvāde Abrahamvene. ¹⁰ Hanau Heau henane nauusade hadnaudethāde nau hadnenayauhaude daun naunethauaunith. ¹¹ Nau hajesenedauwaudu nuu hayauhuhau, haeethedaunane nau haeauthaunauhānanadetha, hanau dauhuauchauau wauwu Dādaunedan, nau hanau daunauanadu henee henajanedauene Hejavaneauthu chauchaunu wauauhaadenauhauwu. ¹² Hanaāenehede henaheee, Jasaa naja haeehau vavāaune vedauauwuu hadnesedanauau heee nehayau najanede, nau hadjaejaude. ¹³ Nau haeadetha vadadauchu hewauwaunauwau, nau haejaanauwuna vadadausauna vāejethā, nau haeāedauwuna, Hadeau-daunava haunaude jaenauusanaugu. ¹⁴ Hau hauauwunanenau haeasānavaa, nau haeyethautheavedaunene thauguu, Nāhauwuvadaunethenauva naa henane nāhauwuvadaunajawaunāva, hathāhuk. ¹⁵ Nau hethauwuu, henee hājejanauusade, haeesedane najanede, hanaāauchuwuhaude nuu wauwaunau hadnadethaude, hevenaunau vāejethā, henee hadnaenauau haedauchu dathājee henane haedauchujavaājasedethe heee hedau-daunaunau. ¹⁶ Hanaāejenauusade nanedauvade, Vahadāhene, havāejethāwau javaājasedede vadadausauna vāejethā, hathāhuk. ¹⁷ Nau hanaāēdauwunaude, Hethadee, nananene hethāhene wauwau; hanau nananene nethauwaudaudu heee naugajuhuhuu hadnajawaudaudu vadadausauna hedan. ¹⁸ Nau naneseauwaude haejenauusa, Vahadāhene, havāejethāwau javaājasedethee yauthauyauna vāejethā, hathāhuk. ¹⁹ Nau vavade hanaasenehethaude, Hadnehanāhene yauthauyauna hedan jea. ²⁰ Nau jasaa haejenauusa, Vahadāhene, Naune, heyewnuu havāejethāwau, neaunaunedenau nejenanauwau hāheāhaunaa, hathāhuk: ²¹ Heee dauhusathane, hanau nananene daugaugaunauauwunanenene: nananene hedanau henee hājejenayaunau, nau hadegauchu henee hājejenayaunau. ²² Nau haeāedauwuna, hehethēe nehayau hadenaa hadauchuwhathane, nananene hauhauganene wauwau. Haenauwu henee daugaugaunauauwunanenenu, hedanauwau henee nājejenayaunau, nau hadgauchauwau henee nājejenayaunau: ²³ Naudu gauhājevā navāejethāwau nedauhaenaeevāejethā, henee hājejanauusanaune hadeesedanauwau nehayau javaānee? ²⁴ Nau haeāedauwuna henee daunauthetheaugunethe, Hedanauwunaa vāejethā, nau hadevenau henee vadadauchuvāejethāvade. ²⁵ (Nau hathāhuk, Vahadāhene, nanethenauau vadadauchuvāejethā.) ²⁶ Hanau hāedauwunathane, Henee dathājee hanesāde nanethenauau hadnevenade; nau henee janejasedede, daudause henee henetheyaunau hadnedanauwunade. ²⁷ Hau hena naujauthauwauau, henee najevadaunajawau-

naunauau, hadjāthauva hede, nau hadnaunauauva hathaājenau. ²⁸ Nau hāesanāsenehede nuu, haenedauva, haenauauhuyehaunauau Dādaunedan. ²⁹ Nau hethauwuu, hāayānausade Bethphage nau Bethany, haua Olives haseāgu, Haesayānautheava hanesenethe hethauguhādaunau. ³⁰ Najesaa nananena hese hajasee hauauwudan hathaāsana, hathauhuk; nana waudasanagu hadveehauna dātheveehauchavesau had-duguhude, hehauwuthauune henane dachaugu: hadaugunauva, nau hadjāchadauneva hede, hathauhuk. ³¹ Nau hith daun henane naudedauānagu, Naudu hauaugunauna hethānagu? hesau jenaasenehethauna, hanau Vahadāde haddaununaude. ³² Nau henee hautheavathēe hanaāejathāuthee, nau haeveehanauau neesenehethaude. ³³ Nau daunsausaugunauthēe dātheveehauchavesaune, hedaunenith, Naudu haaugunauna dātheveehauchavesau? hathāhaugaunee, ³⁴ Nau hanaāēdauwunauthēe, Vahadāde haddaununaude. ³⁵ Nau haenauuchadaunanauau Hejavaneauthusaun: nau haedadasanauwunanaunauau hedāchaunenau dasee dātheveehauchavesaun, nau haeaugaugunanaunauau Hejavaneauthusaun dasee. ³⁶ Nau daunsausuyehaude, haesasaanauwu hedāchaunenau vaunaa. ³⁷ Nau hāayānausade, wauwu haeauwusa hauanee Olives, haunauude hadauchude hethauguhādaunau hanaāaunauwuthajauthee nau haeveenethedaunanauau Hejavaneauthu nauguu haevasānadedauune hee vahee hathāenauthaunee henesethaunene henee henauhauthaunenau; ³⁸ Haunauwuthajauau Naja henee jaunau haneesēede Vahadāhenith: danādauyauau hejavaa, nau vaveenethedauwuu javaājauudaa, hāheagu. ³⁹ Nau hauthauau Nesethajauhuhau hehethee henanedaa, Hechauhauthethāhe, neuwune hāthauguhādaunauau, hathāhuk. ⁴⁰ Nau haeauchuhanāedauwuna nau hasenehethauhuk, Nananenau nāedauwunathana henee, hith nuu dādaunaugagaunee, hauunauganauau chauchaunu hadneduhuthee. ⁴¹ Hau hāayānausade, hāenauhaudauau hedan, nau haeviewau, ⁴² Hanaāenehede, hith heaenauwunagu, ha nananene, ha nuu hadeseve, hayauhuhau naathuu hadādaunahedaunaa, hau hewaunehaa yaunaudaunane hasesāe. ⁴³ Hanau hese hadnedasāna henee haujauthauwauau hadnesedethee havathegauuha hee nananene, nau hadnechachuaunāna nauanee, nau hadnaunaunehāna daudauna hehethee, ⁴⁴ Nau hadnanaunauvaenāna, nau hadāeyaunewauau hanedauchaunawaunauau; nau hadnehauwunaudanauwunā hanesāhenith hauunaugane hanathaunethe; hanau nananene daujaenauwu hāenauujādaunathana. ⁴⁵ Nau hanaāeyehaude vadanedaunauwuu, nau hanaāenudanaude henee neaudaunanethe jedauwuu, nau henee naudaunanethe; ⁴⁶ Hanaāēdauwunaude, Wauthaunauhuu, Naudauauwuu haneauauwunee hadnevevethahedaunee: hau nananena haesedena nedaunaudee heyāenau havedehauau. ⁴⁷ Nau haeautheda hayauwusenenee vadanedaunauwuu. Hau najanauau vevethahevehauau nau wauthaunauhāhehauau nau najavahehauau henanedanede haenenanaudehaa hadnaāde, ⁴⁸ Nau haeeyauhuune nesenehāde hanau vahee henanedanede haenāedevenenau dauhujaatthēde.

20 Nau hethauwuu, henee jasaa hena hese, denausunauthedade henanedanede vadanedaunauwuu, nau haeauthedaude waunauyaunee hethadenee, najanauau vevethahevehauau nau wauthaunauhāhehau haedasaa nauguu vachaugananenau, ² Nau hanaāanadethauthee, Jeauthedaunāa, hayew hāenaudahede hāenesedaude nuu hayauhuhau? wauāthe hanaa henee havenāde nuu hāenaudahede? ³ Nau hanaāauchuhanāedauwunaude, Nechau hadnaudedauunathana hanesadee hayewhu; nau hadjeāedauwuneva: ⁴ Heedusaayāde Jaun, gauhuhuthaune hejavaa, wauāthe hehethee henanedaa? hathauhuk. ⁵ Nau haeeegaugaugauudenauau, hith hesauhesenehethaunauaugu, hehethee hejavaa; hahagaunee, Naudu haejethauwaudaunauna? hanāthānauau. ⁶ Hau hethaunauaugu, hehethee henanedaa; Vahee henanedanede hanāedaudauuvānauau hauunaugāe, hanau hethauwaenaunauthēe henee Jauneau dauhaeyānith. ⁷ Nau haeāedauwunanaunauau, daujeneauthedaunauthēe daunathaunee. ⁸ Nau Hejavaneauthusaun hanaāēdauwunaude, Daudause gauhaudnauthedaunathava daun nāenaudahede nāenesedaude nuu hayauhuhau. ⁹ Hanaāejasesanadedauau henanedanede hee dajenehede; Jasaa henane haejenane dadajevenevesenethauchayau, nau haehathauauauwujethāhehau, nau haejathāau hese vavāaune vedauauwuu haegudaunā. ¹⁰ Hāenauauchaunee haeyethautheava wauwaune hese thauauauwujethāhehau, henee hadjevenāde vevenaunenau hehethee dadajevenevesenethauchayaunaa: hau haeneneseguhuu, nau haejathethajenāhee jessaa. ¹¹ Nau jea haeyethautheava jachau wauwaune; nau haeneneseguhunauau jea, haedadayānauchuhanauau, nau haejathethajenāhee jessaa. ¹² Nau jea haeyethautheave nanaseauwaunee: nau haenasenehanauau jea, nau haenuguthanauau. ¹³ Hanaāenehede hadāhevāhe dadajevenevesaa, Hewauaujeesedaunaune? Hadautheawauau navechauthau nāa: Nauchāe hadenehauthēe hāenauhauwaunauthē. ¹⁴ Hau thauauauwujethāhehauau hāenauhauwauthee, haegaugaugauudenauau, Naa nananede hadvanehanāde: nahājauau hadenauaune, henee headevanehanahedaunau hadenehanahenauau. ¹⁵ Hanaāenuguthauthee dadajevenevesenethauchayaunaa, nau haenaanauau. Haudneduseha hadāhevāhe dadajevenevesenethauchayaunaa? ¹⁶ Hadejaude nau hadnauauhaude nuu thauauauwujethāhehau, nau hadgauchuhvāde dadajevenevesenethauchayau, hathauhuk, Nau hāenedauwauduu, hadnehauwunaasau, hahagaunee. ¹⁷ Nau haenāuhauva, nau hanaāēdauwunaude, Dusau nuu henee wauthaunauhuu, Hauunauganau hauauvāhehauau hausāguthaunenau, hanānanenith hāhe hanadāde nedautheauunee? ¹⁸ Daun janese

dasee nuu hauunaugane hadthausee, hau dasejaneseagu hanānauchauwuthauathāaunaude. ¹⁹ Nau najanauau vevethahehehauau nau wauthaunauhāhehauau chauchaunu haegaugauanavanauau hadnesedanauthee; nau haedauwu henanedanede heee dauhāenuu henee dauhuanadede nuu dajenehede heee. ²⁰ Nau haeauauyauhauvanauau, nau haeautheavanauau haunauyauhauthāhehau, hadnanadaunethānethe hadchuvāhevathe henanenau, henee hadnesedanauwunethe hedanadedauau, henee hadenauchaudaunauthee hejadenenau nau naunaudāhenethe hauchuwunanene. ²¹ Nau haenaunaudedauanauau, Hechauhauthethāhe, haenaunee henee hasenehenaune nau nethauwuchauhauthethāne, daudause hāhauwujāvedaugauhauwau nauau henanedanauau hegau, hau hanechauhauthethāne hese Hejavaneauthu hethauwu: ²² Gaunaasauau heee nananee hadnevenade hauāyaunau Caesar, gauwauāthe hegau? ²³ Hau haeauauwunene henadaunedaunene, nau hanaāēdauwunaude, Naudu haevadauvasehena? ²⁴ Jenauhauthehee vāejethāe. Hanaa hewauthaunenauaudene, nau hanaa hewauthaunauhanede? Haeauchuhanāedauwunanaunau, Caesar. ²⁵ Nau hanaāēdauwunaude, Jauaunaudaunaa heee Caesar hayauhuhau henetheyaunau Caesar, nau Hejavaneauthu hayauhuhau henetheyaunau Hejavaneauthu. ²⁶ Nau haejenesedanauwu hedanadedauunene hathājedaunenee henanedanede: nau haegaugauanadauwu hedauchuhanehedauunene, nau hanaāēdādaunauguthee. ²⁷ Hanaāējeedauchauthee jasae Sadducees, hayāthajauhuhau henee hadjejaegauhadenenee: nau haenaudedauanauau, ²⁸ Hechauhauthethāhe, Moses hathauthaunauwunānauau, Hith daun henane henauhauwauau gaujauaudāheyaugaune, heneneyaugaune, nau gaujauaudāheyaugaune jedāeyauneveyaugaune, henee henauhauwauau hanādanaude henenene, nau hanānesaunede heee henauhauwauau, hathauhaugaunee. ²⁹ Hena heee haenesaudauchunauau henahavaevadehehauau: nau jasaa nedauau haenenene, nau haenaja haejedāeyauneve. ³⁰ Nau naneseauwaude haeneva, nau haenaja haejedāeyauneve. ³¹ Nau nanaseauwaude haeneva; nau vavade hanaasene nanesauchaunauwaude jea, nau haejenauthanauau dāeyaunauau, nau haegaujauaudāhenauau. ³² Waunee vahee hesā haegaujauaudā jea. ³³ Henaheee jaegauhadeneyāgu hanaane hadnevādaune? heee hanesaudauchunethe daunevāde. ³⁴ Nau Hejavaneauthu haeauchuhanāedauwuna, dāeyaunauauau nuu hathāauauvaa nenevadedauunee, nau nenenehadunee: ³⁵ Hau daun naunauguathee hadnenaededuu hena henaedede, nau jaegauhadeneneagu hehethee gaujauaudahede, hadnehauwunevadedauune, hegau hadnenenehadedaune: ³⁶ Daudause hadnehauwauthenajadene: hadnaathahedaunee hautheunauau; nau hadnensesaunevāthee Hejavaneauthu, naathedāeyaunenedauunee jaegauhade. ³⁷ Wauhā henee gaujauaudahehehauau hadjaegauhāthee, Moses denauhauthehade jauauadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob. ³⁸ Hehauwuujavaneauthune heyauhauade, hau henaedede: hanau vahee haneenaededaunenee. ³⁹ Hanaāene jasaa wauthaunauhāhe haeauchuhananadetha, Hechauhauthethāhe. Nananene hethade hasenehene. ⁴⁰ Nau heee haejauthenaudedauanauau. ⁴¹ Nau hanaāēdauwunaude, Naudu haena hane Chris Dāvid † dauhuāwaude? ⁴² Nau Dāvid nehayau hasenehede wauthaunauhanaa Psalms, †† Vahadāde hasenehethaude Navahadāhe-waunādaune, Hadejanaugudaune hejavesanee, ⁴³ Haunaude nadeesehaunauau haujauthauwauau hadnedaugāaugunene. ⁴⁴ Dāvid henaheee haeheenesea Vahadāhenith, dusee heau? ⁴⁵ Nau vahee henanedanede haenedaunau hanaāēdauwunaude hethauguhādaunau, ⁴⁶ Waudauau wauthaunauhāhehauau, neneanadu javesanee sauauausāchaude, nau vechauduu jachauthadede nedauaudaunauvadedauunee, nau najatheaugudaunau vevethahenauauwu, nau najanau nedaugunethe vanethehedaunee; ⁴⁷ Naudauvāe henevesānuu hedauauwunene, nau hanau denauhauthethāthee deguthevevethahethee: hadnathee hanesedanuu vanasaunee gudanadede.

21 Nau haejeaāne, nau haenauhauvā nethauyāsenanene haejenanauwu hevaudenenuu haenathanaa. ² Nau haenauhauva jea jachau hadavenuhu henevesāne haethāgudene hanesāenee nevaāhenee vāejethāu. ³ Nau hanaāenehede, hethauwu nananenau nāedauwunathana henee naa hadavenuhenede henevesā javaājenanauau vahee; ⁴ Hanau vahee nuu nanethauyādahethee dejenanuu dejenanauwunauthee Hejavaneauthu: hau hadavenuhenede hājenanauau vahee heenaededaunau hathāenethenauau. ⁵ Nau haehegaugaugauudenauau vadannauauwu, haseneehenee nauguu hethāhenethe hauunauganau nau hausāyaunau, hanaāenehede, ⁶ Nuū hayauhuhau hānauhauthaunenau, hese hadnauaichuu, hadnehauwunathauau hanesāde hauunauga hanathaugude hadvajanesee. ⁷ Nau hanaāenaudedauunauthee, Hechauhauthethāhe, hau hadduunaasau nuu? nau hayew hadnauhauwu hadnesauau hāene nuu hayauhuhau hadneenauaichuu? hathauhaugaunee. ⁸ Nau hanaāenehede, haunauyauhauwauau henee nananena hadejenanedaunehana: hanau hadnewauthathee hadjauthee Naneseadaunaa, Hanejavaneauthusaunenenuu, hadnethee; nau hayānauaichauau: jevathauguhaa. ⁹ Hau hāenedauwaudauwunā vauthadede nau jajayauthadede, jeva nathajauau, hanau nuu hayauhuhau hadnedaunauaichuu; hau hadneevadauauau hadguthauau. ¹⁰ Hanaāēdauwu-

† "Dāvid" is spelt thus here and in two other places nearby, 20:42 and 20:44. The name is spelt "David" in its other ten appearances in the text. (See note for 13:16.) †† "Psalms" is capitalized here but not in 24:44, but both are almost certainly deliberate. As per the KJV, "Psalms" in 20:42 is the name of a book in the Bible, but in 24:44 the common noun "psalms" is meant.

naude, jajaesenanedanedede hadnevauthadee jajaesenanedaa, nau najanede hadnevaudauau najanede: ¹¹ Nau hadnavathethauthauwunauauau vedauauawuu, nau hasenaude, nau havathaugauwude, nau naunau-nauchaudauhauthaude nau hadvasauau naunauhauwuu hadnauauchauau hehethee hejavaa. ¹² Hau hadneje-sejenauauchuu vahee nuu, hadnedanāna, nau hadnaunaunauchauthehāna, nau hadnevaudenee nananena hauāchaude, nau duguhunauauwuu, nau hadnenauchauhana hathaājethee nenauchuwuthee nau hauchuwunanenauau hanau Naneseede heee. ¹³ Nau hadnaasejenanauwunana heee haenathau. ¹⁴ Hāe-nauwuu heehena nananena hadahenauau, jevagaugauuthajauau nedauau daun hadnesenehena: ¹⁵ Hanau hadvenathana vade nau haeyaude, vahee hasānavādaunenau hadnehauwuneayādaunāva hegau hayethaagu-daunādaunenau. ¹⁶ Nau nananena hadnavethevāthee nesauuu hanehānenau, nau hāthesaunenau, nau hā-dauānenau, nau hādaehahenau; nau jasae nanaena hadneenaana. ¹⁷ Nau hadneevahasānavāhena vahee henanedaa hanau naneseede heee. ¹⁸ Hau hegau hāthaanenau haudauguhuanenauau hadnehauwugau-jauaudāhenaunau. ¹⁹ Hanāedevedaunenau hadnaunaunehaudde havadathuwunau. ²⁰ Nau hāenauhau-dauwunā Dādaunedan hadnechauchuaunāna vanenanenauau, nanehāaenauwuna henee nauauhadede wauwu hadneadaa, ²¹ Nanehadaugauhuthee hesee hauanee hathāanedauthee Judaea; nau henee hathāanedauthee nahethāe nanehanauhethē; nau jevajejedānauha henee hathāanedauthee gauchuhnee vedauauwuu. ²² Hanau nuu hesee hadneauthedaudenee henee vahee hayauhuhau hathāewauthaunauhuu hadnethauwunaasauau. ²³ Hau naunauthaunee hadnethauavāhethee hathāenesaunethee, nau hathāeneau-nauhuthee hena hesee, hanau hena hadnavathasenaudenee vedauauwuu, nau hasenaunaudaunāhenauau nuu henanedanede. ²⁴ Nau hadneaunathāhethee gaugauthau, nau hadnejathechauhāthee had-wauwaunenethee vahee jajaesenanedanede: nau Dādaunedan hadnauguhethee Neauthu, haunaude Neauthu nauauchaudauhaugaunee. ²⁵ Nau hadnauhauthaunee hesesee, nau vegusesee, nau hauthuuu; nau nanadee hathāauauvaa hadnaunauādaugauhudaunee jajaesenanedanede, hadnehauwaenauwu; hadaje nau hadnau-naudānaunee; ²⁶ Henanenauau hedahenau hadnadenāthajauunee, nau hanau naunauyauhauduu hena hayauhuhau hadnauauchaunee dasee hathāauauvaa, hanau hathāenauthauau hejavaa hadnauauwunauauau. ²⁷ Nau hadnaāenauhauwauna Heau henane hadnenausade henaunauade nauuu naunauthaunee nau had-navathenausāauau. ²⁸ Nau hāene nuu hayauhuhau hāenauaichuu, nauhadnaāenaunauānena; nau hadne-je-nāaugauna heee hadneejaenauthana hadnaāeadaa. ²⁹ Nau hanaāedadajenehethaude; Nauhauvaa hau-uyauchunauhaude, nau vahee hahaudenauau; ³⁰ Hāeguugauāhenauthē, hadnauhauwauna nau hadnaenauwu-na nehayau henee veja dauhuaudaa. ³¹ Hadnaasauau nananena hāenauhaudauwunā nuu hayauhuhau had-nethauwunaasauau, hāenauwuu henee henajanede Hejavaneauthau haneaudanee. ³² Hethauwuu nāedaunu-nathana, nuu henaedede hadnehauwuvadauau, haunaude vahee hadnethauvāe. ³³ Hejavaa nau vedauauwuu hadneyauhuu; hau Nadanadedauau hadnehauwuthauuyauhuunau. ³⁴ Nau haunauyauhaudauwauau ne-hayau, naseduhuu daunāene hadahenau havaehayaundenau heee haudauhauganedaunenau, nau havanade-nenau, nau haunaunethaunenau nuu henaedede, nau henee hesee hadgauduaunāna hau hadnehauwaenava. ³⁵ Hanau waude nauyaudenau hadnauauchauau vahee hathāetheaugude dasee hathāauauvaa. ³⁶ Hau-nauyauhaudauwauau henaheee, nau hevevethahee dajauaunee, henee nananena hadeheenauguana hade-gauchuhauwuna vahee nuu hayauhuhau henee hadnauaichuu, nau haddetheauguna hathaāhede Heau henane. ³⁷ Nau hesenee haechauhauthethā vadanauauwuu; nau hāeveeyaunee haenauā, nau haeadāne hauanee henee neseeyāgu hauanee Olives. ³⁸ Nau vahee henanedanede haejevanauuchaudene naugusāje daunauganenee hadaude vadannauauwuu, heee dauhujaathehāde.

22 Wauhā hadneevasevenee janenesaunauchauanauhuu jauaujaunau haeyānauauchau, Hadavechaude neseāgu. ² Nau najanau vevethahevahehau nau wauthaunauhāhehauau haegaugauanadauwunenuu hadnesenaāde; hau haedauwu henanedanede. ³ Hanaāejedāde Haujau Judas hejaveede Iscariot, haenethanedau vadadauchunesenee. ⁴ Nau hanaāejathāaude, nau haeanadetha najanau vevethahevahehau nau haunauyauhauthāhehau, hadneseavedaunaunauwaude. ⁵ Nau haeneethajaunauau, nau dechauchuwuhadethee hadvenāde vāejethā. ⁶ Nau haesayānehetha, nau haeanaunauyauhaudauwu hadnee-neavedaunaunauwaude henanedanede. ⁷ Hanaāenauauchauau hesee janenesaunauchauanauhuu jauaujau-nau nanaa hadavechauthau hadnāede. ⁸ Nau hanaāauthēawaude Pedaheau nau Jauneau, Najesaa hade-saanudeva hadavechauthadede, hadevethenauau, hathāhaugaunee. ⁹ Nau hanaāēdauwunauthee, Daudu hadauvathehāne hadnedauusaanuu? ¹⁰ Nau hanaāēdauwunaude, Naune, hāejedānā hedan, hena henane hadnuchaunāna, hadnewauunauau hauānau hadjaāsanenee naje; hadethauguhauva hauauwuu hadnedau-jedāde. ¹¹ Nau hadethauva henane hedauauwunede, Hechauhauthethāhe nejeethāne, daudu jādanauauwuu hadnedauvethenauau hadavechauthadede nauuu nāthaughādaunauau? ¹² Nau hadnauhauthehāna vanasaunee dachauauwuu hadnesewaudeanee: hadnesaanuhuu. ¹³ Nau hanaāeyehauthee, nau haeveede-nauau neethāedaunauwaude: nau hanaāesaanudethee hadavechauthadede. ¹⁴ Nau hāenauauchaunee, hanaāe-janaugude nauuu vadadauchunesenee hevadauhanau. ¹⁵ Nau hanaāēdauwunaude, hethauwuvadau-

vethenau nuu hadavechauthadede naugu nananena hajesejasauwauwuthānau: ¹⁶ Hanau nāedauwunathana, Nadnehauwauthevethe nuu, haunaude hadnauauchauau henajanede Hejavaneauthau. ¹⁷ Nau hanaāedanauau vāenau, nau hanaāevāde vaveenede, nau hanaāenehede, Hedanauwuu nuu, nau hadjaanauwauva nehayau: ¹⁸ Hanau nāedauwunathana, Naudnehauwuvanethede dadajevenenaje, hanaude henajanede Hejavaneauthau nauauchauyāgu. ¹⁹ Nau hanaāedanauau jauaujau, nau hanaāevade vaveenede, nau haejeane, nau haevena, Nu nanaa nadanayau havenadenenau: nuu hadneejenauneethedaunena, hathauhuk. ²⁰ Naasauau jea vāenau hāesethunevethehedaunee, Nu vāenau waunauyauau hesānaavede Navaevaa, hanedaunauwunana, hathauhuk. ²¹ Hau nauhauvaa, hejadena henee haneavedaundaunade nananenauau nandedauguvānauau vethehedaunaa. ²² Nau hethauwuu Heau henane hadjathāaude, neesedaunade: hau naunauthaunee henee henane haneavedaundaunadenenee. ²³ Nau hanaāenaunaudedadunadethee nehayau, hanaadee hadnesedaude nuu. ²⁴ Nau hena jea haenenayaudenauau, hanaadee hadjavaāvasāthaa. ²⁵ Nau hanaāēdauwunaude, Nenauchuwuthee Neauthuu haevahadahethedauwu; nau henee nanethenuu naudahede nanadee hesenaedehehauau neseadagaunee. ²⁶ Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau. ²⁷ Hanaa vanasāthaa, henee vanethede, wauāthe henee henechauthāhe? gaujenane henee vanethede? hau hanedaundaunathana waude henee henechauthāhe. ²⁸ Nananena daudajauaunenethaunena denaunaunauchauthehanau. ²⁹ Nau janenanauwunathana najanede, waude Nāsaunau nejeesejanauwunānau; ³⁰ Hadevethehena nau hadevaveyāna navethehedaunaa Nanajanedaunaa, nau hadetheaugudauwuna najatheaugudaunau hadnauchuwuhauna vadadauchunesenee jajaesenedanede Israel. ³¹ Nau Vahadāde hanaāenehede, Simon, Simon, nauhauwune, Haujau nevadaunethenāne, hadvachuuguthāne waude thauauhanewaachuunau: ³² Hau nevevethasathane, henee hadethauwuthajaude hadejenadegaundenauau: nau hāejauaugauthethajaunaune hadedāewaunauau hahauwauau. ³³ Nau haenehetha, Vahadāhene, Nananenau hanesaanunau hadnenenethaunathane, nesauna duguhunauwuu, nau gaujauaudahedaunaa. ³⁴ Nau haeāedauwuna, hāedauwunathane, Peda, neauthuneāhe hadnehauwunedu nuu desenenee, hajesejenehenaune nasau hadnethedauwaune henee nananene daujaenaunene. ³⁵ Nau hanaāēdāuwunaude, Deathavejenanathana hāehauwunewauunava nesevāejethāwau, nau newaugusajaānauchu, nau wauaunau, gauhājevathēhāva hayewhu? Hegau, hathauhaugaunee. ³⁶ Hanaāēdauwunaude, hau hewaunehaa henee nanethenauau nesevāejethāwau nanehaedanaunau, nau jea henewaugusajaānauchu; nau henee janethenauau gaugauchu, nanehaeandaunade heddu, nau jeaudaunau gaugauchu. ³⁷ Hanau nāedauwunathana, henee nuu wauthaunauhuu hethauwunaathauthaunauhunau, Nau haewauhaunau wauwauchudauhuhau: hanau nethauthedauthanau hethauvaa. ³⁸ Nau hathauhaugaunee, Vahadāhene, nauhaudau, heyewnuu hanesāe gaugauthau. Nau haeāedauwuna, Naadauchāe. ³⁹ Nau haejenaua, nau haejathāau, nesedaude, haa nee Olives; nau hethauguhādaunau jea haethauguhaa. ⁴⁰ Nau hāanauusade, haeāedauwuna hevevethahee henee hadejejedāna vasehadede. ⁴¹ Nau haejāvesa hehejese nejechauthaunenee, nau haechagujanaugu, nau haevevetha, ⁴² Nāchau, hith Nananene vadauusedaunenagu, jegudanauwune nuu vāenau hehethee Nananenau: hau nāhauwuvatthehaa, hau Nananene, hadnaasauau, hathauhuk. ⁴³ Nau haenauhauva hautheaune hehethee hejavaa, haedadāevaa. ⁴⁴ Nau haenenajeneethajau haenenavevetha: nau heguwauaude waude davathejaneauthee vaewauau dejanesee vedauauwuu. ⁴⁵ Nau hāegauhāde hehethee devevethahede, nau haejeedasa hethauguhādaunau, Haeveena haeseenaugauhunenau hee haudauwuthajaude, ⁴⁶ Nau haeāedauwuna, Naudu haenaugauhuna? gauhāe nau vevethahee, hadejejedāna vasehadede. ⁴⁷ Nau hajesanadede, haenauhauwu havathenedanede, nau henee Judas neseade, jasaa vadadauchunesenee, haenedauva, nau haeayāedasa Hejavaneauthusaun hadnedanaude. ⁴⁸ Hau Hejavaneauthusaun hathāhuk, Judas, gauhāavedaundauna Heau henane gauhadneenedanau? ⁴⁹ Hāene henethauguvādaunau daunauhaudauwunethe hadnesehade, Vahadāhene, gauhadjedauauwaunauau hee gaugauchu? hathauhaugaunee. ⁵⁰ Nau hanesāde haedauauva hewauwaunavene vasnajane vevethahevahew, nau haegauadathāhe hejavese. ⁵¹ Nau Hejavaneauthusau haeauchuhananadetha, Hauwaa nanesedau nuu. Nau haevasane henaundaunene, nau haenenayauha. ⁵² Hejavaneauthusau hanaāenehethaude najavevethahevahew, nau haunauyauhauthāhehau vadannauwuu, nau vachaugananenau, hejewaunedasādaunau, Gauhāejauva, waude hee havedehe, naugu gaugauthau nau vachau? ⁵³ Denethenaedevathana hayauwusenee vadanauwuu, nananena hāehauwudaneva: hau nuu nauauchaudauna, nau naunauthauau vaneeyauau. ⁵⁴ Hanaāedanauthee, nau haejathechauhanauau, nau haejedananauau Vasenajane vevethahevahew hedauauwunene. Nau Peda haejesedauchu. ⁵⁵ Nau hāesewaundedaunathee nahethāe hadauvasenejesauau, nau haeauājanaugunauau, Peda haejanaugudauna. ⁵⁶ Hau jasae hesāhedāeyaune haenauhauvaa daujanaugudaunade hejava hesedaa, nau haenaunauchaudauhauvaa, nau hathāhuk, Naa henane jea nanethenaedewaude. ⁵⁷ Nau haeethedauwautha, Hesā, nahauwaenaunau, hathauhuk. ⁵⁸ Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenau hegau. ⁵⁹ Nau hee jasaye denauchauau waunee jachau haeethauwunehene, hathāhuk, hethauwuu naa jea nanethenaede-

waude; hanau nananede Gananaean. ⁶⁰ Nau Peda hahagu, Henane, Nāhauwaene daun nesenehene. Nau chauchaunu, daunausunanadede, neauthuneāhe haenedu. ⁶¹ Nau Vahadāde haejaaagu, nau haenāuhauva Pedaheau. Nau Peda haethauchuthajaude hedanadedauunene Vahadāhenith, neesenehethāde, Hajesejeneduhude neauthuneāhe, nananene hadnethedauwauchune nasauna. ⁶² Nau Peda haenaua, nau haeneenave-wau. ⁶³ Nau henanenauau henee daununauthēe Hejavaneauthusaun haevavavanauchuhanauau, nau haedau-dauauvaa. ⁶⁴ Nau hāesajeājethauthēe, haeanadeāhenauau, nau haenaunaudedauunanauau, Haeyāhe, hanaa henee haudauauvāde? nethāhuk, ⁶⁵ Nau wauthanee haewauwauchuvaa nanāsanadethāde. ⁶⁶ Nau chauchaunu hasenaugusājenee, vachaugananenauau henanedanede nau najanauau vevethahehehauau nau wauthaunauhāhehauau haeauāchaudaunanauau, nau haejedananauau hadauhanadethee, ⁶⁷ Gauhanane Chris? jeāedauwunāa, hathauhaugaunee. Nau haeāedauwuna, Hith Nananenau hāedauwunathanagu, nanane-na hanājethauwaudaunena: ⁶⁸ Nau hith nananenau jea naudedauathanagu, nananena hanājauchuhananadesena, wauāthe hanājejenanena. ⁶⁹ Hewaunehaa heee Heau henane hadtheaugude hejavese naunaudāhenith Hejavaneauthu. ⁷⁰ Hanaāenehethee vahee, Gauhanane Heau Hejavaneauthau? Nau haeāedauwuna, Hasenehena Nananenau. ⁷¹ Nau hahagaunee, Hehauwauthevathehānanauau naudedauyaunauau? hanau nehayau nanedaunaunauau Nehayau hedenaa.

23 Nau haunauude henanedanede haegauhādene, nau haeyehaudaunanauau Pinade. ² Nau hanaāevavasevāde, Vaneenaunauau naa gauchuhuchaudede jajaesenanedanede, nau nedauduwaude hadjevenauthēe hauāyaunau Caesar, daunahagu Chris Nenauchuwude, nethadede, hathauhaugaunee. ³ Nau Pinade hae-naudedaua, Gauhanane Dauhunauchuwuhunene Jews? hathauhuk, Nau haeauhanāedauwunaa, Hethauvāne. ⁴ Hanaāedauwunaude Pinade najanau vevethahehehau nau henanedanede, Nāhauwuveedenaune wausaunee naa Henane. ⁵ Nau haenaunauchauthedauhādene, wauwauyauchudede henanedanede, hanechauhauthethāde hehethee vahee Jewsevedauauwuu, jejasesee hehethee Ganane nauuu nuu vedauauwuu, hathauhaugaunee. ⁶ Hāene Pinade nedauwauthaude Ganane, haenaudedauva wauau hagananenane. ⁷ Nau chauchaunu hāesaenauau henee daunaadāde Herod hadaunajavanethe, haeathavenane Herod, jea haenedau Dādaunedan hena hese. ⁸ Nau hāene Herod nauhauwaude Hejavaneauthusaun haevaseneethajau: heee devadaunauhauwaude dajauaunee hanau dauhuwauthanedauwauthaude; nau haevadaunauhauwuu jasaa venauneguthau hadnesedaunith. ⁹ Haenaunaudedaua hauwauhuu hanadedau-nau; hau haejauchuhananadethaa. ¹⁰ Nau najanau vevethahehehau nau wauthaunauhāhehau haetheaugunenau nau haenaunauchauthēvaa. ¹¹ Nau Herod nauguu vauānanenau haejenananauaugaugauyaune, nau haevavavanauchuhanauau, nau haeneenuhanauau neaudahenenee hu, nau haevenanauau jea Pinade. ¹² Nau hajesesenee Pinade nau Herod haenedaehāvadenauau nesauuu: hanau nedauwuu haeasānavadenauau nehayau. ¹³ Nau Pinade, hāesauānadethaude najanau vevethahehehau nau hauchuwunanenau nau henanedanede, ¹⁴ Haeāedauwuna, Nananena nauchaudaunena naa Henane, nanahagu henee gauchuhuchaudede henanedanede: nau, naune, nananenau, haunauchuwuhauau hathāāhena, nāhauwuveedenaune wausaunee naa henane heee henee hayauhuhau nanāsevasewauna: ¹⁵ Hegau, hehauwune Herod: hanau neathavejenanauwunathane; nau naune, hehauwuneenauau hehauwugaudauwudau. ¹⁶ Hadnensegauhāa, nau hadjenanauau. ¹⁷ (Hanau hadnaugauhūsenaasedaude hadjenanaude hanesāhenethe vasesethehedauneagu.) ¹⁸ Nau haunauude haevasānadenauau jasānee, Hausāguthaa naa, nau jejenanauwunāa Barabbas, hahagaune: ¹⁹ (Nananede hanau jasaa nejāevauāde hedan, nau hanau nenaade, nethānade duguhunauauwuu.) ²⁰ Pinade henaheee, haevadaujenana Hejavaneauthusaun, haeanadetha jea. ²¹ Hau haeneānaune, Saethechuhuu, Saethechuhuu, hahagaunee. ²² Nau haeāedauwuna nanaseauwaunee, Dusee, dusewauchudau? Nāhauwuveedenaune hadneegaujauauthēhaude: Hadnaasedaunau hadnensesegauhāa, nau hadnaājejenanauau. ²³ Nau haeneenasānadenauau, haeneenavadausaethechuhunauau. Nau haeneānadenauau nau najanau vevethahehehauau haechauwauauwaunauau. ²⁴ Nau Pinade haechuwardā henee hadnaasaunee hasvathehāthee. ²⁵ Nau haejenanauwuna nananede henee hanau nejāevauāde nau nenaade haethānau duguhunauauwuu; nananede heenedauwaudenenau; hau haevā Hejavaneauthusaun hathanauwauthēe. ²⁶ Nau hāejathechauhauthēe, haedananaunau hanesāhenith Simoneau, hehethee Cyrenene, hananeedesade vedauauwuu, nau hananene haenhanauwunanaunau nau gauchu, henee hadnanewauunauwunith thauguu Hejavaneauthusaun. ²⁷ Nau hena haethauguhāa havathenedanede, nau hesānau, haeaudauwuthajauha nau haevewauhunauau heee. ²⁸ Hau Hejavaneauthusau haejaaāne haeāedauwuna, Dādaunedan hedaunauhau, jevahevewauhuu heee Nananenau, hau heevewauhuu nehayau, nau heee hadāeyaunevenau. ²⁹ Hanau, naune, hese janādauuu, hadneenedaunee, Haunauwuthajauau jenesaunehēhauau, nau henaudaunenau henee ne-jethauujanesāthee, nau hethanenau hehauwunethuaunenau. ³⁰ Heee hadnaāejaseseneheduu hauane, Gaudaunānauau; naa jauaudane, gaudauyauhunauau. ³¹ Hanau hith heenesedauhaugaunee nuu hayauhuhau janadanegauaheyaugaune hauhadene, haudneenedusaune wauthēyaugu? ³² Nau hena haenesenauau gauchuhunee jea, wauwauchudauhuhau, haenethaunaa hadnaugunaade. ³³ Nau hāene hāedadau, Calvary

hanaaseenee, hena haesaethechuhunauau, nau wauwauchudauhuhau, hanesāhenith hejavesee, nau jachau nauwauthe. ³⁴ Haenaāenehede Hejavaneauthusau, Nāchau jaegudanauwunene; hanau daujāenuu hasedauthee. Nau haejaanauwaunenau, hedāchaunene, nau haeheedaudausadaunenau. ³⁵ Nau henanedanede haetheaugudaune dauhasauhauvade. Nau hauchuwunanenau jea nauuu haeauchaudanavaa, haseneheyau-gaune, Nenayauhaude hauthauau; Nanehanenayauhadede hethauwuu Chrisdeyau, Neayāsanāde Hejavaneauthu. ³⁶ Nau vanenanenau jea haenaunaugauthedanaa, haedasaa, nau haevenaa naneujaudenee dadajevenenaje, ³⁷ Nau hathāhuk, Hethauwunajawaunaudagaunee Jews, henayauhade nehayau. ³⁸ Nau hae-wauthaunau jea hae-wauthaunauhune hejavaa hedanadedanene Greek, nau Latin, nau Hebrew, Naa Nana-jawaunaude Jews. ³⁹ Nau jachau wauwauchudahu chaunaunauunith hae-wauwauchuvaa, Hethauwuu Chrisdenagu, henayauhade Nehayau nau nananee, hathāhuk. ⁴⁰ Hau jachau haeauchuhananadene haedauduva, Gauhajeadaunau Hejavaneauthau, hanau nananene nanesadee hathauchuwuhane? hathauhuk, ⁴¹ Nau nehanauau; hanau hanesedanauwunauau nanāsedaunauau: hau Naa hehauwuwauchudau. ⁴² Nau hanaāenehethaude Hejaneauthusaun, † Vahadāhene, dauyewuwuthedaune hānanuusanaune Hanajanede. ⁴³ Nau Hejavaneauthusaun hathāhuk. Hethauwuu hāedaunwunathane, Nu desenee hadnethenaedevene Paradise. ⁴⁴ Nau hāethauthaunesade, nau hanaāeveeyauau nanadee vahee hathāuauvava haunaude nanasuusee hāenauauchauau. ⁴⁵ Nau hesese haeveenenauau, nau hauguthau Vadannauauwuu haethauwunauau nahethāe. ⁴⁶ Nau Hejavaneauthusau hāevasānadede, Nāchau, hajadanaa hadaunaunehau Navadathuwu, hahagu: nau hāesenehede nuu, haevadauwauthauwu. ⁴⁷ Wauhā vanenenaja hāenauhaudauau hasedaunenenee, Haeauwauauna Hejavaneauthu, Hethauwuu naa chaunuvāde Henane, hahagu. ⁴⁸ Nau vahee henanedanede henee hathāejeauānuusathee hadnauhauwauthee, haenauhaudauwu hanasedaudenenee, haenadesejāhedenauau, nau haejaajegauhudaune. ⁴⁹ Nau vahee henedaehauhau, nau hesānau hethāethauguhādaunau hehethē Gananee, haetheaugunenau vavāaune, haenauhaudauwu nuu. ⁵⁰ Nau, naune, henane Joseph haeseee, najananadehe; nau haethā, nau haechuvā: ⁵¹ (Naa haejechuwadā hasenehedaunenene nau hasedaunethe;) haenaadāde Arimathaea, hedan Jews: nananede jea nehayau haejauwuwude hena-janedaunene Hejavaneauthu. ⁵² Naa haeyehau Pinade, nau haenedauwaude hedanayaunene Hejavaneauthusaun. ⁵³ Nau haejanana, nau haeauyauuna naunaujānaunee, nau haejenana nedauthānavathe gaujauaudahehehau hauunaugāe, haunauau henane haejethauujenau. ⁵⁴ Nau hena hese haeesaanudaune, nau vadanesee dayānauauchauau. ⁵⁵ Nau hesānau jea, hejenauunethaunādaunau hehethē Gananee, haethauguhā, nau haenauhaudauwu hadausaesenanethe, nau hedanayaunene hathaudanee. ⁵⁶ Nau haejaenauthau, nau haeesaanudenauau hathāeneevaudenee nau chauayaunau; nau haedaulyānusenuu vadanesee hasauau nanavaavede.

24 Wauhā nandedauwadaa hese hauchauvadede, hajesejevesesanith haejeedadauwu hadausaesenanith, haenauuchaudenauau hathāeneevaudenee heesaanuthaunenau, nau jasee hauthauau nauuu. ² Nau haenauhauvanauau hauunaugane haeausānene hehethē hadausaesee. ³ Nau haejedānauau, nau haejevedenauau hedanayaunene Vahadāhenith Hejavaneauthusaun. ⁴ Nau hethauwuu daugaudauwuthajauthee heee, naune, hanesenethe henanenau haetheaugudaunā haenauasāaunenau hedāchaunene: ⁵ Nau daunāthajauthee, nau haenaunauagunauau vedauauwuu, haeāedaunwunā, Naudu nananena haenaudehauna hanaededaunaude nethee gaujauaudahehehau? ⁶ Hehauwanedau hede, hau jaegauhāde: dauyewuwuu neethāedaunwunā denausunatedaude Gananee, ⁷ Neesenehede, Heau henane hadvenavathe hejadenene wauwauchudaunenau, nau hadsaethechauhude, nau nasese hadjaegauhāde. ⁸ Nau haedaulyewuwunauau hedanadedanene, ⁹ Nau haenaudauwu hehethē needausaesenanith, nau haeauthedaunanauau vahee nuu hayauhuhau jasānee, nau vahee hauthauau. ¹⁰ Haenane Mare Magdalene, nau Joanna, nau Mare henaune James, nau hauthauauau hesānauau henee henethaunādaunenau, neauthedaunauthee nuu hayauhuhau vadauhanau. ¹¹ Nau hedanadedanenuu hathanadauwuyaugaune gaugauyaune, nau haejethauwadaunau-nauau. ¹² Hanaāegauhāde Peda, nau haeyeseneegau hadausaesenanith, nau haeewaugau, haenauhaude naunaujānaunee haeānauandanenuu jessaa, nau haenaude, haegaugauanade hasaunee. ¹³ Nau, naune, hansenethe haeyehaunenau henee hajesesenee hajasee hauauwudan Emmaus haseagu, hehethē Dādaunedan wauau nesaudauchu nau gauu daugauha. ¹⁴ Nau haenadenauau wauhaunee vahee nuu hayauhuhau hasaunee. ¹⁵ Nau hethauwuu, henee, dauanadethee wauhaunee nau haenaunaudedaunadenauau, Hejavaneauthusau Nehayau haeauchaua, nau haenethauna. ¹⁶ Hau hesesānenau haedunenenuu henee hadjaenaunauthee. ¹⁷ Nau haeāedaunwuna, Hayewnau hadanadedanenuu nuu henee nananena hānegudaunene-nau, daujajāwauaunadana, nau daudaneāauna? ¹⁸ Nau jasee hanaaseede Cleopas, haeauchuhananadethaa, Gauhanane vavade dauhadavesane nuu Dādaunedan, nau gauhajaene hayauhuhau hasedaunene hena nuu hese? ¹⁹ Nau haeāedaunwuna, Hayewnau? Nau haeāedaunwuna, Hee Hejavaneauthusau Nazareth, nananede Haeyāhe naunaudāde hanasedaude nau hedanadede hathāhenith Hejavaneauthu nau vahee henanedanede:

† "Hejaneauthusaun" possibly should be "Hejavaneauthusaun". (See note for 18:19.)

²⁰ Nau najanauau vevethahevahehauau nau hadaichuwunanevene neesevānethe gaujauaudahede had-neauchuwuhade, nau nesaethechauhude. ²¹ Hau nejauwuwuhaunauau Nananede hadnenayaude Israel: nau nauguu vahee nuu, desenee nanasāe hesee hāesenesedaunee. ²² Haa, nau jasae hesānauau jea hada-henauau nenāvānauau, naugusāge neanedauthee hadausaesenanith; ²³ Nau devevedethee hedanayaunene, nejenuusathee, neauthedathee, henee jea haenauhauvanauau hautheaunau neethāhaugaunee henee daujae-naedeyaugaune. ²⁴ Nau hauthauauau hānethaunādaunene deyehaunauau hadausaesee, nau haeveedenauau vavade hesānauau neesenehenethe: hau haejenauhauvanauau. ²⁵ Hanaāedauwunaude, Hau hāhauwaenava nau gaunauanu hadahenu hethauwandanee vahee henee haeyāhehauau nethauthedathee: ²⁶ Naasauau Chris hadnasenede nuu, nau hadjedāde hadnedauvasāthaa. ²⁷ Nau jeeejasesee Mosese nau vahee haeyāhehauau, neevavesāedauwunaude hee vahee hanathauthaunauhunee hayauhuhau hadnesenaedede Nehayau. ²⁸ Nau haeeachauwu hajasee hauauwudan hasesathee: nau nehayau haenandauneha hadjavesade. ²⁹ Hau haeneenadaunauau, hathauhaugaunee, Hanedaunāa: hayānaesade, nau hesee hayāenauwusanauau. Nau haejedā hadnandaunauau. ³⁰ Nau hethauwu, daujanaugude haenethevetheheva, Haedane jauaujau, nau haevaveene, nau haejeane, nau haevana. ³¹ Nau hesesānenau haegaunanenenau, nau hanaāenau-nauthee; nau haeyauhauvanauau. ³² Nau hadāhene gauhauchāe hethauvaa, hanathadagaunee jae, deanadethānauau jāthee, nau hāegaunauwunānauau wauthaunauhanau? ³³ Nau haegauhānauau chauchanu nau haejaeyehauau Dādaunedan, nau haeveehanaunauau jasānee haeauuudaunāhenenu, nau hauthauau henee hanedaunādaunenau, ³⁴ Vahadāde gauhāde hethauwu, nau haenauhautheha Simon, hathahaugaunee. ³⁵ Nau haeauthedanauau hayauhuhau hanasedaunith hadesathee, nau hasaenaunāde daujeanaunau jauaujau. ³⁶ Nau daunauwunadethee, Hejavaneauthusau Nehayau haetheaugu nahethāe hadauthee, nau hathāhaugaunee, Danādaunauau vanenathana. ³⁷ Hau haenānaunauau nau haenāthajau-nauau, nau harethajauhaugaunee henee haenauhauvanauau vadathu. ³⁸ Nau hathauhuk, Naudu nananena haenāthajau, nau nauu haegaugauuthajau gauhānauha hadahenu? ³⁹ Nauhaudauwu Najadenau nau Nauaudau, henee Nananenu nehayau: Vasanee, nau nauhauwu; hanau vadathau hehauwudaunānune nau hehauwudechaunave, hathauhauwuna. ⁴⁰ Nau dauhanadede, haenauhautheha hejadenau nau heaudau. ⁴¹ Nau haejethauwuthajauvanauau hee haunauwuthajau, nau haegaugauuthajauvanauau, Haeēdauwuna, Gauhajeveetheneva hede? ⁴² Nau haevanaunauau hanesāhenith nauwu haeaujaunene, nau gauhauaugunau-gauye. ⁴³ Nau haedane, nau haevethe hathājenethe. ⁴⁴ Nau haeēdauwuna, Nu nanāe hanadedaunau hāauthedaunathadenenu, denausunethenaedevathana, henee vahee hayauhuhau hadnethauwunauaichuu, hanathauthaunauhuu henanavaavede Mosese, nau haeyāhehauau, nau psalms hee Nananenu. ⁴⁵ Hanaē-gaunauwunaude hadnaenauwunethe, henee hadnaenauwunethe wauthaunauhanau, ⁴⁶ Nau haeēdauwu-na, Hathauthaunauhuu, nau naasauau Chris hadnasenede, nau hadjaegauhāde hehethee gaujauaudahede nasese: ⁴⁷ Nau henee haugauthegaugauuthajau nau hadjaegudanee wauchudaunenau hadnautheduhunee hee Heneseede nanadee jajesenanedanede, hehethee Dādaunedan. ⁴⁸ Nau nananena haenauwuna nuu hayauhuhau. ⁴⁹ Nau, naune, Nananenu vanenathana sayānee Nāsaunau hau theauguu hedan Dādaunedan, haunau nananena hāchauwunagu nauguu naudahede hehethee hejavaa. ⁵⁰ Nau haejasesenedauwauna ha-jechaudanee Bethany, nau haegauha, nau haevethasa. ⁵¹ Nau hethauwu, daunauwunavevethauchaude, Haenautha, nau haeejechauhau jethee hejavaa. ⁵² Nau haevethedaunauvanauau, nau haejaeyehauau Dā-daunedan nauguu vaseneethajau: ⁵³ Nau dajauvanee haenandaunauau jedauwu Vadannauwuu, hauvanede nau haevethedaunauvanauau Hejavaneauthu. Hethauvaa.

† The last word of the verse is unclear and could be "hathahaugaunee" or "hathahaugauhee". The former was chosen as being closer to what is used in other instances of direct speech.